

Lukahrah Avaitthu Tsutsa Ahia

Aphachang :

1 Shülangve Theophilus! nanok ahinti pahiarah manna na-tsam mungna ahamah rüta atüsubna saüli mra dongtah thunka, manphan ikha vaitthütah. **2-3** Racongükai mra thunka wüjamrah maitmü makmah chitah. Kümah wüjamrahka nashihma nümah atülia phankuh küvasüli lakna vaithütah. Kümah kra tsütsaka tsangshihrah mungmaitsema tütai kuhthütah. Tsangshih lakna avaithü thunka ngirah ahiavih, ahamah rüta atüsubna saüli, tüttholata blüh kiki phatkang. Küma kükhahali, maitnümah atülia congkuh thun küman kükhasü tüttholata sidikang. **4** Kütinkhan sidilot jaishe, ara manphan ara omnüräh tailaü thah küzah, ahamah rüta atüsubna saüli tüttho tütpha misaplah nguta vaitükang.

Raserah Johan Baptist Ravüchi Akhing Tütai Kitah

5 Omcaü congükang manphan tücap phavanka Herod Raja patmah phahotah. Kütakah Herodka Judia mung küzah Raja kamsham. Kütincoji Jekeria nguta tsangve veshi sitah. Apaitka Abia nguta kongkhuna sitah krata phánva. Jekeria taniung mangka Ilijabeth. Ilijabeth küman Jekeria kükha tsangye phansü. **6** Tsangnai niungveka tsangnai rilungna Shükiave makluna athukvih sitah. Kümah kükhahali Tative tri küman ahiavihmah shüting shürai langvantah. **7** Rüşatmah tsangnaika sehü. Tsangnai vüta akükai wishe. Ilijabeth küman vikaüshe. Noshu niungma jalotmakcang khanshe.

8 Ranaitshi Jekeriaka nokucong küjah Shükia- vema aluka keva nguta jammongna ngavatah. **9** Tsangshih tsangveybi thunglaimah kra ranait alukeva

tsangve kamka anokrah apaitma kuhtah. Apaitka Tative jammongna simiva nai phanrap ahomvih phanka talücahva nguta vatah. 10 Apait jammongna kra cahshonka nokve thunka noku jamkia küjah rütam raüta acu jaütah. Apait krathunka tülu cahshon, 11 rava Tative Rase ashi saüki sah raüta apaitrah phanrap ahom vihphan cahtülah berong heshap tho küzah jahtsi nüna capkitah. 12 Rase apait thona capraüka ciraüta, apaitka ahairai rütah 13 Apait ahairaika ciraüta raserah apaitrai bomdamtah, "Nahaikih Jekeria! Shukiaverah Apait java acu jaülaüka tai toshe! Omjamti niung Ilijabethka noshü niungmashe mija. Kra noka ravü ciraüla Johan nguta mimang haüzo. 14 Kra no vüchi ranait! namnai niungve nai nanok pahia ahintibima man kai cocicang lam sitülo. 15 Jamningkhanva ngukala kra noka lakiraüjah Tative manna pinthum ajongma mija. Apaitmüka cetanian-gman maimak. Sütala Vinjika aravüci ranait müphat akhumna ama misi. 16 Apaitrah Shükiave saüse Ihudinok pahia namshih phongva rumna amü araki thun nai lamjihna akihothunka namshih Rümte Shikiave phana mishia wannong. 17 Apaitka Shükiave Tsütsa soti nguta kamkam miki. Shükvive Shammi Ilija kitah kükha apaitman amang ajong mirah. Phanrap maitvangcang mikülo. Tapin aki, sive sise küman adamna mitratamnong. Küma Shükiave bom taliati, maitmü khosimah lam ahinna kihotahti küman atüjangshia mirahvan. Apaitrah Shükiave saüse thunka Shükiave lam phanvan lamnüna tsangshih tsan avokka ngrai lam phantülah küva pattublam phanvanli cangna apaitrah mitarap ruvan Tativey misaü kishahna."

18 Raserah kra congkūta Jekeriarah vaitah, "Omnūrah congṭūlaūka mitengvan dia nguta jamkho misapha? Nainairi vikaū tikūshe." 19 Kra ngukah-tūshe raserah tūretah, "Ngi mangka Gebriel. Ngi Shūkiave manna cap ngati. Shūkiaverah ara tsūtsa arā omnūma tūtaikikih nguta atūki. 20 Rūshatmah omnūrah ngirah tengman tūlah bom congphata lammaū rūtūlaū. Ngirah congkangka poimak. Akhing atenna rūkhali mihongthavan. Rūshatmah omnūrah ngi bomma lammaū rūtūlaū kra ningkhan omcaū amah sinha omnūh bomhūmashe misihaū tsū-tsa congkangka mihongvanshah vūvū. Ombomka poshi man dongmakshe mirah."

21 Kinphaina acūjaūti nokve thunka apait alou donghomak rūkūta athe angeshe. Tsangshika Jekeriamā jamlaiva rakita noku jam mongna atinkhan hai vatah ara nguta tūma jamshe. 22 Jekeriaka nokucong mong kūmah kinphaina dongki raūta sinha abomka dongmakshe. Apaitka anak rai bomlot makshe. Kra chiraūta tsangshihrah apaitrah ama matosham nguta hesahli rūtah. Kūmah apaitrah man anak kūma bomlotmang nguta ajahma congkuhtah. 23 Kūtūkah ranait apait jashamka lotraūta sinha tsangjam nūshe vavantah. 24 Kra jaimashe tsang niungka vahanshe sitah. Vahan sitah lūpan Ilijabethka jipi lūbangi cūna man khummak, jamna ngashatli rūtah. 25 "Maitrah khanghū rahū niung nguta omtinkhanva shūmmūtah rūshatmah Tativerah ngima ara shūman kuhto. Ngima jiasi capa lamman omcaū sinha ahūsha, Maitmak kina vakūmvih niung ngutashe misiha," nguta Ilijabethka kai khorūh shishūh mūshe sitah.

Raserah Jesuh Ravüchi Akhing Tütaikitah

26 Ilijabethka vahan, jipi lütrok asi vinashe Shükiaverah rase Gebrielka Gelili mungna Najareth nguta mait hih ashi asi küjah tükitah. 27 Rase Gebrielkah jecakse ashi amang man Merih nguta küma tsüqtsa congkai nguta kitah. Kütakah Merihka Josephma nguta atükapvishe. Josephka Raja Devid saüsephan. 28 Raseka Merih phana kiraüta apaitma akha nguta bom congkitah : “Kikapti niung! Tativerah omnühma cecu jonghia kuhtoshe!” 29 Raserah jamlai ngova ngutala kra taklotmak ningkhan apaitka aktü anitü lishe rütah. 30 Apait küniü raika chiraüta raserah mangcan lammah bomdamtah, “Merih nahaikih! Shükiaverah omnühma kai khusi tülo! Apaitrah omnüma shüman cecu athüke kunshe. 31 Omnüh noshü niungma mijahaü. 32 Omseka maitvese mirah, kra noka mungkang thahna ajong pinthum mirah. Apaitma ati tipai Devid Rajama tüjatah kükhasü Shükiaverah Apait küman Rajama mitüja. 33 Apaitka Jakob saüse phan tülotli thahna pattub Hokham kam misham. Kümah Apait Hokham kamka athum kaicang rümak, thummak pattub sivanrühcang lishe mirah!”

34 Kra ngukata Merihrah rase bomka türetah, “Ngika noshü niungma omkho mija maitma sintüla mivashah?” 35 Kra ngukata raserah türetah, “Sütülah Vinjika omhanna miki. Küma Shükiave ningkunmah kra omkhumna kitülah Vinjika maisema mipou omhanna. Kra ningkhan omhanva sütülah noka Shükiavese nguta mimang. 36 Omnie-no-niung Ilijabeth tho laptülatü khata? Ilijabethka vikaüshe angu rüshatmah omcaü apait vühan jipi lütrokshe! 37 Shükiaverah külo lotmak ngutaka jamman ahü.”

38 Merihrah rase bomka türetah, “Ngika Tative saüse! Omnüräh omcaü congülaü kraphan Chüvanti Shükiaverah asaü ase küma mita hongtha kuhvanlah!” Merihrah kra apait bomka türeri, raseka apait tho küva rana vanansah she vavantah.

Merih Ilijabeth Rai Rühumkai Kitah.

39 Raserah apaitma congthü jaimah jalomali Merihka Ilijabeth sitülah hih küjah vatah. Ilijabethka ku-akin tonglong Judia mung küjah mait hih ashina sitah. 40 Merihka Ilijabeth nai Jekeria jam kujah varaüta Ilijabeth rai rühum vatah. 41 Merihrah Ilijabeth rai asaüvari rabomvanka tairaüta Ilijabeth hanna sitülah noka man Merihma cocima vokmongmah atüme rütah. Kümah Sütülah Vinjika Ilijabeth khumna pura shangtah. 42 Kra ningkhan acocisimsima Ilijabethka ajongvihma süraitah: “Tüniungram, mungkan niungre thahna vaküm pinthum niung, Oh! omnüräh omcaü omhanna hotülaü Shükiavese no krama vütarüräh atüshomrali mitühialah! 43 Omnüh Tative niungrah ngi rai rahum kitülaüka ngima cecu jonghia lapvancanglam sitülo! 44 Omnüh ngirai rabomvanka tairaüta ihanna sitülah no kra diaman acoci lammah atüme rütou. 45 Oh Merih! Omnüräh Tative bomcongka mitengvan nguta kamvan tülaü kra ningkhan omnühma pinthum coci canglam sitülo!”

Merihrah Shükiavema Tüshom Ratah.

46 Merihrah bom türelammah she akha nguta Shükiave tüshom ratah :

“Ngi pinthum khorüh tükang Chüvantivema.

47 I-tsai iji man vüta Chüvanti

Shükiavema pinthum khorüh sishüh sitülo.

48 Apaitrah ngi akhanok maitse jehintima
lungvü ratita mangcan kuhto.

Apaitrah ngima mangcan kuhtah kra ningkhan
omicali amah sinha maithpat thummak vüvü
vütarürah nginang vükümvih niung nguta
süsah mingü.

49 Ranai hih Rümtime Phanthe Shükiaverah
ngima shüman ajong pinthum tsü-kuhto.

Kra ningkhan Sütülah Apait mang küli pinthum
tüshom ratükang.

50 Apaitrahka Apaitma lungvü tsan tsü
thüvan tülahti thun vütarü mangcan kuhtülo
maitpat patshimah rüta patshihna saühoho.

51 Apaitrahka abi ati kam nai
thümia daku, phanrap ashut ashai külovanti
nai kumrong kumrah maitse anguthun vütarü
thünka lüshat rütülah.

Tsangshih thunka Apaitrah tüpin tüjin,
jobait tülah.

52 Apaitrah ajong hoknam jütakai nguta sitülah
thunka hokham ngacang küva tüdia türok tüpin
jobaitah,
raüta jehin nore anguti thunka tsangshih
thana yana dotah.

53 Apaitrah aniang aleti thun küma avok tüphe
kuhtah, raüta cüthe maitse thunka jahmümah
tüva baitah.

54 Naniungvema Apaitrah kih akham kuh
tühong kuhtoshe;
Apait ajashive Ihudinok khürum kai kito.

55 Apaitrah Abraham nai Abraham saüse vütartü mangcan shat rütülo kümah jaina man rilung pattub khürum shat-mirah."

56 Merihrahka Ilijabeth rai jipi lütsam sitah. Jipi lütsam sijaishe tsanghihna jangvan nongtah.

Johan Baptist Ravüchi Akhing.

57 Merih vavan jai, appa sijaishe Ilijabethrah no dotah. Tsangseka raserah kongkhumah congkitah krai müren maitvese dotah. 58 Tsangnai niungvema tati seno omcuva sitülah thunka kra Tativerah shüman cecü thüke chishat ningkhan kütakah no vüchi ranait kai khorüh coci damtah. 59 Aravü chijaimah cepa-tshi siräüta, rütücat ngoranait küjah nashe amang poi kütlotah. Amang poi ranaitka no huktsam küjah Shükiavese nguta man shakop heshap she, phanshi jasaimah tümi hantah. Tsangshihka ave mangka tüphan, no mangka Jekeria nguta mang diantah. 60 Rüşatmah aniungrüshe, "Jekeria rümak, apait mangka Johan nguta mangra," nguta tüvintah. 61 "Johan ngutaka namning namve mang tüna ahü?" nguta anokrah apait bom türetah. 62 Kra rüngu raütashe tsangshihrah ave müshe ase mangka ju nguta mangcangva nguta jahma thinam raüta vaitah. 63 Kütakah Jekeriarahshe lak vaitcang celap jaü raüta celapna, "Apait mangka Johan" nguta vaitah. Kra chiräüta tsangshika vütartü tülötli avang rai, arang ara. 64 Iüpan küjahli raserahkih kham kuh thütah krai müren Jekeria bom küman hiakisah hiakitah. Abom dongnong küta sinha, apaitka Shükiave tüş-omra lashe kai khorütah. 65 Rase bomcong kurai-vanka chiräüta tsangshih rai noka mang poi lomdamti

apho ano jamthah jamkhiva mait omcuva ngatūlah thunka pinthum avan lise rūtah. Kra hongvantah tsūtsaka Judia mungna siti barabtirah she taitah. 66 Kra tsūtsa taitūlahbi thun vūtarūrah tsangshi nai tsangshi lūpanna, "Arase ala jamkha maitma javantiva nia?" nguta rūcongta. Kra noka Tativerah pongphanke aphankeh nguta kra mūphat vūtarūrah sapshatshe rūtah.

Ave Jekeria Bomcong.

67 Kūtakah Sūtūlah Vinjika Jekeria khum kūjah kitah. Kra Sūtūlah Vinji kra ningkunmah apaitrah ara Shūkiave tsūtsa ara congta :

68 "Nashih vūtarū naniung nave (Ihudinok)

Rūmti Nave Shūkiaka tūshomra rong i!

Apaitka asaū ase thun kharū mongwa dūbaitkai kito.

69 Apaitrah nashih chūvanti ajong veshih tūkito.

Kra nashih Chūvantiveka Devid saūse jamna tūkito.

70 Omsūhmah rathup raphana Shūkiaverah ashammibima akha nguta tūcong kitah.

71 Apaitrah nashih chijah rejahva mitūchu kuh nguta congta, kūmah nashih ngengtīnok jahkhonva mitūdong vanha nguta kihkhamta.

72 Shūkiave Apaitrah mimangcankuh ngutah nashihma kihkham kuhtah.

Kūmah Apait sūtūlah kihkham kuhtahka shap-hai mangmah mikūlo kuhvanha nguta chongta.

73-75 Apaitrah nati Abrahamma kih ahiavimah khamkuhtah.

Kūmah Apaitrah kongphih khatah nashih mitüchükuh vanha dongdü najahiti jahkhon mongva nguta.

Kūmah, kükha hali nashih nangman, Apaitma shüreng shatmah nai haihü songhūmah Apait kam shamra nguta congta.

Nashih nang khum sürai raimah, marait ahūmah sironglah nguta congkuhtah.

Nashih nangnga rilung pattub tingting lamna shüting shürai sironglah nguta congkuhtah.

76 Ise Johan! omnühka Shükiave shammi nguta misihai!

Omnühka kongkhuna kiiäuta Chüvan Tative kailamka kongkhuna mitanho hai.

77 Kūma Shükiave saüse thun kūma, tsangshihka ngrai jahkhon mongva mittüdong van nguta conggho mikihai.

Tsangshih ngraika adüshe mirahkuh nguta miconggho hai.

78 Jam ningkhanva ngukala Phanthe Shüklaveka nashihma mangcan tsü asi thütülo.

79 Nashihka rannah mongva ravü nashe mishiavan.

Nashihma Rashe donggho tülo she!

Kūmah Apaitka mungtanmah nashihma vanü mitünükuh

Kūmah lamjihva tengman tülah pattub ahiavih apco aleo lam künalishe mishiavan.

Jamman ngusihmakshe mirah nashihma,"

80 Noshü seka Sütülah Vinjirah rümshatmah tūjong lutah. Apaitka lakiraüta sinha kumtsai phüna (rumna) sikitah. Apaitma mungmaitse manna trakhou akhing misaüshah lüpanka kumtsai phünali sitah.

Jesuh Ravüchi Akhing.

2 Kütin coji Agastaska Ruman Hokham kam sham-tülah. Ruman Hokhamve Agastasrah apait jahta kihna mait hih omcuva sitülah krathun tülotli küva mait via aming kuhtah. **2** Kra mait viatahka mait heshap apha, tülangpha shahshah. Kütakah Kuiriniaska lats-ahübma jaraüta munglang Siria mung nguta maitmung ahin ashi sitülah küjah. **3** Kra mang tüvait amingka tairaüta niungve nose vüta, mang tüvaitkai nguta maitmü hihthona tavun sitülah küjah kitah. **4-5** Joseph nai Merihka Gelili mungna Najareth nguta tavun ashih küjah siti. Merihka Josephma lamma nguta bom ashükapvishe, Küma Merihka vahanshe. Tsangnaika Najareth tavun kümah tsangnai mang tüvaitkai nguta Judia mungna tavun ashih, amang man Bethlehem nguta küjah kitah. Bethlehemka Hokhamve Devid ravüchicang hih. Josephka Devid saüse phan. Kra ningkhan Josephka Bethlehem hihna kitah. **6** Tsangnai Bethlehemna saükal jaishe Merihma novüchi akhingshe hongkitah. **7** Tsangnaika vanve japcangna khok ahü, mait pahia binmak ningkhan minsäu tübna japtah. Minsäu tüb küjashe tsangse chikhuveka dotah. Merihrah noka khiamah jobraüta minsäu tsam phahcang longpinkhü küjah noka tükontah.

Sakurümtisetüm Nai Rasetüm.

8 Saku rümtinokka mait hih phaina ravana ajab tsangshih sakükhe lammah. **9** Tative raseka krajah

tsangshih phanna alivala satkitah. Tative raseka
 chiraita tsangshihka pinthum akü anitü haitah. 10
 Rüşatmah tsangshih hairaika chiraita raserah tsang-
 shih rai bomdamtah: "Nahai rongkih! Ngika nam-
 shih vütarüma tsütsa ahia ajong pinthum tütai kai
 nguta kikang! Kra tsütsaka taiti vütarü kai micoci.
 11 Omcaü rava Devid ravü chicang tavunna namshih
 Chüvative Tati Kristo ravü chito! 12 Apaitka minsäu
 tsam thükechang longpinkhüna khiamah tujobraüta
 atave arah michivahan. 13 Kra nguri maklü lüpan
 nali ravangvin küjah raseka pahia pahia Tative rase
 krai Shükiavema tütsamkam, 14 "Ratssn ramongna
 siti Shükiave mangli mijonglah! Mungkang hihna`siti
 Apaitrah rotülahtibi tülolima hansang mirah!" 15
 Rasetümka kra shithü raüta rana jangvan nongtah.
 Rasetüm rana jangvan jaishe saku rümtibika tsangshih
 nai tsangshih rücongta, "Shükiaverah nashihma
 bomcong kuvantoshe nguta congkitahka Bethlehemna
 lüva rongpha nashih kita sangma." 16 Kra rücongta
 krai müren tsangshihka Ilalia varaüta Bethlehemna
 lüva küta sinha ngohia dia Merih nai Josephka minsäu
 tübna chivatah. Saku rümtitüm thunka küjah saüva
 raütashe Joseph nai Merih küma tsangshihrah no
 mütu Tative rase bom nai rasetüm ashi taitah thunka
 tsangnaima congkuhtah. 18 Saku rümtinok bom taiti
 mait thun vütarü akü anitü arang ara, kai vangahtah. 19
 Rüşatmah Merihrahka kra thunka atsanna ahiavihmah
 shathütah. 20 Saku rümtinokka Tative raserah tsang-
 shihma jamkho congkuhthüta kükha rakhahli chiva
 raüta sinha, tsangshihka cojong cise Shükiave tüşo-
 mraholashe kihotah.

Jesuh Mang Poi.

21 Ravü chijaimah cepattshih siraütashe Josephka, kongkhumah raserah Apait aniung Merih hanna mipo kishahna omkho congkkuh thüta kükha rükhahli Jesuh nguta mangtah. Amang ranait nohan küjah tümihantah.

Jesuhka Nokucongna Shiahotah.

22 Tativerah Moshehmä akuhthü Shükiave thungtrimah no han tüssü akhing hongkütüshe Joseph nai Merihrah noka Jerusalemna nokucong situlah küjah shiahotah. Noka nokucongna shiaho raüta Shükiave jahna she apkuh kitah Thungtrina congtilah kraphan. 23 Tative Thungtri lakna akha nguta vaithuje : "Mait-
 vese chikhu omcuva ravü chitulah kra vütarü Tativema apkera." 24 Tsang naika kükhahali kiraüta Shükiave Thungtrina congtilah kükha alu kekai nguta hali kitah : "Haütaü kaunai rümak jala paro kaüvaanai!"

25 Jerusalem küjah kütakah tlküve veshih sitah. Krave mangka Simion. Simionka Shükiave lam phanna atingvihma sitive. Apaitka Ihudinok tüchüvanti Messiah kra saüakai khe thenie shatmah sitah. 26 Sütulah Vinjirah Saimonma kongkhumah congke, apaitka Tativerah atüki Messiahka chithü hümah tsaimak mirah nguta congje. 27 Kütakah apait Sütulah Vinjirah nokucongna shiavantah. Kütakah Merih nai Josephrah tsangse Jesuhka Thungtrina congtilah kra müren nokucongna shiavan raüta Saimon jahna kuhvatah. 28 Saimonrah noka ajahna doshatmah Shükiave nang akha nguta tüshomratah :

29 "Oh Shükiave! omcaü sinha Omnürah ngima Omkih khamkuh laüka tühongkuhvan laüshe.

Omjah shi seka (Saimon apait) ajamna ahia vihma she tüvalah.

30 Omcaü sinha ngirah Imak mashe chikang Omnürah mung kang Chüvanti tükilaüka.

31 Omnürah vütarürah chishar nashe tükilaü.

32 Raniah maitse (pong nok pongphanti) küma man Omlam phanvan mütu ravü anieshe tüchi kuhtülaü.

Küma omcaü Omse Omno Ihudinok kra mang man tujungvan laüshe."

33 Noshü niungveka Saimonrah kra no mütu bom cong tah thunka tairaüta avangrai ratah. 34-35 Saimonrah no küma acu jaü kuhlot raütashe aniung Merihma akha nguta cong tah: "Ara no ara Shükia-verah atsia raüta ataki. Apait ningkhan Ihudinokva vüjam athum, athen ajen mirah Kümah, vüjamrahka asak tsitsü milapvan. Apaitka Shükia-verah ataki nguta tüsapshatmah misi. Kra ningkhan vüjamrah Apait mingeng. 35 Apait ngeng tül ah kra tsangshih mong-jüna aniah rümtül ah thunka tüchikevan lamli mikhavan. Kümah kükhahali omnü ara no ara ningkhan pinthum capacang misivan jaimah."

36 Küjahkükha hali shammi niungshih amangman Anna nguta kra nokucong küjah saüvatah. Kra niung küma ave mangka Phanuel. Phanuelka Asher phanva. Kra niungka maithma vajaimah tsangve rai vümashili sidamtah. 37 Tsangve tsai kaijai, apaitka vürohtü-catri vüblai manti niung nguta Shükia- vema kishutmak phamah, ranait rava nokucongna ngashtamh, tü atsam phasiaman lahtülümah, acu jaütüko sitah. 38 Kra manti niungka, kra akhing küjah nokucongna vatah.

Raüta Shükiavema kai tütsamkamtah. Kümah nanok ahintibi, Shükiaverah Jerusalemka omtükahva tüchü kuhjüh nguta kheshatmaj sitülahtibi thun küman kra noka mütu bom congkuhtah.

Tsangshi Najareth Hihna Jangvan Nongtah.

39 Merih nai Josephrah Shükiave Thungtrimah kra no küma phanrap shaku kechang ratulah thunka tühongkuhlot raütüshe tsangshih sicang hih Najareth hihna jangvan nongtah. 40 Kra noka Najareth hih kujashe phintsahsa hia, jong lutah. Kümah phaci pinja man saphiarütah nose maphu. Shükiave ngaoka Apait nose maphü Akhumna ama sihat rütah.

Jesuh Nosejina Nokucongna Trakhoutah.

41 Ravütek Jesuh niungveka Jerusalemna Paska Poi lomkai nguta kitulah. 42 Vühinjah kitulah kükha Jesuh niungveka Jesuh shiaho raüta Jerusalemna Paksa Poika lomkai nguta kitah Kütukah Jesuhka vüroshiri vünai maitshe. 43 Kra Poika thum jaishe aniungveka nanok abitirai tsangshih hih nüna jangvantahtah. Rüşatmah Jesuhka Jerusalem nali ngakitah aniungve rai vammak dia. 44 Aniungverahka tsangshih rai apait vammak dia nguta sammak mali varaitah. Tsangshihrahka apaitka kongkhuna kongjongrai vavanto sham nguta tümatahtah. Kükha nguta tüma raüta ahamahka rülam lümak dia. Ranaitshih vajai shetih aniungverah tsangshih tatisenobi phana she rülamtah. 45 Apaitka kongjong phong küjah nai tatiseno phong küjah ridraüta hummakshe rüta sinha aniungveka Apait ridkai nguta Jerusalemna jangkinong raüta ridkitah. 46 Ranait tsam Jerusalemna rid jaitih, tsangshihrah Jesuhka nokucongna Ihudinok Thuntri

tulangketinok rai adamna ngaraü tsangshihma Thungtri manphan bomvai nai, tsangshih bomcongka tütsangtai anga chikitah. 47 Apaitrah Thungtri tulangketinok bomture taitithun vütarü avang raili rütah jam maitseva atinkjan phaci pinja saptulah ara nguta. 48 Aniungverah Apaitka Thungtri manphan siahka chiräuta arangra railishe rütah Apait rai rühum raütashe aniungrah Apaitma vaitah, "Ise omnürah omve nai naika jam nguto tükü niülaü? Nai nai omnüh ombanüva nguta küniü phüp jüp ridkai." 49 Aniung bom türeshe Jesuhrah nguta, "Ngi jaram ridva? Ngimaka Ive jamna jasham ashek asi nguta sapman shia?" 50 Rüşatmah aniungverahka Apaitrah jamlai ngova ngutüla küman taklotmak rütah.

51 Kutakha Jesuhka aniungve rai Najareth hihna vavan damtah. Kra jaimah sinha Apaitka ahiavishe aniungve rai sidamtah. Aniungrahka kra bom thunka ahiavihmah atsanna tütsang thütah. 52 Jesuhka Najareth hih küjah ahan jongvantah krai müren phaci pinja phanrap sapvan tülürütah. Kümah Shükiave nai mung maitse manna man athukvihmah sitah.

Johan Baptistrah Tsütsa Congtah.

3 Kütinco Ruman Hokham kam shamti Hokhamve mangka Taiberias; Apaitka Hokham kamsham ngalimah vüroshiri vübangishe kütakah. Pontias Pailotka Judia mung küjah latsahüb kam sham; Herodka Gelili mungna Raja kamshar. Kümah apaitma ano Philipka Ituria nai Trakonitis mung küjah mung kam sham hali. Kümah, kükha hali Lisaniaska Abilöni mung küjah mung kam lang hali. 2 Kümah Annas nai Kaia-phaska tsangve ajong pinthum kam shamti rütah. Kütin coji Jekeriase Johanvrah apait rumna, kumtsai

phüna sijina Shükiave Tsütsa apaitrah taitah. 3 Kra tairaütüshe apaitrah Jordan jürai tro küjah jükhu jümai vütana siti mait hih thun küjah varaüta congkuh vatah, "Nam tsü laivan rongla, lanta baptistma lamvan ronglah! Kra rühan jüla Shükiaverah namshih ngrai thunka tsanna tütsangmak adü mirahkuh!" 4 Johan Baptistrah tsütsa congülahka omsühma kongkhumah shammi Isaia apait lakna vaithütah kürah phan kuvanto. Shammi Isaia akha nguta vai thütah :

"Kumtsai phüna maitve veshi asü lülümah congülo!

Tative khumcang lamka tüsü tan holilah.

Lamka rusan sanhia tanholah Apait khumma!

5 Jükhu hihvü angu thun tülöti vüta atüma phonghola.

Kümah hülam hihpot, ku akin thunka atri soh-bait holah,

lam akong anong thunka vüta rusan tülü tanholah.

Lam abi ati congkaü longkaü phongka atünia tanholah.

Lam abi ati congkaü longkaü phongka atünia tanholah.

6 Mait angu thun vütatürah Shükiaverah mung-kang maitse chüvan lam külo vantülahka maitmü makmah michi vanlah!"

7 Maitka pahia Johan Baptis phana baptistma lamkai nguta kitah. Mait koog apait phana kitülah thunka apaitrah sontah tsangshih tsü klaimak kra ningkhan. "Jokvi rühkünok! Shükiave tsankhah valü ikha namshih ngrai ningkhan sitülahka jamkhammah shia lanto mitü mathan? Shükiave tsankhah valü ikha

situlahka omcaü namshih phana satüki nam nam she! Namshihka Apait jahkhon mongva jambano miju i ngutuva tüma tülan? 8 Jamlai pahn külovanhan jüva maitrah namshih tsü abiva ahia lam nashe klaivan kra chili cang lam mirah, kra lamka phan van ronglah. Namshih nai namshih lüpan küjah, 'Nashihka Abraham saüse' nguta nahta shomra rongkih. Ngi congpha taironglah! Shükiaverahka ara longkaü thun bumtulah arava man, Abraham saüse mitadonglot! 9 Namshih saptülan shia? Omcaü Apaitrah mangka petsi, tsi kuhmak congti thunka arang congmah dah baitmah nguta mang minjeshe! Atsl ahüti thunka vütarü adah mirahbait. Raüta vana micah."

10a "Rüta naishihrah jamlai phanva mikülo lüvan ai ma itmü khum tüchüvanma?" nguta maitkong krarah vaitah Johan Baptistma. 11 "Juravah samhong anai rümtülan, kratirah, ashihka samhong ahüti kümakuh ronglah. Kümah, jurava phasiacang asi thütülan, amang ale sitülahti krai rüphiasih ronglah," nguta apaitrashe türetah. 12 Phanrap akhen rücom jaütinokka apait phana baptistma lamkai nguta kitah. Rüta, kranok kra rahman, apaitma vaitah, "Phanrap tülanketive! naishihrah jamphan külova maitüla?" 13 "Akheng omcu jaüchangva, kra thah küjah shücan lantah nahjäü rongkih," nguta apaitrah tsangshih bomka türetah. 14 Küjah kükha hali, sapahinokrah apaitma vainongtah, "Rüta naishihha jamkho mijahai? Naishirah jamlai phan külo haijahva ahia mirah?" "Mait jahva ningkunmah kampho nahjäü rongkih. Kümah, lam ahüna vakhangna, mait nahtsa rongkih. Namshih maitmü tolob omcuva laptülan kra phasih lantüli sironglah," nguta congkuhtah.

15 Mung maitse (Ihudinok)ka tsan rana doraüta she sitah, tsangshihka Johan Baptistka Shükiaverah atüki Messaia ngutülah kra sham nguta tüma raüta. 16 Tsangshihrah kükha tümatülo nguta sapraütashe, apaitrah tsangshih nikina, akha nguta congta: "Ngirah namshih khammah baptistma kuhtükang. Rüshatmah ngi thahna ajong veshih saüho tülo. Ngika kra kitülahve hokpa.khacang raü küman dükuhotmang, pinthum naolah mait sitükang. Rüshatmah Apaitrahka namshihma Sütülah Vinji nai vamah baptistma mikuh. 17 Apait jahnaka tsam thaüchang tham nai tsam cecang vankhü asi. Kra tham küjah thaü raüta avongsü thunka Apaitrah tsamtüb küjah misait samvan. Kümah achü nai akhü thunka vana micahbait! Kra cahbait tülah küjahka alükaicang ahüshe miarah!"

18 Johan Baptistrahka mung maitse küma phanshimah shüton hoho raüta Shükiave Tsütsaka congkuhtah. 19 Rüshatmah apaitrah Herod Raja, latsahüb kam shamtive kümaka bomhiamah congke jaimah taimashe rükata, asonshe rütah. Jamningkhanva sonta ngukala. Herod Rajarahka anove cak Herodias niahotah. Kra thah küjah man, apaitrah phanrap abi ati pahia külotah. 20 Kra thah küjah, Herod Rajarahka, tünanpot abi pinthumshe Johan Baptistka phatek mongna rüsü shahbaitah.

Jesuhrah Baptistma Lam Akhing.

21 Mait omcuva apit phana kitah, kra thunka vütarüma baptistma kuhlot raütüshe, Jesumashe kuhtah. Baptistma lamriana Jesuhrah acü jaütah. 22 Apait acujaüraina Sütülah Vinjika Paro kaüma jaraüta Jesuh khupong mong küjah satkitah. Kra paro kaüka

satkairi, rana abom taitah, "Omnühka Isesha. Ngi Omnüma kai khortüh tükang."

Jesuh Veraü Manphan.

23 Jesuhrah aravü vürohtsam ngona shetih Apaitrah mungkam shamphahotah. Apaitka Josephse nguta mung maitserah tümatah. Josephka Heli se; 24 Helika Matthat se; Matthatka Levi se; Levika Melki se; Melkika Janai se; Janaika Joseph se; 25 Josephka Mattathias se; Mattathiaska Amos se; Amoska Nahum se; Nahumka Isli se; Islika Naggai se; 26 Naggaika Maat se; Maatka Mattathias se; Mattathiaska Semein se; Semeinka Josek se; Josekka Joda se; 27 Jodaka Joanan se; Joananaka Rhesa se; Rhesaka Jerubbabel se; Jerubbabelka Shealtiel se; Shealtielka Neri se; 28 Nerika Melki se; Melkika Addi se; Addika Koasam se; Koasamka Ilmadam se; Ilmadamka Er se; 29 Erka Joshua se; Joshuaka Iliejer se; Iliejerka Jorim se; Jorimka Matthat se; Matthatka Levi se; 30 Levika Simion se; Simionka Juda se; Judaka Joseph se; Josephka Jonam se; Jonamka Iliakim se; 31 Iliakimka Melea se; Meleaka Menna se; Mennaka Mattatha se; Mattathaka Nathan se; Nathanka Devid se; 32 Devidka Jesse se; Jesseka Obed se; Obedka Boaj se; Boajka Shelah se; Shelahka Nashon se; 33 Nashonka Amminadab se; Amminadabka Admin se; Adminka Arni se; Arnika Hejron se; Hejronka Perej se; Perejka Juda se; 34 Judaka Jakub se; Jakubka Aisak se; Aisaka Abraham se; Abrahamka Terah se; Terahka Nahor se; 35 Nahorka Serug se; Serugka Reu se; Reuka Peleg se; Pelegka Ibar se; Ibarka Shelah se; 36 Shelahka Kainan se; Kainanka Arphasad se; Arphasadka Shem

se; Shemka Novan se; Novahka Lamek se; 37 Lamekka Methuselah se; Methuselahka Inok se; Inokka Jared se; Jaredka Mahalaleel se; Mahalaleelka Kainan se; 38 Kainanka Inos se; Inoska Seth se; Sethka Adam se; Adamka Shūkiave se;

Jesuhka Tharah Maitaitah.

4 Jesuhka Jordan jüraina baptistma lamjai, Sütülah Vinjika Akhumna ama rütañ kumah Apaitka Sütülah Vinjirah kumtsai phüna shiahotah. Apait khumnaka Sütülah Vinji pura asi vavishe. **2** Apaitka kra kumtsai phü küjah raroblai pura Tharah maitatah. Raroblai Apait jam man phasihmak, amang müli sitah. Kra ningkhan Apaitka aram tsihia sitülah bala Tharah maitaitah.

3 Tha krarah Apaitma congtañ, "Omnüh Shūkiave se diala jüla ara longpo thun ara vinsüma tüjalah." Kra ngukata Jesuhrak türetah, "Sütülah lakna congthüje. **4** 'Maitseka ruti lamlam phasih raütüka silotmak.'"

5 Kra jaimah hali Tha krarah Apaitka hihlam düluhia küjah shiavantah. Raüta ratakihna mait mung thun apait jahtakina sitülah thunka tüchi raüta Jesuh nang nga **6** nguta, "Ara mungkan ashü sitülah ara jamsha van ningkun nai ara mungkan na sitülah pakü ara ngima akevishe. Ara Ijahkhon mongna sitülo. Ngirah jumava khusi tükang, kratima ara mung ara mikuhha. **7** Omnürah ngila noh hatüjala ara Omnühma mikuhkang." **8** Kra ngukata Jesuhrashe türetah, "Sütülah lakna congthüje, 'Tati Shūkiave küli tüşhomralah, kumah Apait küli noh pivan ronglah. Apait küli shülilü ronglah,' nguta congthüje!"

9 Kra jaima hali Tha krarah Jesuhka Jerusalem nashe shiavantah! Raüta nokucong vukhu düluhiaba küjah shiavan raüta Jesuh nang nga akha nguta nguta, "Omnühka Shükiave se diala jüla ara vukhu pong aramah hih küjah dohla! 10 Sütülah lakna 'Shükiaverah rasetümka tüki raüta Omnü milükuh. Rasetümrah Omnühka hihna tüdiamakmah, rajamvali milapho. 11 Omhok Omjahka congkaü longkaüna man tatühmak mirah,' nguta congthütah." 12 Kra ngukat Jesuhrah Thave bomka türetah, 'Sütülah lakna congthüje, 'Omtative Tati Shükiaveka nahmai taikih' nguta türetah." 13 Tha krarah Jesuhka phanrap lam nashe maitailot raütashe jahlo lüpan ningkhan Jesuhka thahbaitah.

Jesuhrah Apait Kamka Gelili Mungna Shamphatah

14 Kra jaimashe Jesuhka Gelili mungna jangvantah. Kütakah Akhumna Sütülah Vinji ningkunka pura ama rütah. Apait tsaka kra mung küjah barabna phoitah. 15 Apaitrah tsangshih (Gelili nok) nok mittingcang jam küjah kiraüta Shükiave Tsütsaka congkuhtah. Apait bom congka taiti thun vütarürah, Apait kai tüshomratah.

Jesuhka Najareth Hihtirah Langmak Shületh Baitah

16 Kra jaimah Jesuhka Apait nosena sicang hih Najareth hihna vatah. Ranaithshi Sabath ranait mittingcang jam küjah kitah. 17 Jam khetive krarah Apaitma Shammi Isaiarah avaithü lakdam komka lamkuhvatah. Lakdamkomka capshat lammeh atülü raüta ara bomtsi thunka phat kuhtah anokma :

18 "Tative Sütülah Vinjika Idüna asi.

Tativerah Ngika Tsütsa Ahiaka mütsan müjan maitse sitülah küma congkuhlah nguta kihtat khuto.

Tativerah kharümah tükhashat sitülahtika adü rükikih nguta tükito.

Kümah acuk aküti, küma maktüpühke kai nai mait jah khon mongna sitülahtibika dühkai nguta tükito.

19 Kümah Tativerah asaü aseka omtico akhing nüva tüchüvan jüh nguta kra tsütsa tütaikai nguta tükito!"

20 Kra phatlot raütashe, Jesuhrah kra lakdamka akom ranong raütashe Shükiave Tsütsaka congkuhtah. Mitting jamna mait omcuva ngatulah thunka, vütarü Apait phanüna süsah lütah. 21 Apaitka ngashat lammashhe, mait tütulah thun küma tsütsaka congkuhtah. Apaitrah akha nguta congta, "Ara omcaü ranait namshihrah taishatna phathuhkang ara, omcaü ranait akhing nashe tengman vanto." 22 Apait bomtsika asumvih süsah tairaüta, mait angu thunka vütarürah Apait tühomra lammah avang rütah. Apait trakhouka tai raütashe, tsangshih nai tsangshih, "Ara Joseph se rümmak shia?" nguta rücongta. 23 Apaitrah tsangshih bomka türetah, "Ngirah namshih lai ahe hana. Namshihka shüton bomcongma Ngi nang akha nguta ngutülanna, 'Taktotve, omtha tsika kongkhu tühialah,' nguta Küma namshihrahka Ngi nang, 'Ara Omnüh jonglucang hih ajah, Kaparnahum hihna phanrap külo thülaü nguta taikai kra, ajahri külo nonglahta lüphai' nguta mingu han! 24 Ngi congpha taironglah, "Shükiave shammi ngutulahka apait jonglucang hihtirahka rommak, ashu alü sü rütühlah. 25 Mana Ilijah sitüh patna minla, Israel mungna manti niungreka pahia sitah. Kütakah Israel mungna, vü-tsamri vüthih rajunmak rütah. Rajun kham poshi rokmak

ningkhan, Israel mung tülötina ram dongtah. 26 Rüşatmah Ilijaka tsangshih phana tūvamakmah, Sidon mungna Jarephath hih nguta mait hih ashi asi, küjah manti niung ashi sitah kra niung phana tūvatah. 27 Kūmah, kükha hali shammi Ilishah patna, Israel mungna thabi tsiti pahia rüşatmah Israel mungva atsiti sitahnok kūvaka veshih man tūhia kuhmak rutah. Rüşatmah, Siria mungna siti Naman nguta thabi tsi camcao tüve, kra khoti tūhia kuhvatah.” 28 Jesuh bomka tairaüta, mitting jamna mait omcuva sitah thunka tülötli, Apaitma pinthum khitü rangtah. 29 Tsangshih tsankhih ninlotmakshe rüta, vūtaerü tūdorang raüta Jesuhka kra hih mong küva cūphainashe hithotah. Kra hihka hihlam dūluhia hihlam khupongna ahai. Rüta, Jesuhka hihlam tha kūmah, rakam khumah tūdia lūbaitvama nguta ahitvan rüşatmah, 30 mait phong mong küva tsangshihrah hemak shon, maitjah hiavamah ahinna latkitah. Raüta Apaitka ahinna tūpau juhohah.

Maittsakrah Aromvanve.

31 Kra jaimashe Jesuhka Gelili mungma Kaparnahum nguta maithih ashi krajah kihohah. Kaparnahum küjah kiraüta, Sabath ranait nokve küma trakhou kuh-tah. 32 Jesuh bom congka tai raüta vūtarü avang rütah. Jam ningkhanva vangta ngukala, Jesuhrah bom cong kuhtah thunka, reng, kha kha süsah. Apait bomtsi küjah Shūkiave ningkun nangshat rütah. 33 Kra mitting jam mongna, maitve veshi maittsakrah asham ashi rütah. Kraveka tūhonraüta sühotah Jesuhma haima : 34 “Ai! Najarethna siti Jesuh, Omnūrah naishih jamkha rühova dantūläü? Omnūhka juva, ngi asapha : Omnūh ka Sütūlah Shūkiave Tsütsa

congketive!" 35 Maitve düna atüpumva maittsak bomka tairaüta Jesuhrah, "Kaitshakmah arave han mongva dongkikih, Omnü nabom!" nguta jobaittah. Jesuhrah jobaitah maittsak, krarah apaitka tücam caümak mashe ahan mongva akai holammah maitveka vütarü makkina hihna rüsü lü bait thürautashe donghotah. 36 Kra chiraüta vütarü kai vangtah. Kümah akü aniü rai lishe rütah, "Ara jamkha bomtsiva nia! Bomtsi tsi shina nang atinkhan ningkun sitülah ngu nia? Ara verahtih jamkha ningkunmo thupbi thati, maittsak mait vüman vüta jobaitlot tülah ara, "nguta tsangshih nai tsangshih lüpan nashe rücongta. 37 Kra thun külovantah kra ningkhan, Jesuh mangka kra mung küjah barabna phoi vantah.

Jesuhrah Mait Atsiti Pahia Tühiatah.

38 Jesuhka kra mitting cang jam kümah, Saimon nguta matve veshi jam küjashe kihotah. Saimon niechi niungka küta kah atsidong, tsihia abum. Tsangshihrah kra niung tsika Jesuhma tütaitah. 39 Apaitma congküta Jesuhka Saimon niechi niung cangkütho küjah cap vatah. Cangdütho kümah cap raüta tsidongka hiakikih, nguta jubait küta, tsidongka hiakisahli hiakitah. Atsidong hiaki kutah sinha Saimon niechi niungka tüdopot raütashe tsangshih shüli lüshe ahiavi phintsah tsah hiashe hiakitah.

40 Kra ranait rashe niap jaishe, apfu ano nai, maitmü khi alu ahan phinmak, phanrap thu atha tsi camcao litkot tülah asitirah, camcao tulahti thun vütarü tsitulahti thun kra hanna Ajahmah shamtahtsika tühiama nguta. Raüta atsi abiti thun omcuva Apait phana shiavantah thun vütarü tühia kuhtah.

41 Mait thunrah küman vütärü mait khumva, "Omnühka Shükiave Se!" nguta, asütürangla mait han küva pinhotah. Thup atha, tsak amü vütärurah Jesuhka Messiah nguta asap, kra ningkhan, Apaitrah tsangshihka apa tübommakmah mait düna asamva thunka vüta jobaitah.

Jesuhrah Ihudinok Senagog Thun Kujah Tsütsa Congkuhtah.

42 Anapmah ranapna, ranpcumah, Jesuhka kra hih kümah, mait akaitna kihotah. Apait tatim rükata kra hihna siti mait angu thunrah Apaitka ombano kihotah nguta ridtah. Apaitka homraüta sinha, tsangshirah Omnüh ahinna nakikih nguta atüvin rütah. 43 Tsangshihrah tüvin kütashe, Jesuhrah tsangshih bom türetammah nguta, "Ngirah Shükiave Mungtan ahia Tsütsaka, hih ahin kuna man congke kaira. Shükiaverahka, Ngirah Apait Tsütsaka barabna mita taikuhlah nguta tükitalah, hihshi mütulika rümak!" 44 Kra ningkhan, Apaitka Judia mung kujah Senagog omcuva sitülah küjah kirata, Shükiave Tsütsaka congkuh kitah.

Apaitjai Phanvan Phati Askusetüm Hiatah.

5 Jangshih Jesuhka Genesaret nguta tham jonghia ashi asi, kra tham küna acap raraü kra chiraüta, mait pahia pahia, Apait phana, Shükiave Tsütsa taiva nguta vatah. Apaitka kra tham küva ngikhup tinokrah tsangshih cüh hekai shon tsangshih lai anai tham küna ahitthüka chitalah. 3 Krava lai anai küva lai ashi congtime mangka Saimon. Jesuhka Saimon laiti küjah düva raüta Saimon küma laika khammong lin lin küjah tühvan raütashe Apaitka Kra laimong küjah ngashat mashe, mait phong taküna tütülah küma Shükiave Tsü Tsa congkuhtah.

4 Tsütsa congkuhlot raütashe, Apaitrah Saimonka thaütah, "Lai ara khamong linlin, kham atsalü küna jüvanlah. Lanta omkongtitüm namtsam ngih khup ronglah." 5 Tative naishih rava minru ngih khup nguta kai rütakai rüshatmah ashi man lapmai atuli nürai kai. Rüshatmah omcaü Ombom congmah khup-tülangpha," nguta Saimonrah türetah. 6 Tsangshirah ngohia dia, cüka jüna baitküta sinha. ngihka cüna man binmakshe rütah. Ngih lairah cühka man tücai nam namsue rütah. 7 Ngih apavih rükata, tsangshih kongtibi küma, taküva lai ashi shmüka lamhoronglah nguta jahmah jap hiatah. Tsangshihrah hiakatah, tsangshih kongtibika kiraüta ngihlam kharümtah. Lai anai küjah thü küta, lai anaika pura mavantah. Ngih lai rashe, laivanaika tham mongna sangvan nam nam-she rütah. 8 Laivanaika jü mongna sangvan nam nam ka chiraütashe, Saimon Petruska Jesuh hokna ravüh raütashe, Apait nang nga nguta. "Oh Tative! Omnüh tüjin tülolah! Ngi thona nah ngakih! Ngi ngrai maitse!" nguta, ngutah. 9 Tsangshirah akhup ngih pahkachiraüta, Saimon nai akongtitümka kai vangtah. 10 Saimon kongti, Jebedive se venai Jakub nai Johan küman apait kükhasü kai tüjia sitah. Saimon tüjiasika chiraüta, Jesuhrah apait nikina nguta, "Saimon! nakajahkih! Omncaü amah sinah, ngih rüna maitshe mikhup haü" 11 Kütakah tsangshihrah, tsangshih laika jüküna hit thü raüta phanrap küjah baithü tülumah, tsangshih vütarurah Jesuh jaishe phan vantah

Jesuhrah Thabi Tsitive Tühiatah

12 Jangshih Jesuhka mait hih ashihna kitah. Kra hih küjah thabirah apharat maitve veshih sitah. Atsi-

tiveka Jesuhka chiraüta, Apait jiconгна bumkiraüta, "Tative! Omnürah khusi tulaü jala etha tsi ara tühia kuhlal!" nguta Apaitmah tümangcantah. 13 "Mihi-aki!" nguta Anümah abomlammah, krave han küjah Jesuhrah Ajahmah shamtah. Jesuhrah kra ngori, atsitive hanva ami atsi thun ka, pura hiakisah hiakitah. 14 Atsika tühia jaiseh Jesuhrah apait nang, "Omtha tsika Ngirah tühiato nguta juma man nahcongkih. Rüşatmah tsangvebi phaküjahli lialia valaüta omhan hiakitashe nguta hakhi heshap Mosherah jamkho congkuh thüta, kra rai müren." 15 Rüşatmah Jesuh tsaka tai raüta, mait ada alamah Apaitpha küjah, Apa it trakhouka taikai nai thah tsi tülaha tühiakai nguta kita. 16 Apa it mintsa kütinkhan pa taümah man, akhing khingna, Apaitka mait akait bana kiho lili raüta acu jaükitulah.

Jesuhrah Ahan Ama Arakive Tühiatah

17 Ranait shi Jesuhka mung maitsema trakhouke ria. Apait trakhouka taikai ngut a Gelili mung nai Judia mungna ma it hih thun küjah siti, kumah Jerusalemna sitinok, Phorisinok nai Thungtri tülanketinok man küjah kitah. Atsi asi tühia lot lavan cang Tative ningkunka Jesuh khumna pura asi rütah. 18 Maitve veshihka atsi. Atsirah, ahan küman vüta ama kaikun-she. Akongtibirah apaitka Jesuh phana pivan angu kilam congna mait pahia ningkhan pivan lotmak rütah. 19 Kilam nümah valotmak rütushe, tsangshirah vukhu-na düva rüta vükhu tüpu räiashe atsitiveka akoncang cangdü küjah tükunshatmah tüsattah. 20 Tsangshih Apaitma kamtsan tsü ajongka chiraüta, Jesuhrah atsitive rai, "Iphunove! omngrai thunka dübait kangshe," ngut a bomdamtah. 21 Jesuh bomka tai rüta Thungtri

tulangketinok nai Phorisinokka tsang tsam nai tsang tsam lüpanna, "Shükiave shünüm räuta bomtulah arave ara juva nia? Ngrai dütika juman ahü Shükia-veli!" nguta rücongta. 22 Tsangshih tsan mongna, jamlaiva tüma tülaha thuhe räutashe Jesuhrah tsangshih nikina nguta: "Namshin Ibom tailanta maitmü tsan mongna kükhaka jaram tüma tulan? 23 'Omngrai thun dübair kangshe' nguta gnoshia aje shia, 'Tüdolaha! caplah! laüta khumla!' nguta ngova aje. 24 Lüronglah omcaü vütarürah! Mat Serahka mung-kang maitse ngrai dübait mütu ningkun alapvishe. Luronglah kra ningkun kramah Ngirah ara atsitive ara mitühialohta," Kra ngolotri Jesuhrah atsitive künang ngutah, "Caplah, laüta ompihocang candüka pivan laüta omjamna valah!" 25 Kra ngori atsiveka cangdü küva tüdopot capsah räuta vütarü makkina apait koncang cangdüka dopot räuta ajam nüna vavantah. Ajamna valam kümah anümah Shükiave tühomrav-anlashe vavantah. 26 Kutakah Shükiave ningkun citi thunka vütarü tülötli avang rai lishe rütah. Vütarürah Shükiavema haima, Shükiaveka kai tühom ratah, "Ai! notsam aramala vangcang diajo! "nguta mait kong kra tsangshih nai tsangshih lüpan nashe rücongta.

Jesuhrah Levi Hiatah.

27 Kra jaimah Jesuhka ahin nashe kihotah, Apait kitah hih küjah phanrap akheng rücomtive veshih sitah. Krave mangka Levi. Levika akheng rücom jaüchang abitna ngaraü rühumtah "Omnüh man Ijai phanvanlah," nguta Jesuhrah Levika hiavanta. 28 Jesuhrah hiaküta, Levika tüdopot räuta, phanrap phanrü küjah baithüraüta Jesuh jai phanvanta.

29 Kütakah Levirah Jesuhma lungvüma nguta, apait jamna phasia poi jonghia külotah. Apait jam küjah phasia poi lomdamti akheng rücomtinok nai mait ahinti mar pahia vatah. 30 Akhen thatinoka Jesuh rai adammah phasia kham niang damka chira-üta, Phorisinok nai Thungtri tülangeke tinok krarah Askusetüm nikina nguta, “Namshihka raniah mongna siti ngrai maitsebi, nai phanrap khen thahtinok rai adamna jaram phaisih tulan?” 31 Kra ngoka tairaüta Jesuhrah : “Mait ahiati maka taktodka ramak. Taktod nguta situlahka atsi asitibi kra mütu ningkhan sitülo. 32 Kuma müren, Ngika ngrai ahü sitülahtika hia kai akiha rama, ngrai maitse thunka rücom ridkai nguta kikang” nguta türetah.

Amangmah Si.

33 Vajamtirah Jesuhma vaitah, “Johan Baptist nai Phorisinok sakusetümrah mana akhing khingna, amangmah siraüta acu jaütlah. Rüshatmah Omsaküsetüm mana camtrah maitmü vokhaili situlah.” 34 Kra tairaüta Jesuhrah she bom türetah, “Mait lam poi lomdamti vanve omcuva situlah, kra minshah mait lamtiveka sishatna vanveka amangmah mitünga? Tüngamak mirah rümak shia? 35 Rüshatmah, akhing sautah anguna mait lamtiveka tsangshi phava ahinna mishiavan. Apait shiavan jaishe tsangshihka amangmah sicangshe midong.”

36 Jesuhrah kütakah ara bomshton manphan bomcong ashi arati tsangshihma phankuhtah. “Jura man samhong anieka cairäüta samhong acüti, atücai kaivesh kra thah küjahka tujop cangmak. Samhong anie küva phoshi cairäütüla acüti küjah tükop cangdam räüla, samhong anietika abi mirakih, kumah acüti

küman makluna sapmak she mirah. Khiacü phuka khianie rai ka ramlotmak. 37 Kumah kükha hali jura man cetsaika cecu thüchang ngmakhü acü küjahla thüraula ngamkhüka atacai mirakih. Raüta, ce thunka vüta mitüraüki. Kümah ngamkhü kuman athenshe mirakih.

38 Kükhaka juman ngimak! Cenieka ngamkhü nie küjah sümithü! 39 Kümah kükha hali cecü niang ngamtirahka cenieka niangromak. Cecü niangtirahka, 'Cecü dia ahia,' nguta ngutülo.'

Sabath Ranait.

6 Jesuhka ranait shi, Sabath ranait tsamrü lammah vatah. Askusetümrah tsamniamka pan raüta, jahphina not raüta avong süka tüdong not phatah. 2 Kra chiraüta Phorisinokrah, "Namshih naniungve Thungtri na Sabath, ranait jah nahshamkih nguta atüvin arah thüka jaram panpha tulan?" nguta tühintah. 3 Tsangshih bomka tairaüta Jesuhrah, turetah, "Devid nai apait kongti tümrah manna tsangshih ramtsi küta jamlaiva rüta, namshihrah lakna phatman shia rütulan? 4 Devid aramtsima Shükiave jam mongna niapve raüta, Shukiavema aluna athükuh vinsü phu lamva raüta akongtitüm rai rüphia phatah. Naniungve Thungtri lammah ka Shükiave ma alu akuhka maitilirah phaisa maimak. Kra alu vinsü phuka tsangverah phasia cangli." 5 Kra nguraüta she Jesuhrah ara bomtsi shi ara hali congkuh nongtah, "Mait Se nguta situlah kra Sabath Rümte."

Jahküve.

6 Ranaitshi, Sabath ranait Jesuhka Senagogna kiraüta trakhou keria. Krajah maitve veshih ajah jaht-

sinü aküve kra man küjah Jesuh trakhou rai anga. 7 Thungtri tüläng ketinok nai Phorisisnok küman, ngarahmah Jesuhka tüshutma nguta lam rid. Tsangshih tsan mongnaka Jesuhrah aküvejah ka Sabath ranait tühia jüsja tühiamak va nguta alüsiah. 8 Jesuhrah tsangshih tsan mongna kükha ransü tsü ka chiraüta jahküveka nangnga: “Caplah! Iaüta ana Ngi khakit ajah capki kih,” ngnta thaütah. Kra ngukata aküveka düdopot raüta jüjah capisah ratah. 9 Küjahshe Jesuhrah tsangshihma vaitah: “Ngi namshihma vaipha namshihrah Ngima congkuh ronglah: Naniungve Thuntrimah nashihra kamlai phan kam shamva maimak Sabath ranait? Kümah jamlai phan shamva maitüla? Kongtika khürum ronglah ngutsha congtüla, shia atücaocao ronglah ngutava congtüla? Mait müsahka tüchünra nguta shia congtüla, shia mait müsahka tan ronglah nguto congtüla?” 10 Kra cong-lot raütashe Apaitrah, Apait bom taiti omcüva ngatülahka türotüri lüraütasee jahküve ka nang, “Omjah ka tülülah,” nguta thaütah. Apaitrah thaütah kraphan ajhka tülüsah ratah. Kra tülusah rükata ajah ka ma n hiakisah hiakitah. 11 Kra chiraüta tsangshihka vütarü Jesuhma pinthum khitrangtah. Kümah tsangshih nai tsangshih lüpan nashe Jesuh tüshutcanglam ridshe raphotah.

Jesuhrah Askusetüm Roshiri Venai Tsiatah.

12 Kütakah Jesuhka hihlamse lamshih asi krajah vavantah. Apaitka kra hihlam küjah rava minru Shük-iave jahva acü jaüvatah. 13 Ravüki kütashe, Apaitrah Askusetum Apait thuna tratam hiatah, Tsangshih tracom hialot raütashe roshihri vanaika pongna tsiathütah. Kra pongna tsiathütah kratümka ‘Apostolos’ nguta mangtah. 14 Kra ‘Apostolos’ nguta kai roshihri venai kra mangka, Saimon (Saimonka apaitka Petrus)

nguta man hiatulah : Kümah apaitma anove Kra mangka Andreos; kümah tsangshih kongti ahinti kratüm mangka Jakub nai Johan, Philip nai Bartholomos. 15 Kümah Motthih nai Thomas. Kümah Alphias se Jakub, krajaina Saimon (Saimon mangka Petriot nguta man hiatulah). 16 Kra jaina Jakubma ase Judas kümah Apait shaphative Judas Iskeriot.

Jesuhrah Tsüta Congke Lammah Atsiti Tühiatah.

17 Jesuhka kra hihlam kümah Askusetüm rai hihthung künashe satkitah. Raüta kra hihthung, hih akriba küjah Askusetüm pahia ahinti nai mait kong pahia Apait türona tütulah küjah, mait phong mongna captah. Judia nai Jerusalem cela küva, kümah jükü türona situlah Tajar nai Sidon nguta cela anai situlah krava mait pahia vatah. 18 Kra mait phuh raitah ka Apait Tsü Tsa congkra taiva nai tsangshih thup atha tsihi camcao tulah kra tühiava nguta avarai. Thupbi thati nai tsak amürah ashanti omcüva vütarü thati ka pura tühia kuhtah. 19 Vütarürah Apait khum küjah jahmah sham hai jahla nguta rüshü rüshü Apait phana vatah. Apait hanna shamlao tatibi thun vütarüka Akhumva ningkun krarah vüta tühia kuhtah.

Hansang Lam Nai Camcao Lam.

20 Jesuhrah Askusetum phanüna lüraüta congta:

“ Namshih mütsan jüjan nguta lantika

kai coci canglam sitülo;

Shükiave mungtan situlahka namshih rüshe!

21 Omcaü amang ale sitülantika kai

coci canglam sitülo;

vok aphe she misivanhan!

Omcaü aho ajü sitülantika kai coci

canglam sitülo;

namshihka ania she mirahhan!

22 Mait Se kra mütu maitrah atsia ahai, ashu alü, ajo ajü kümah abi nguta rücong sihtühlatika kai coci cang lam sitülo! 23 Maitrah namshihma kra rükah phan jüla acoci, avanomli rarongla; namshihma ramungtanna; oktsi ajong athüvishe. Tsangshih ti ave raman omcaü namshihma külo lütsh kükhasü, omsühmah kongkhuna akiti shammibima man külo lüto.

24 “Rüshatmah omcaü cüthe nguta sitülahti küma pinthum phübtsi cang sitülo; Namshihrahka camtra mah maitmü rilung lotvan lanshe,

25 Omcaü vokphe taktak sitülanti küma pinthum phübtsi cang sitülo; namshihka amang mashe sivancang midong! Omcaü anai rütülanti küma pinthum phübtsi cang sitülo; namshihma pinthum aho ajü cang lam midong van.”

26 “Omcao nokverah kai tühshomra tulahti küma pinthum phübtsicang sitülo; Omsühmah tsangshihma ati avi rüman mait aloti shammibika kai tühshomrato.”

Vesang Ralü Maitse Kuma Man Lungvu Tsantsü Thüronglah.

27 “Rüshatmah Ibom tai tülanti küma congkuhpha: Vesang rlüse küma man lungvü tsantsü thüronglah. Namshih shülü tülati küman ahia lam külo ronglah. 28 Namshih sontam tulahti küma shüman cecüli jaükuh ronglah. Kümah namshihma bomti kuhsü kuhtulahti küma man acüli jaükuh ronglah. 29 Maitrah namshih samhong küla niaho küphan

jüla, khiathum küri lamkuh ronglah. 30 Namshih java maitrah jamlai phanva jaüüla, jaütülahti vütarüma kra jaüta phanka ake nguli ronglah Maitrah namshih huksam küla lamho raüjala, natüjang jaükikih. 31 Maitrah namshihma ja, lai klo raüjava namshima ahia mirah, namshihrah man kükhasü maitmah külo ronglah.

32 “Namshihrah, namshihma lüngvü tsantsü rümtülahtibi küli lungvü hanjaka kecü milap i nguta java tüma tülan? Ngrai maitse nguta sitülahtibi kra rümanla tsangshih roti kümaka lungvü tsantsü thütülah! 33 Kümah namshihrah, namshihma ahia lam külo tühlati kümali, ahia lam külo hanjahka namshihrah jam acüva milap han? Nrai matse nguta sitülan krarah manla kükhasü külo tülah. 34 Namshihma mitham kuhlot kratimali phanrap tübam khuhan jaka namshihrah jam acüva milap han? Ngrai maitse nguta sitühlah krarah manla, ngrai maitse ahinti mitham khulotti küma tünam kuhtülah. 35 Namshihrahka kükha nahrah rongkih! Maitmüma vesang ralüka man vüta lungvü ronglah. Tsangshihma ahia lam külo ronglah. Ratülah lamna maitma tünam kuh ronglah. Rüshatmah atham lapma nguta nahtanam rongkih. Kütinkhan külovan han jahtih namshihrahka poksi ajong milapvan ha. Kümah namshihka Shükiave saüsema mija van han Apaitka, kitajang ahüli mait atsü abiti küma man lungvü tsantsü ashi rümtülo. 36 Maitma mangcan tsan tsü thüshat ronglah namve Shükiaverah thütülah kükha.”

Maitse Tsü

37 “Nanok nashihinkih; Shükiaverah omnüih man shinmak mirah; Nanok abi nah ngukih; Shükiaverah

man omnüh abi ngumak mirah. Kongti mra tdanna nūta tsangkih; Shūkiaverah man omra tsanna tütsangmak mirarah. 38 Kongtima kuhlah. Shūkiaverah man omnūma mikuh. Omnūrah maitma omkho kuhlati krakhan thap raūta, Shūkiaverah omnühma mikuh. Omnūrah omcuva holot tūlati, kūcu, khan nianmakmah, Ajah tūshin raūta mikuh."

39 Kūmah hali Jesuhrah tsangshihma ara shuton bomcong phankuhtah: "Makcuktirahka makcuktika shiatsūmak. Akongtiveka shiala nguta ajahmah rūhit rūhit, rūshia raūjala tsangnai vūta khobokna midiva. 40 Laktūlangti ngutalah kūva lak tūlangketivema phaci apa saptika juman ahū. Rūshatmah lak tūlangti tūlotlika maitmū phaci tūlangka lot haū jala, maitmūma lak tūlangkeve kükhasū mirah.

41 "Omnüh omphu nove makna sincuse kra jaram lūtūlaū, ommakna pepan kaū tūbomraūka lūmaū rarāū? 42 Omphu nove kūnang, 'Iphu nove, ommakna sincū asi. Sincūseka lambaitpha,' nguta jaram ngutūlaū? Ommak monga pepan kaū tūhap bomtūlahka sintūla chiphamaū? Rakhū tsiri nalika nahhiakih! Ommak mongnava pepanka kongkhu lambaitlah. Kra lambait lot laūtatih omphu nove makva sincūseka pura samhia michi haū. Laūta, omphu nove makva sincūseka mial kuhlot haū."

Petsi Cong

43 "Petsi cong ahia, ajong ajū ahūtirahka atsi man ahiavih tsikuh tūlah. Atsi abika tsimak. Kūmah kükha hai vūta ajongrah aphaatirahka atsi man abi mirah. Ajongrah apha congtirahka tsihiaka tsikuhlotmak. 44 Petsi conghia congbiaka atsi kūmali tūsabp tūlo. Omnūrah phummub tsika kūmku congna

hummaü. Kümah kükha hali, tsangri tsika napbü congnaaka hummaü. 45 Atsanna aniah ahü tirahka tsan asü sitülah phan anümah man bomhia bomtühlah. Kümah atsanna aniah tirahka, among jüna aniah kraphan anümah man abi ati tsübomtühlo. Mait nümah jamlaiva dongtühlah, kra maitmü tsan mongna jamlaiva tüma tühlahkra dongutlo."

Jamhaitivenai

46 "Namshihrah Ibom congka langmanmah Ngi nang 'Tative! Tative! ngata jaram hiatülan? 47 Ibom tai raüta langvan tülü külo vatühlahtika jammah thicangva, Ngi congpha tai ronglah. 48 Apaitka maitve veshirah hihkhoh atsaü thuraüta kham shong raüta ahai jam ekha. Hihkhoh atsaü thuraüta ahai jamka rathait rahaivan, kümah jüraika cangvan raüta vüta lümvantah. Rüşatmah kra jamka hihkhoh atsaü thuraüta longkaü thahna kham apha ashong ara ningkhan, jü cang khamrah man jülotmak. 49 Rüşatma Ebom tairaüta langvan maktika maitve veshirah ajamka hihkhoh samhia, atsaü thummakmah, kham thunka rana atangajase raüta ahai ekha. Rathait rahaivan, kümah jüchangvan küta jucang khamrah, kra jamka ce vantah kükha sü mirah."

Jesuhrah Roman Sahübve Jashive Tühiatah.

7 Ara thunka mait tütühlah thun küma congkuhlot raütashe Apaitka Kaparnahum hihna vavantah. 2 Kaparnahum hih küjah Roman Sahübve ashi sitah. Kra sahübve jashihveka kütakah atsi tsihia. Sahübverah ajashihveka pinthum mangcan tühlah. 3 Sahübverah Jesuh vatah ngo tairaüta ajashihve mitühia kuhvala nguta Ihudinokva shühlangbi Jesuh tühiakai tükita. 4 Kra shühlangbika Jesuh phana kiraüta Apaitma akha

congtaḥ : “Ara saḥübve ara vehiavihve. Omnürah khürumke thek tülo. 5 Apaitrah nashihnok man rohia. Apaitrah nashihnok mütu Senagog jam man ashih haikuhto.” 6 Jesuhka Apait hiakaiti kra vavan damtah saḥübve jamnüna. Rüshatmah Apait saḥübve jamkia küjah saüvan nam nam nashe, saḥübve krarah akongtitüm tüki raüta Jesuhma tücongkihtah : “Tative! Omnüh nahun nükih. Ngirah Omnüh tühun nüka thekmak! 7 Küma Omnüma sham tüchi kai mah lotmang hali! Omnührah amingli tatlah. Aming tat haüli ejashivtsika mihiaki. 8 Ngi manla mait ajong jahtakihna sitakang. Küma ngi jah takihna man sapahi asi. Ngirah, ‘Kilah!’ nguta ashi thaüha jala, thaükang veka miki! Kümah, ‘vara!’ nguta ashih hiaha jala, kraveka ngi phana miva. Ngi jashive kua, ‘Ara shamlah!’ ngutkang jala paitrah shamtülah.” 9 Saḥübverah atücongki bomka tairäuta Jesuhka avangli rütah. Kümah Ajai phanti mait omcuva Apait türona sitülah nikina ngutah; “Ngirah omcaü nütaharave akha kam ashama ama rümti mait chimang shah! Apait akha Israel mung tülotlina chimang shah!” 10 Jesuhma bomcong kaitika saḥübve phana jangvan nongtah. Tsangshih saüva raüta lüva küta sinha atsitiveka ahia kaivishe.

Jesuhrah Manti Niungse Amava Tüjangtah.

11 Kramah jalotmali Jesuhka Nai nguta maithih ashih küjah kihotah Apait rai Askusetüm nai mait ahinti pahia kiho damtah. 12 Apait kra hihna niapvan kilü küjah saükairi, maitma lapkaiti, mait kongshirahumtah. Kra amaveka manti niungse, seshihlahlahva, Kra manti niung rai kra hih küva mait pahia kldamtah. 13 Tativerah manti niungka chiräuta Atsan

pinthum bitah. Amangcan tsima, Jesuhrah manti niung rai bomdamtah, "Nahohkih! omse ajang mirava." 14 Anümah abomlammah Apaitka maitma küjah Ajahma shamtah, kümah mapitinok küman capsah capkitah. Raütashe Jesuhrah amave krai bomdamtah: "Nortüve tüdolah! Ngi bom taitülaüsha!" 15 Jesuh bom tai raüta, amaveka tüdopot raüta ngakisah raüta tsangshih rai rübom rüniümshe ahiavih, mait hia purashe hiakitah. Kra raütashe Jesuhrah amava ajangvaveka aniung rai tüva damtah. 16 Kra chiräuta vütarü akü aniü pinthum vangtah. Kümah vütarürah Shükiave pinthum tühomratah: "Shükiaverah shammi ajong pinthum nasih phana tükito. Shükiave Apait asaü ase tüchükai kito!" 17 Jesuhrah kra külo vantah tsütsaka Judia mungna nai Judia mung türona siti mung ahihna pura phoi vantah.

Johan Baptistrah Jesuh Phana Tsütsa Tüvaikai Tükitah

18 Johan Baptistrah, apait sakuse tümra ara thun tsütsaka congvan küta, 19 apaitrah askusenai venai Tativema bomvaikai nguta tükitah, "Omnü ara shia Johanrah saükitülo she nguta congta era, shia nai shirah ahinti saükaiva mikhehai," nguta tüvaikitah. 20 Askusenaika Jesuh phana she saükiraüta, Jesuhma vaitah, "Johan Baptistrah nai nai Omnühma akha bomvaikikih nguta tükito, 'Omnüh ara shia apaitrah saükitülo she nguta congta era, shia naishirah ahinti saükaiva mikhe hai?'" 21 Kra tükah Jesuhrah phanrap thup atha asiti mait pahia tühiatah. Maitsakrah aromvanti nai makcuk jamüti man vüta tühiatah. 22 Jesuhrah Johan Baptistrah ataki venai krama bomjang congkuhtah: "Jangvan lanta Johan Baptistma namshirah jamlaiva chitülan' nai nam nai nimah tai tülanka

congvan ronglah; acuk akü vüta hiatülo, thupbi thatithun vüta hiatülo. Kümah phabü nitü tirah man mati bom tai tülo; amava man vüta tujung tülo. Kumah Tsütsa ahiaka mütsan müjan maitsema tütai tülo nguta congvan ronglah. 23 Ngi ara juva nguta tsan anai thümakti krama tpinthum acu ajong sitülo!”

24 Bomvai kati venaika vavan jashe Jesuherah mait pahia tütulah kra nikina Johan Baptistka kai tushorahtah: “Namshih Johan Baptist lükai nguta rumna kümtsai phüna kilan kütakah jamlai michiki i nguto tüma lan? Sangphü rü rahairah anotrat michiki hai nguta shia tüma lan? 25 Jamlai lükai nguto kilan? Khuhia khiava, tümü tükühve lükai nguta shia kilan? Khuhia khiava, rümü mükhüh, túbai mange sitika rajabi jamna tüna situlah! 26 Ngima congkuh ronglah, namshih jamkhavé lükai nguto kilan? Shammive michiki i nguta shia tümalan? Shammive lükai nguta kilan júka rükhali kilan. Ngi congpha, taironglah! Namshihrah, shammi namma man ajong chikilan. 27 Johan Baptistka mütuka Sütulah lakna akha nguta congthuje, ‘Shükiaverah nguta ara Ikongphih sotive. Ngirah (Shükiave) apaitka Omnühma kongkhuna, Omlam tütanho mitüki kang.’ 28 Ngi congpha, taironglah! Johanka ara mungkan hih ajah ravuchitah thun mait vütarü thana ajong. Rüşatmah Shükiave Mungtanna juva aran pinthum nguta situlahka Johan namma ajong.”

29 Apait bomka mait anguthun vütarürah taitah. Kümah phanrap akhen rücomtinok man taidamtah. Tsangshih thun kra Johan Baptist tsütsa congkuh kütá nokvema apha baptist lamvan phatibi. 30 Rüşatmah Phorisinok nai Thungtri tülanketinokrahka

Johan bomcong taimakmah, Shükiavera tsangshihma ravulam tüchikuhta kra phanvan mak, abi nguta langvan mak rütah. Kra ningkhan Johan jahva baptistma lammak mali situlah.

31 "Omcaü Ngirah, ara omcnaü patva mait situlah ara kamlao phanmo mithap thiha? 32 Tsangshihka nosere cühiaviana tütsa lammah gisü türabgtulah kümah thicangli situlo. Kongshihrah kongshih-tima, "Naishih namshihma caklam poi külo phaitah, namshih naishih rai vanüm damman rülan. Kümah naishih maitma lap, maho majü raphaita man, namshih naishih rai hohdam man!" nguta rarüm sho gisü tulah kümah thap thicangli situlo. 33 Johan Baptist kiraüta, cetho jaman niangmak, amang ale mali sitah. Kra rakah phanta namshihrah apait nangnga, 'Arave ara angive!' nguta rücong sih lan. 34 Maitse ngutühaka saüki raüta, ceniang tsamsia ahiavihmah sikah phanta nangnga, namshihrah, 'Lüronglah! ara sükhave ara! Kra thana ceropve! Akheng jaütinok nai rniahna stii ngrai maitsebi kongtive!' ngut gnuho. 35 Rüşatmah Shükiave phaci nai bomcongka tengman tülo dia nguta Shükiave lam phan vantülahtirah vütarürah congtilah.

Jesuh Phorisve Jamna Vatah.

36 Phorisive veshihrah Jesuhka apait jamna dung siva nguta vatah. Apaitka dungsia nguta angarütah. 37 Kra hih küjah jecak niung ashi situlah. Kra niungka arilungna pinthum ngrai külots. Kra niungrah Jesuhka Phorisev jamna dungsia va vatu nguta tairaüta, ksa vejam küja tel homhia phan tsabumna lamhoraüta kitah. 38 Kra niungka Jesuh khakina ngaraüta ahorai rütah. Amakphai satulah kümah

Jesuh hokphika hetalümah hohraitah. Aho tsah raütashe Jesuh hokva amakphai asaka akhukuma ahiavih tüve tat tah. Kra lotraütashe ajava tel kümah Jesuh hokka ahiavihmah tüniamli niatkuhta. 39 Jecak niungrah kra külo lüriaka chiraüta Jesuhhiavantive Phorisive krarah atsan mongna tümatah, 'Arave ara shammi dia jaka ahanna jahma shamtülah niungkajuva asap mirah. Kümah, kra niungrah ngrai hotalah thun küman sapshat mirah!' nguta tümatah. 40 Küjah she Jesuhrah Saimon nang nga, "Saimon Ngirah omnühma bom cong cang asi," "Conglana Tative" nguta Saimonrah türetah. 41 Jesuhrah she Saimonma congta, "Manna matve veshirah laopan veshih jahva kampho namtah. Veshihrah kampho shibangi, küma veshirah robangi namtah. 42 Tsangnai vütarah thüthamka thamkuhlotmak sü ratah. Thamkuh lotmakshe rükata, jaümak malishe mapbaitah. Kra venai küva omratirahva laopanveka apa milungvü?" 43 "Ngirah tümaha thütham apa hotiverah laopanvekama lungvütsü ajong mithü nguta tüma tükang," nguta Saimonrah türetah. "Omnürah rükhali türelaü," nguta Jesuhrah Saimon bomka türetah. 44 Saimon bomka türe raütashe jecak niung phanüna lüraüta Saimon nangnga nguta: "Omnühra ara niung ara chitülaüshia? Ngi ajah omjamna düvakang. Rüshatmah ara niung ararah Ihokka amakphai kümah hetah. Kra helot raüta she akhümah tüve tattah. 45 Omnürahka Ngi saüva phata Ngi man nohmaü rülaü. Rüshatmah ara niungrahka, Ngi saüvari Ehokna ravüh shatmah Ngi shüreng raüta shüli lütah. 46 Omnürah Ikhuna Imanto heshap tel niatmaü dia rülaü. Rüshatmah apaitrah Ehokna athü atsinvih phan, ahomman

homhiaphan telmah Ehokna pura tüniamli niattah. 47 Ngi congpha tailah, Apaitrah Ngima kütinkhan lungvü tsantsü ajong rümtulah kra ningkhan, apait ngrai omcuva situlah kra thun man atüsübaitvishe. Ngrai atsapli adükuhtirahka lungvü tsantsü man atsapli mirüm." 48 Kra nguraüta she Jesuhrah jecak niung künang ngutah, "Omngrai thunka adübaitvishe." 49 Jesuh bomka tairaüt she dungsia damti ngatulah thunka, tsangshih nai tsangshih she rücong-tah, "Arave ara juva, mait ngrai dübaitika?" 50 Kra tairaüta she Jesuhrah jecak niung krai bom damtah, "Kam tsan tsü thütülaü kra rahli omkhumka tüchü vanto; kllah khu asangmah sihotah."

Jesuh Rai Khumdamti Jecakre.

8 Kra jaimah jalo mali Jesuhrah hishong thun nai tavun omcüva situlah thun kra jah tükharaüta khumsha khummah Shükiave Mungtan sapvan lam Tsütsa Ahiaka congkuh vatah. Askusetüm roshiri vebliä kra man Apait rai vadamtah. 2 Kümah maitsakrah aromvanva nai thabirah akah atsiva atühia jecakretüm kra man Apait rai vadamtah. Jecakretüm kra mangka: Merih (apait düva jove müshi jobaitah niungka anakrah Mekdalen nguta man ngutulah). 3 Joana nguta niung krari. (Kra niung vese manka Kusa. Apaitka Herod Rajarah khapho kam tüşamtah.) Kümah Susana nai akongtibi küman Jesuh nai Askusetüm phanrap huk asammah, khürum kuhtati tüm krari vadamtah.

Juca Vantive Manphan.

4 Apait ohana vati maitka tavun ashina siti jaina tavun ashiva rüjang vantülü saüvan ruhli rütah. Mait pahia she rütamvan kütashe Apaitrah ara manphan

ara phankuhtah: 5 " Matve veshihka juca vankai nguta kihotah. Apaitrah vatah juca laika, vüjam lammogna catah. Lammogna arok jucalai thunka maitraho hokmah nirattah. Kümah voshirah vüjam tsunsihtah. 6 Jucalai vüjamka longrongnacatah Longrongna arok kra camtah rüshatmah ashin rükintah jucarang phacang hih ngam ahü, hihsü ningkhan. 7 Jucalai vüjamka sangthahna catah. Kta ningkhan sangrah kahrat raüta amo rükintah. 8 Vüjamka hih vüngamna catah. Hih ahiana aroktik ahiavih camkitah. Congshih vali pahia lapicang akü ako pahia hiatah. Ara congütü kang ara vüphah vünitirah tütsang taironlah!"

Manphanka Jam Mütu Acongva.

9 Askusetümrah Jesuhma vaitah manphanka jam mütuva conglaü nguta. 10 Tsangshih bom ture, Jesuhrah akha congta, "Shükiave mungtan ridvanlam nai kra sapvan lamka namshihma atüchikevishe. Rüshatmah nanok mait ahintimaka akha manphan bom shütonmah congkuh tükang. Manphan shüton bommah congütü kang kra ningkhan chitah tirah man chimak ekhali mirah. Kümah taitah tirah man taimak ekhali mirah. Ara congütü kang manphan lücumka saplotmak mirah."

Jesuhrah Juca Vantive Manphan Lücumka Congta.

11 "Manphan lücumka akha! Jucalaika Shükiave bomtsi. 12 Jucalai lamküna aroktika mait Shükiave bomcong taitulah rüshatmah, Tharah tsangshih tsamongva kra bomtsika kihphaina tülam baitulah, kümah tsitsü lapvancangva man atüvin rütulah. 13 Longrongna aroktika, Shükiave bomtsi tairaüta congi cismah taitulah rüshatmah tsamongna apa thümak.

Phanrap camcao rühum tülah ranait kam tsantsüka amo rükitülah. 14 Kümah sangthana aroktika Shükiave bomtsi taitülah rüshatmah, hanngam peolam mütu küli tsangshih tsanmongna apa sitülah. Kra ningkhan, bomtsika tsangshih mongjüna camlotmak, atsi man ahümali mokitülah. 15 Hih ngam thahna aroktika, Shükiave bomtsika tairaüta tsan mongna tütsang vantülah. Tsan mongna Shükiave bomtsi sitülah kra atsi rütülah."

Lempli.

16 "Jura man lemp tülü raütaka lempka vankhü-maka pangmak. Kümah cangtakhna man thümak. Jam mongna vütama lam tüchima nguta lempka tebul thahna totülah. 17 Jamlai phanva amongna apaü thü tülah kra valülina mitüchi. Kümah phanrap apang ara thü küman lemplülina vüta tüchi rara mirah.

18 "Kra ningkhan ahiavihmah tütsang taironglah. Jurava phansih rümtülah kratima kra thah küjah apa mitü tsühkuhnong. Kümah jurava akhüse man rümmang nguta tüma tülah, krati jahvaka ralangse rümtülah kra man ania mirahonong."

Jesuhma Aniung Nai Anotüm.

19 Aniung nai anotümka, Apait rai rühumkai nguta aki rüshatmah mait pahia ningkhan shamman rüchilotmak rütah. 20 Veshihrah Jesuhma congta, "Omniung nai Omnohütüm kinphaina Omnühkhe nguta caprai tülo." 21 Kra tairaütashe vütarünikina Jesuhrah türetah, "Jurava Shükiave bomtai raüta tsanna tütsang shah vantülümah maitmürah külovan-tülah kratika Ngima aniung nai apfu ano süsah

Jesuhrah Rathait Tütsahtah.

22 Ranaitshi Jesuh Askusetün rai laina ngavatah. Küjah ngashat lammah tsangshih thaütah, “Konü jürekona varongpha.” Apaitrah thaütah kraphan tsangshih konü jürekona laimah vavantah 23 Küta-kah Apaitka lai mongna akon rükitah. Tsangshih rekona misaüshah lüpanna ratnaitvan raüta tsangshih laika jülap khamrah vüta mavantah. Laimongna kham-mavan mümü she chiraüta tsangshihka tsaihü jihü kü niütah. 24 Askusetümka akü aniü lüshe Apaitka akonva túsam kitah, “Tative! Nashih jüna thapvan-kai!” Tsangshihrah túsam küta akonmah tüdopot raüta she rathait rahai küma tsah kikih nguta aming tattah. Jesuhreh amingtah tah krai müren rathait rahia küman tükaitshak sangkitah. 25 Rathait tütsah raütashe, “Namshih kam ashah omjo rümtülan?” nguta Askusetüm nang ngutah. Rüshatmah tsangshihka akü aniü lüshe hai raitah. Kümah tsangshih nai tsangshih lüpanna, “Arave ara juva nia rathait rahaima aming tatkuh küta, rathait rahairah man apait bom taitalah aratih?”

Jesuhrah Tsakrah Alühove Tühiatah.

26 Tsangshihka thamrekona Gergeseni nguta mait hih ashah küjah she vavantah. Gergeseni hihka Gelili hih kramah khararena situlah 27 Jesuhka laima taküna satkairi, maitve veshih, kra jükü thona tavun ashi küjah siti, tsakrah aromvanve rahumtah. Apaitka tsakrah lüholimah aluvishe jamna man vammakmah, khuhü khiahümah nai amangmah maitma lapcang situlah küjah longkhong mongna sitah. 28 Apaitka Jesuhka chiraüta anumah hongraüta asüvala Jesuh jicongna bomsah bomkitah. Bomst atlammah hong-

raütah, "Jesuh, ramungtanna Siti Shükiavese! Omnüräh ngi jamkha rahova dantülaü? Ngi Omjahva map jaütakang, ngi nah tsatkih!" 29 Apaitrah kükha jaramva nguta ngukajala Jesuhrah ahanva maitsakka kiholah nguta athaüvishe kra ningkhan bomtah. Apaitka tsakrah aromvan balaka ahok ajahka jinraümah kharaüta abanva man jinraüka pantham panthit raüta, tharah rümna, kumtsai phüna shiaho tüläh. 30 Jesuhrah apaitma vaitah, "Ommang juva?" nguta. "Imangka Maitphong" nguta apaitrah türetah. Jamningkhanva 'Maitphong' nguta tümangta ngukala, akhumna maitsak pahia ahang vavishe kra ningkhan. 31 Krave khumn siti tsak, amübi krarah Jesuh java tsangshihka abis ngutalah küjah nahjobaitkih nguta map jaütah.

32 Vahkong kongshihka kratho küjah, hihlam sümna ahai sia. Maitse khumva maitsak thun krarah Jesuh nang nga vahkong phana vaphai nguta aming jaütah. Vahkong phanavama aming jaükata Jesuhrah varonglah nguta tüvatah. 33 Jesuhrah aming kuhtah krai mürenka mait khumva dongki raütashe vahkong kra khumnashe shangvantah. Maitsak thun kra rashe vahkongka jükam nü küna vahkongka vükongtam mashe Tham jü küjah tüthap vantülümah romphah hotah.

34 Kra vahkong thapvatah kra rümtinokrah, kra chiraüta tavun küjah juraüta, tsangshihrah chitah thunka tavunna siti vahrümtinok nai nanok ahinti küma congkitah. 35 Vahrümtinok bomka tairaüta arot shia nguhiava ngutüla nguta tavunna siti thunka küjah varaüta lüvatah. Tsangshihka Jesuh phana varaüta lüva küta sinha joverah alühovoka Apait

jiconгна khu akhia man ahiavih sam raüta ahia, maithia asung atsi man tsangrakrak she chivatah. Rüşatmah tsangshihka apaitka chiraüta ahairai rütah. 36 Krave tsi hiakai chishat tirah, tsangshihma apaitka jamkho hiakita kra congkuhtah.

37 Kra chiraüta she Gergeseni hihna sitinok krarah tsangshih haisi tsuma Jesuh nangnga ahinna kihotülolah nguta thaütah. Tsangshihka akü aniü pinthum phüb jübtah. Tsangshihrah jokütashe, Jesuh man lai küjah ngavasah she ahinna kaihoma nguta. 38 Kra chiraüta she juverah aromvanva ahiakive krarah Jesuh nangnga, "Ngi man Omnüh rai kidampha, " nguta congta. 39 "Omjamna jangvaki, laüta Shükiaverah omnühma jamlai phanva külo kuhta, kra nanok ahintima chongvaki," nguta Jesuhrah apaitka tsangshih hihna tüvatah. Kraveka jangvan raütashe Jesuhrah atsi tühia kuhtah kra tavunna siti thun küman khumsha khummah she congvantah.

Jairasse Nai Jesuh Khiana Jahma Shamtiniung

40 Jesuhka konü thamre kona jangki nong küta sinha Apait saükheti mait pahia pahiarah Apaitka lungvü tsantsümah shiakitah. 41-42 Apait saükairili, kra hih küjah Senagogna kam ajong shamtive amang man Jairas nguta maitve veshihrah Apait hiakai nguta kitah. Ase jecakse, seshilahlah dongdüka atsi, alang pitvan napnap she, kra mitühia kuhvalah nguta apaitka Jesuh hok küjah ravühtülümah Apait manna tümangcantah.

Jesuhka krave jamnüna vaka chiraüta mait pahia pahia krarah Apaitka türotammah jobvantah. 43 Jecak niungashi, vüroshiri vünai she tüjai dong camcao tülah niung kra mait phong mong küjah adammah vatah.

Atsika tühiana nguta taktodbi mahma ajahna kampho omcuva sitah kra vüta sumrumtah. Rüşatmah atha tsika jura man tühia kuhlotmak rütah. 44 Apaitka mait phong mong kümah varaüta, Jesuh jainümah, Akhiathum rüjo samtulah küjah, khianitsüse küjah ajahmah shamtah. Kra shamküta, atüjai dongka man hiakisahli hiakitah. 45 Jesuhrah maitkong küma vaitah, "Ngidüna shamti juva?" kra tairaüta, vütarürah nashihha sapnai nguta süsah türetah, Küjah she Petrusrah türetah, "Tative mait kong ararah Omnühka türotammah tütsa jobratvanto." 46 Rümak ashirahrah shato Iduna. Ngirah Iduva ningkun kaiho tho hekan," nguta Jesurah türetah. 47 Jecak niungka Jesuhrah thoheto nguta she sapraüta, akü aniü, ahok ajah tükhai rokshia rokma Jesuh khakina varaüta Ahokna rüvüh tülümah jamningkhanno apaitrah Jesuh khiana ajahmah shamtah, kümah kra shamri, atha tsika hiasah hiakitah tümka pura vütarü mung maitse makkina congta. 48 Kra congküta, "Ise omkam tsan tsürah omthatsika tühia. Omkhu asangmah she sivakih," nguta Jesuhrah türetah.

49 Jesuhrah jecak niung rai rübom küjali Jairas jamva, apaitma bomcong kaiti säükitah. "Omse tsaikitoshe, Tativeka nütahun nükih," nguta apaitma congta. 50 Kra rübomka tai raüta Jesuhrah Jairas nangnga nguta, "Nahaikih. Kamtsan tsüli rümlah. Omseka ahia mirah." 51 Jamnashe säüva raüta sinha, Apaitrah jammongna mait ahin juman tüvamakmah Apait rai Petrus, Jacob kümah Johan tsangtsam vetsam, kümah jecakse kra niungverili, shiavantah. 52 Jammongna ama khetinokka vütarü aho asütürang rücanan hotrangta. Kra chiraüta, Jesuhrah nguta,

“Nahoh rongkih! Noka ahia, tsaimak atra-akon!”
nguta tsangshih rai bomdamtah,

53 Noka pura atsai kaivishe nguta tüma raüta vütarürah Apait bomka tai raüta, Apaitka ashummuli rütah. 54 Rüşatmah Jesuhrahtih nojah kümah sham raüta, “Tüdolah noshü!” nguta hiatah. 55 Apaitrah kra ngori tsitsüka jangvasah jangvatah. Atsitsü jangvatah krai müren noka amahva tüdopotshe tüdokitah. Nok hiaki kütashe Jesuhrah tsangshih nangnga no küma aphah siacang kuhronglah nguta thaütah. 56 Aniungveka kra chiräüta jamna man taklotmak ningkhan avangraili rütah. Rüşatmah Jesuhrah tsangshih nangnga kra noka hiakitah tsütsaka mait ahinma nahcong rongkihjo nguta tüvintah.

Jesuhrah Askusetüm Veroshiri Venai Tükitah.

9 Jesuhrah Askusetüm veroshiri venai adamna tratam hia raüta, jove binti thun nai thupbi thati tühi-alotlicang ningkun thükuhtah. 2 Ningkun phiakuhlot raütashe, Shükiave Mungtan Tsütsa Ahia kra nai atsi asiti tühiav rongkih nguta thaütah. 3 Apaitrah tsangshih maithihna tükitah kütakah tsangshihma akha nguta congta: “Mait hihna omcaü kitülan lakna namshihrah jam man naho rongkih. Khu akhia nai namshih phasiacang tüadung kümah, kampho man namshih khumna nalamho rongkih. Samhong alia man nalamho rongkih. Maitmü düna samtülan krali. 4 Maitrah namshihka tsangshih jamna tüsi küphan jala, hiatülahti jam küjahli siva rongkih. Lanta sitülan tavunka baithü man vüvü, ahinna nahki rongkih. 5 Omra hihtirahva lungvümak, namshih tsangshih hihna tüvamak rüjuh, kra hitika, namshih hokna botkhulai akop küman jaina khaübait thütülü ronglah, tsang-

shihma tsü tülam heshap." 6 Askusetümka Apaitrah congkuhtah küma müren, hihshong ashimah rüta ashina khum hohomah, Tsütsa Ahia kra tütai kitah. Kümah atsi asiti thun küman pahia tühia thütah.

Herod Raja Vangraitah.

7 Gelili mungna raja kam shamtive Herod Rajarah, ara congükai thun phanrap hongtha raivantah tsütsaka kai raüta avang lishe rütah. Jamningkhanva apaitka vangtah nguk jala, apaitma tsütsa chongtibi vüjamrah. "Johan Baptist amava ajang rava nongo," nguta congta. 8 Kümah mait vajamti nga Shükiave Shammi Ilija saükiguta rücong tülah. Kümah abitirahka omsah müva shammi sitah kra pongva veshih jangki raüta pova nongto nguta tsant. 9 Mait bomka tairaüta Herodrah atsanna tümatah, "Johan Baptist khu tücümbaitili ngirah. Omcaü nanokra rücong tülah ara juva?" Kra ningkhan apaitka Jesuh krai rühüm hajah nguta akhing kheshatmah sitah.

Jesuhrah Mait Hingbangima Tüphasihlah.

10 Askusetüm 'apostolos' nguta kai kra tsangshih tsütsa congkai rümashe jangvatah. Jangva raüta tsangshihrah jamlai phanva kuto kitah kra Jesuhma pura congvantah. Jesuhrah tsangshihka Apait rai shiavan raüta Bethsaida nguta mait hih ashi küjah vavantah. 11 Jesuh vavan thoka he raüta mait kong phong pahia krarah Apait jaiphan vantah. Apaitrah tsangshihka ahiavih lungvü tsantsü shimah tracom hivantah. Raüta tsangshima Shükiave Mungtah Tsütsa congkuhtah. Kuah atsi asiti thun küman vüta tühia kuhtah.

12 Rashe acashe chiräüta, Askusetüm 'apostolos' nguta kai kra thunra Apait phana varaüta congvalu,

“Tative, tsangshika atüva she rülah. Ara türona mait hih shong sitülah nai vakjamtüb sitülah küja varäüta tsangshih jabcang mirid valah. Kümah tsangshi tashong vüta miridi phasih valah. Nashih omcaü nguta kai ara rüm, ajah tsangshi jabcang ahü.” 13 Tsangshih bom türe she Jesuhrah nguta, “Namshihrahve tsangshihma apah asicang phanshirah kuhronglah.” “Nashih jahnaka vinsü phubangilah lah seli. Kümah ngih shin phuse nai anai asi, krali! Mait kong acumaka nashihrah jambavo mittüphasih. Kümah ari nguraüman jamrümme miri!” nguta tsangshihrah Jesuh bomka türetah. 14 (Krajrah mait tütülahka hinbangitin saüli rütah). Jesuhrah she Askusetumka thalüta, “Tsangshihka lensihna robangi ngimah tünga ronglah!” 15 Apaitrah congta kraphan Askusetümrah mait kong tütalahka tüngatah. 16 Mait tüngalot kütashe Jesuhrah vinsü phubangiri kümah ngih shin phusenai anai krari adamna tuve räüta, ranüna lüraüta acu jaütah. Kümah jaülot räütashe vinsü phu nai gnih shin phuse naika tübun räüta, Askusetüm küma phiakuh ronglah nguta kuhtah. 17 Mung maitse tütah krarah kra vinsü phubangi nai ngih shin phuse nai anai kravli phetak phasihtah. Kümah Askusetümrah tsangshih siaphanka rücom küta, jangkü roshiri jangkü nai mali rütah.

Petrurah Jesuhka Shükiavese Nguta Congta.

18 Jangshi Jesuhka Apait honhonse ngaraüta acu jaürria ngaraü. Apait acu jaürriana Askusetüm Apait phana saüvatah. “Mait kong thunrah Ngi ara ju ngoto rücongtüla?” nguta Jesuhrah tsangshihma vaitah. 19 “Vajamrah Johan apova nguta rücong tülo. Kümah vüjamrahka shammi Ilija jangkito nguta

rücongülo. Kümah kükha hali vüjamrahka mannavä, omsahmah siti shammibi küva veshi rava asatkinong nguta rücongülo" nguta tsangshihrah türetah. 20 "Rüta namshihrah ha? Ngika junguto tümatülan?" ngula tsangshima vainongtah. "Omnühka Messaia' Shükiaverah atüki," nguta Petrusrah Apait bomka turetah.

Jesuhrah Apait Camcao · Nai Apait Tsai Akhing Congtah.

21 Kra rücong jaishe Jesuhrah tsangshihma kra bom congka mait ahintima nacong rongkih nguta tüvintah. 22 Kra thah küjah ra bomtsi arari tracesah congkuhtah: "Maitse ngutülah kramaka camcao lamka poikimak. Apaitka pinthum micamcao. Ajong ala maitse nguta sitülah nai tsangve ajong alahbi sitülah, kümah Thungtri tülangketinok tülotlirah Apaitka ashelh mirabait. Kümah kra tha küjah man, Apaitka tsangshihrah atsia mirabait. Rüşatmah Apaitka ranait tsam ngo ranait amava ajang miravan nong."

23 Kümah Apaitrah vütärü nikina ara bomtsi ara cong kuhtah; "Jurava Ijai phanva rotüla, kratirah maitmü khum lah bait tülümah, ranaitek vutang peka pishatmah Ijai phanvanrah. Juva atsaima haima maitmü khum tücütülah, kratirah pattub tsitsüka lapvan lotmak. Rüşa tmah jurava Ngi mütu atsaima kham tülah, kümah Ngi ningkhan tsaitülah, kratirah tsitsü milapvan. 25 Maitve veshihrah mung kang hih sitülahka ajah takina thüli ajongma javan räüjah man apaitka tha jahkhon mongna, tha kharümah tükhashat siraüka apaitma jamlüpva misi? Jamlüpman ahü! 26 Juva Ibom congma nai Ngima jiasitüla, kratima,

Apait saükai akhing ranait Averah ningkun akuh kra horaüta rasetü rai aliva hiala saükitulah ranait, kratima ajiasi mirah. 27 Ibom tsanna samhia thüronglah! Mait vüjamrah mung kang rümtika Shükiave dia nguta chihümah tsangshih makna raniahmak mirah. Shükiave Mungtanka chithü raütati mitsai."

Jesuh Khumklai.

28 Ara thun cong kuhtah jaimah cepatshi siraüta, Jesuhrah Petrus, Johan kumah Jakub tsangtsam vetsamka shiavan raüta, hihlam ashina acü jaüva nguta vavantah. 29 Apaitka hihlam küjah acu jaür-riana Athiap hi nai Akhu Akhia Aduna asam thunka rashe küli ekha chainiü niü chaikitah. 30 Maklü lüpan nali maitve venai saükisah rütah Apait thona caprah rahmah Apaitrai bom rücong rai chitah. Apait thona chaprarah venai chitahka Mosheh nai Ilija. 31 Tsangshihka Sütulah Shükiave litulah kükha aliva hiala saükitah. Tsangshihka Jesuh rai, Jesuh krama jalo siraütali, Jerusalemna vutang thana tsai raüta Shükia-verah Apaitma kam akuhka pura mita hongthavan nguta rücongta. 32 Petrus nai akongtive naika akon makaitva rüshatma, Shükiave ningkunma Jesuh nai Apait thona capti Maitve Venai krali chiraüta, 33 Petrusrah Jesuh nangngna nguta: "Tative, Nashih küm siraüta omcaü nashih ajah cakia ara. Naishirah arajah tüb atsam mihaikai. Namtsam vetsamma achüh chüh miahikuh kai!" (Petruska apaitrah jamlai ngova ngutulah kraman tummak mali bom raitah). 34 Petrusrah kra ngo jahia lüpannali, rava phumda satsah raüta tsangshihka phumda krarah pangsah panghotah; Phumrah tsangshih pangho küta Petrus nai akongtive naika akü aniürai rütah. 35 Kra lüpannali, phumong

küva mait bom taitah : “Ara Eshah. Ngirah pongna tsialata athuha. Apaitrah bom congülahka samhia tütsang taironglah!” 36 Kra phum mongna mait bomka tsah kairi lüküta Jesuh lahlahse capraü. Askusetumrah kra thona chitah kra juva man congmak kaishakma damthütah.

Jesuhrah Maitse Ashi Maittsakrah Aromvanva Tühiatah.

37 Anap mashe tsangshihka hihlam kümah satkinongtah. Tsangshih sükiküta mait kong kong nung kongverah Jesuhka homkitah. 38 Mait phong mong kümah maitve veshirah tühong räuta Jesuh kümah rümtah : ‘Tative! ngima mangcahma ara ise sheshilahlahse ara lükuhlah! 39 Ise ara maittsakrah maklü lüpannali jokvanlili rütülo. Maittsakrah apaitka hih küjah takü talü lü bait tülo. Kra atsi dongtulah balaka anümah athou tüphomrat tülo. Maittsakrah adüna shamlap tulah phartka maittsakeah apaika athah man thamakmah tücam caotülo! 40 Omsakusetüma maittsakka jobait ronglah nguta congkang rüshatmah, tsangshihrah jokuhlotmak. 41 Jesuhrah no krave bom she türetah; “Oh, kam tsantsü ahü rumman anginok li! Lairap ajih alam man sapman-nok! Ngika namsjih rai adammha siruhka jamvo misi?” Kra nguraüta she no krave nang nguta, “Om-seka ana shiavakih.” 42 Kra ngukata, noka Jesuh phanüna akai rai krava maittsak krarah apaitka hong-räuta hihna rasü lü baitah asung atsü man tümoli. Jesuhrah aming tat küta, thaka no hanva donghotah. Kümah atsika hiakisah hiakitah. Atsika tühia kuhlot räütashe, Jesuhrah nok avema jangkuh nongtah. 43

Jesuhrah Jangshih Hali Apait Tsai Akhing Congnongtah.

Mait phongka Apaitrah phanrap külovantah kra chiraüta, avang rai arang ara kralapan nali, Jesuhrah Askusetümma congta: 44 "Omcaü Ngirah namshihma jamliava congükang ara nalah rongkih! Maitse ngutulahka, mait ajong alah nguta situlah krati jahna mikuhbait!" 54 Rüşatmah tsangshih rüka kra congütulahka jamlai ngova ngutulah man sapmak. Kra bomtsi lücumka tsangshihrah taklotmak, khonlotmak rütah. Kümah tsangshihka Apaitmah haima kra bomtsi lücu küman vailotmak rütah.

Juva Ajong Pinthum.

46 Askusetüm lüpanna tsangtsam phongva juva vütarü thana ajong nguta rücong raüta arakhü rütah. 47 Tsangshihrah jamlaiva tüma tüla kra tho heshat rütah. Kra ningkhan Apaitrah nonose, ashi Apait thona tücap raüta, 48 tsangshihma congta: "Jurava ara nonose ara Imangna shülilü tsapkap tülah, kra Ngi tsapkapma jatülo. Kümah jurava Ngi shülilü tsapkap tülah, kra Ngita Kaitive tsapkapma taitülo. Jamningkhanva ngukala, namtsam phongna juva aran pinthum nguta situlah, kraveka vütarü thahna ajong pinthum."

Jurava Namshih Ngengmak, Kratika Namshih Kongti.

49 Johanrah Jesuhma vaitah: "Tative, naishirah mait veshihrah Ommangmah jove thun jobait rai chiaki. Rüşatmah naishihrah nahokih nguta tütsah thükai. Jamningkhanva tütsah thükai ngutkala, apaitka nashih rai kongshih siti rümmak." 50 "Naahta tsah rongkih. Juva namshih ngengmak, kratika nam-

Samarianok Hih Hishitirah Jesuh Tsangshih Hihna Tüvamak Rütah.

51 Apaitma rana jangvan akhingshe saüvan küta Jesuhrah Jerusalemna kai nguta tümatah. 52 Kra ningkhan Apaitrah kongkuna Samarianok hih ashi küjah japcang tüjevanti tüvatah. 53 Rüshatmah kra hihti Samarianokrah Jesuhka tsangshih hihna tüvammak rütah. Jamningkhanva nguka jal Samarianok hihtirah Jesuhka Jerusalemna liahoti nguta asap rüta. 54 Kra chiraüta Jacob nai Johanrah Samarianok hihti küma kühma, "Tative, tsangshih hihka ravava hialaita capbait phaijo?" nguta aming jaüta. Samarianok hihti küma tsangnai tsankhah tsima. 55 Tsangnai bomka tairaüta Jesuhrah tsangnaika ason rütah. 56 Kramah tsangshihka hih ahinnashe liahvantah.

Jesuhjai Phanvantibi.

57 Tsangshihka lamna akairal rühum raüta, maitve veshihrah Jesuhma congta, "Ngi Omnü ombano mikihaü krajah Omnüh rai kongshimah Omjai miphanha." 58 Jesuhrah krave bom türetah, "Ngam saü ngise nai peshap voshi müka tsanshah sicang cong khong longsha nai pekhonc vükhi asi. Rüshatma Maitse ngutulah kramaka anü tü-tsakma capngacang man ahü." 59 Kümah hali Jesuhrah maitve veshih-tima congta, "Ijai phanlah." Rüshatmah kraverah Apait bom türetah, "Shülangve, ngi ivema kongkhu lapkipha." 60 "Amtirahka maitmüma maitmürah omtülap phah. Rüshatmah omnühka kilalüta Shükuave Mungtanka congkuh vakih," nguta Jesuhrah türetah. 61 Kümah veshihrah hali nguongta, "Ngi Omjai miphanvan kang shülangve. Rüshatmah ngi ejmati rai ngi Omjai phanvanshe-nguta rühum kiphashah,"

nguta congta. 62 "Jurava nithelamah thaika jahna shani shatmah jainüna lütülah, kratika Shükiave Mungtanna man jamkam man taimak" nguta Apaitrah türetah.

Jesuhrah Askusetüm Romashiri Venai Tükita

10 Kra jaimah Tativerah Askusethüm romashiri venai tsia räuta, venai naimah mait hih shong ajong aran omcüva Apaitva tüma tülah kra thun küjah tükham räuta hihrapna tüvatah. 2 Tsangshih tüvana, Apaitrah tsangshimah congta: "Tsam ahan cong pahia rushatmah tsam hanti ningcangti mait atsapse. Vake congtime jahva aculi jauronglah Apaitrah tsam han hingcanti mait apa mitakilah. 3 Varonglah! Ngiah namshihka shepongna sakusetüm aransetüm ekha tükita kang. 4 Namshih khumna, lamjap khorosha kampho man nahö rongkih. Kümah hokna juta man nahpaho rongkih. Lamna rahomtulan mait angu krai jah shükamvan ngüli ronglah. 5 Mait jamnala düva hanjala, adüvan lammah, 'Namshihma khu asang miralah,' nguta bomvanlili ronglah. 6 Kra düvan tüan jamtiveka shüting shrai maitsele jala, namshihrah tsangshihma shüman khulan kra pattub kra jamtima hansang, kihkap mirulah. Kümah kulaü maitsele jala namshihrah shüman kihkap bom acu jaülan küman ajang rüvan ronglah. 7 Kümah tsangshihka ahiala jala, kra jamküjah tsangshih rai adammah sironglah. Pha asia, tsangshihrah akukuha aphah asia nguli ronglah. Jamningkhanva ngukala tsam hantirahka jasham kemah lapratülo. Namshihka jamshimah rüta jamshihna cühong cühaka nahkhum rongkih. 8 Mait hin ajong situlah küjah kihanjah, tsangshihrah jamlai phanva kuhtulah, kra apha asiadam nguli ronglah. 9 Kra hih

küjah atsi asiti asila jala, atahia rükuh ronglah. Kümah tsangshihmah, 'Shükiave Mungtan namshih thona she saükito,' nguta congkun ronglah. 10 Rüşatmah omra hihtirahva namshih lungvümak, hiamak rüjüh, kra hih küjah cühiavia lam küjah khumlanta akha nguronglah, 11 'Naishih hokna botkhulai akhapki ara dongdü man naishirah namshi khuthana khaüthü tükai. Rüşatmah tsanna tü-tsangshat ronglah, Shükiave Mungtan namshih thona saükitoshe!' nguta congthü ronglah. 12 Rüşatmah Ngi congpha, khapho Ranaitka Shükiaverah Sosom hihtima khoti mangcan phanshih mithu. Rüşatmah krahiti kümahka thümak mirah!"

Kamtsan Tsü Rümmanok Hih Thun

13 Kümah hali Jesuhrah Shükiave bom congma kamvan makti maith hih, celah situlah thun kranok nanga akha nguta nguta, 'O Khorajin celana siti mung maitse! Taironglah namshihma phübtshi cang akhing jaina asi! O Bethseida celhana siti mung maitse! Namshihma pinthum phübtshi cang akhing jaina asi! Ngirah Shükiave ningkunmah maitse vangcang phaci omtin khanva namshih makkina külokang kra Taier nai Sidon cela situlah küna külo haja nangnga, tsangshih ravü lam aphanvan kunshe mirahva. Tsangshih ngraika dükuhlah nguta, tümang mücan mashe Shükiave bom cong küma alamvanvishe miravan. Tsangshih tsüka kliavian raüta Shükiave lam miphanvanva! 14 Khapho Ranati Shükiaverah Taier nai Sidon celana siti thun küma khoti mangcan lamasi midong. Rüşatmah namshihmaka mangcanlam dongmak ahü mirah. 15 O Kaparnahum celana siti mung maitse! Namshihka maitmü phacimah jonglai nguta tümätulan! Rüşatmah rana düvalotman, vamungtan küna khoti mitadiabai. trat!"

16 Kūma hali Jesuhrah Askusetūm kūma tsū congkuhtah: "Namshih bom cong taivan tulahtika Ibom cong taivanma jattūlo. Kūmah namshih lungvūmak rūtūhlaka Ngima man lungvūmak. Namshih shūli tūlahka Ngi shūlima taitūlo. Kūmah Ngi sūli tūlahka Ngi tūkaitivema shūlima taitūlo.

Romashiri Venaika Jangvatah.

17 Romashiri Venai Jesuhrah atūkika pīnthum khorūh shishūh, cojong cisemah Apait phana jangva raūta akha nguta congvatāh, "Tative! jove thun vūta jobaitkai Ommnangmah!" 18 Tsangshih bomka Jesuhrah turetāh, "Ngirah Soitan (Tha) ramungtanmah ralūbli ekha diavan cikang. 19 Ngi congpha taironglah! Ngirah namshihma pau anih nai ciabi kūbse thana man hokmah nivan tūlūcang ningkun phiakuhkang. Cih Are (Tha nguta sitūlah kra man namshihrah lotvanli cang ningkun kuhkang. Namshihka jura man jamkhūla man rūlotmak she mirah. 20 Rūshatmah tha rahnai thupbi thatirah namshih bom taito nguta nacoci rongkih, Namshih mangka ramungtanna āvai thūvishe nguta kra mūve coci ronglah."

Jesuh Cocitah.

21 Kūtakah Jesuh khumna Sūtūlah Vinjika pura ama sitah. Kra ningkhan Apaitka pinthum cocitah. Acoci lammah Apaitrah Shūkiave tūtsam kamtah. "O Ive Shūkiave, ranai hih Rumtive! Ngirah Omnūh pinthum tūshomra tūkang. Omnūrah phaci pinja asap-tima tūchikuhmaū apaū haū thun jamman sapmak jehin noretima tūci kuhlaū. Ive Shūkiave kra tūchi kuhlaūka Omnūrah khusi laūta kuhlaū.

22 "Iverah Ngima phanrap ake kunshe: Aseka juva jurah, man sapsmak, Averahli Aseka juva kra saptülo. Kümah Aveka juva kra sapti juman ahü, Aserali Aveka juva pura saptülo. Kümah Aserah jumava tüchikuhjüh, Aserah tuchikuhtahirahli michi, misapvan."

23 Shükiave tutsam kamlot raütashe, Jesuhka Askusetüm phanüna lürata tsangshih rai bomtah: "Namshihka vüküm ningkhan ara thun ara chitülan! Pinthum coci ronglah kra chitülan krama. 24 Ngi congpha, honiung hokham nai shammi ajong ala nguta sitülahtirah, namshihrah chitülanka chihaijah nguta tsin ngin tülah. Rüşatmah chilumak. Namshihrah jamlaiva taitülanka taihaüjah nguta tsin ngin tülo rüşatmah, tsangshihrah taiumak."

Samariave Manphan.

25 Kütakah Thungtri tülanketi veshirah Jesuh tüshut hajah nguta tüma raüta, Jesuhma ara bom ara vaitah, "Shülangve ngirah jamlai phanva mikülovanha sütülah asak tsitsüka lapvanma?" 26 Jesuhrah türetah, "Sütüla lakna jamkho congtüla? Krav bomtika jamkho taktülaü?" 27 Kraverah türetah, "Omnürah Tati Shükiaveka maitmü tsan among vüta kuh tülümah lungvü tsantsü rüm ronglah, kümah maitmü kongti angu küma maitmü khum omkho shüreng tülan, kütinkhan shüli lü, rorü tsü thü ronglah!" 28 "Omnürah türe tülaü kra rükhahli," nguta Jesuhrah krave bomka türetah, kükha külovanlah, kra haüjala omnürah asak tsitsü milap haü!"

29 Rüşatmah Thungtri tülanketive krarahka apait jihcang lam ahü nüna nguta tüma raüta Jesuhma

hali vaitah, “Rüta juva ngima ephu eno nguta sittulahka?” 30 Apait bom türe lammashé Apaitrah ara manphan ara congkuhtah. “Maitve veshika Jerusalemah Jeriko hih nüna akai rai rütah. Kraveka lamnava dakunokrah apaitka nintah tsat raüta, ajahna jamlai phanva situlahka niahotah. Kümah apaitka nintah tsat raüta makait tübum bait thüraü tsangshihka pinhotah. 31 Jamhongthava rüla, apait jaina tsangve veshihka kra lamhon küjah akai hali catah. Krave krarah Samariave lamna abumraü kra chiraüta apaitka lam künü kümah shübhö raüta apaitka liahotah. 32 Krave jaina kükha hali Levi phanva veshihka hali saüho nongtah. Krave krarah man maitve lamna abumraüka chiraüta alü rüthü raütüli lamkü nü kümah shübho nong raüta liahotah. 33 Rüşatmah kra jaina she Samariave veshih saühotah. Kraverah maitveka lamna abumraüka chiraüta sinha atsan' mongna apaitma amang can tsitah. 34 Raüta apaitrah kraveka hanna ami atsi thun küjah telmah nai cetsaimah ahiavih niatkuh raüta she apait kumrang kaü raikhü küjah tünga raüta, vanve japchang jam küjah shiavan raüta, shüli lüvantah. 35 Anapmüshe apaitra japchang congtime küma kampho kelammah akha nguta congtahtah, ‘Arave ara shüli lülah jo. Apait mütu omnürah omcüva mikhorosha haü kra ngirah ana janvan tükang ranaittih omnüma micatkuhkang,’ nguta congthü raü apaitka kihotah. 36 Kra congkuh raütüshe Jesuhrah akha nguta bom tüsubtah, “Omntsanmah kra vetsam küva omrütiva kra dakurah abuk ratthüve küma tati seno ekha jaraüta apait shülitah?” 37 Thungtri tülanketive krarah she türetah, “Apaitma lungvü tsantsü asitiveka apaitma taniangma jatülo.” Kra ngukatashe

Jesuhrah türetah, "Ikhüla omnü man valah, laüta kraverah külotah kükhasü külovanlah."

Jesuh Martha Nai Merih Jamna Vatah

38 Jesuh nai Askusetümka lamna avarai. Tsangshih valamna mait hih ashih küjahshe saühotah. Kra hih küjah siti jecak niungshih mangka Martha nguta krarah Jesuh nai Askusetümka apait jam küjah düvan ronglah nguta hiakitah. 39 Apaitma ano niungshih mangka Merih. Merihka Jesuh saüva küta Tative jicong küjah ngashatmah Apait bomcong tai nguta ngashat ngatah. 40 Kra chiraüta Merihka phanrap jam jahshamcangka pahia ningkhan Jesuh phana kiraüta akha nguta tübottah, "Tative, enorah ngi rai jasham romdammak kra chimaü shia? Phanrap phanrü ngirah shamcang süsah! Apait ngi rai jasham damlah nguta congkuhlah!" 41 Tativerah she Martha bomka türetah, "Martha! omnüka phantap mütu kai tüma tsütsa rai tüläü. Omnürah phanshih külocang kra ruveka lah bait laü. Martharahka kra congkang rükhali lamka külo tülo. Kra külo tülah kra jurah man apait jahva niaho-makshe mirah."

Acujaü Lamna Jesuh Bomcong

11 Jangshih Jesuhka bashihrahna mah acü jaüria rütah. Apait acu jaülot jaishe Askusetüm küva veshih-rah Apaitma congta, "Tative! Johanrah askusetümma acujaü tülangkuhtah kükha naishih müri tülangkuhlah." 2 Kra ngukahta Jesuhrah tsangshihma congkuhtah' "Acujaüka akha jaü ronglah:

'Ramungtanna siti Nave,
Sütülah Ommangka vütarürah omlanglah,
Ommungtanka ana'mikilah,

3 Naishihma ranait avia ranag raji
khoraki ratūlahka kuhshat rūlah.

4 Naishih ngrai adūrūkuhlah,
Naishihrah man jurava naishihma shutphit
tūlahti mra tsana tūtsangmai.
Kūmah naishihrah tanglot maicang nahmai
taikih.'''

5 Kra tūlang kuhlot raütashe Askusetüm nang
nguta, ''Bomshton namtsam phongva veshirah maitmü
kongti veshih jamna ravana kilanta kongtive kra jahva,
'Ngima vong phanshi tūnam kuhla, 6 Nigma tü-niang
veshah vanhah lammah saüvato. Ngi jahna apaitma
tashong kechang vong ahü!' 7 Bomshton namphu nove
krarah tapmongmah mitüre, 'Ngi nahpahlah rong
vathung vajaü! Rongkhu kilü man vüta ashavi süsah!
Nung ano man akon kaivishe! Ngi tūdolot mang!'
8 Rūshatmah anūmah kükhalı nguraüjah man atsanrah
ninglotmak ningkhan maitmü kongtima mangcanma
tūdo kiraüta namshihrah jaülan, omcüva ratūlahka vuta
mikhki, Kūmah namshihrah man küjah kilam cong
kūmah capsahmah jaüruh jaüruh jaüma man jiasi man
mirahan. 9 Kūma müren sü namshihrah jaü ronglah,
hanjala milap han; Rid ronglah, hanjala mihum han;
Kilü küjah buk ronglah, hanjala kilüka namshihma
midikuh. 10 Jamningkhanvan ngukala jurava jaütüla
kratithun vūtarūrah milapvan. Rid tūlahtirah mihumvan,
kūmah kilüna buk vantūlahtima kilüka midikuh. 11
Namshihrah man shia namserah ngih jaü raüjah paü
mikhhan? 12 Kūmah namsema camvat kaü shia
mikh han apaitrah vutai jaüraujah? 13 Namshihka
abi, ngrai mait nguta sitūlan rūshatmah sintūla namse-
tümma phanrap ahia avake saptūlan, kra rana siti

Shükiaverahka namshihma omtingkanva mikuh namshihrah Sütulah Vinjika jaühanja?"

Jesuh Nai Beljebul

14 Jesuhrahka jove maitve veshih düna aromvan, kraveka aboman lotmak nütang ekha sitüh kraveka jobaitria. Joveka kaihojai she atsitiveka ahiavih she abum asa she rütah. Kra chiti mait omcüva situlahka kra chiraüta kai vangtah. 15 Rüşatmah vüjamtirah she Jesuh nangnga nguta, "Ara Beljebul, jove vütarü thahna ajong pinthumve krarah apaitma ningkun tat raüta tujobait tülo," nguta rücongshitah. 16 Küma vüjamtirahka Jesuhka tüshutma ngutamah Shükiave ningkunka Apait khumna asi kra mütu hakhi rüna avangcang phan külora nguta thaütah. 17 Rüşatmah Jesuhrah tsangshih tsan amongna tsü situlahka sapshat ningkhan she tsangshih bom türetah, "Mait mung nguta situlah küva omra mungva mung rümti velabi thunka rammakmah sitüla, maitmü velala nguta tükhou raüta situlah, raüta tsangshih nai tsangshih lüpanna tatsu vüni rütulahka apaka tsingmak. Kükna hali juta jamnava taphia kitulah krati jamtika tapin kitulah.

18 Küma müren Soitan jahtakihna siti thun apait sengi lüpanna rammak rükhat raüjahka Soitan hokhamka athen mirah rümak shia? Namshihrah Ngi nangnga Beljebulrah ningkun tatraüta jove thunka jobait tükang ngutulan. 19-20 Ngirah Beljebul ningkunmah dia jove jobait tükang jüka namshih jai phantibirahka jobaitmak jamto? Namshih jaiphantibirah jobaitlotmak krarahli kata hakhi kuhtulahka namshih ajih tüma tülan kra hakhi heshap situlah! Ngirahka Shükiva ningkunmah jove jobait tükang. Kra jobait

tükang kra ningkun kra namshihma Shtükiave Mung-tan saükitoshe nguta tüchike lam nüna hakhi heshap sitülo.

21 "Ningkun ahongtirah ajamka vüku vülimah kheshat khetülahnaka ahuk asamka ahia misi. 22 Rüşatmah krave küma ahong veshih varaüta paitka tsatva raüta tanghau jala kinphaiva vatahlahve krarah krave jamna ta avü omcuva sitülahka thümhi raüta mikiho. 23 "Juva Ngi rai pongmak kratika Ngima vesang ekha jatülo. Juva Ngi khürum makmah rücomtühaka avan baitria mali jatülo."

Thaka Jaina Jangnongtüh.

24 "Thaka mait düva ahina kiho raüjala kra thaka mung ahina khumsha khummah acap anga cang rid-kitüh, Kra hih küjah asi cang hummak raüjala, thaka apait nai apait tübot tüh, 'Ai ngilai! Ngi sicang cünali mijang van nongha. Ara hih ajah asi cang ahü arajava!' 25 Kra tüma tüh krai müren sicü cang küjah jangva nongtüh. Jangva raüta jamka sürai rai hai ahaivih michiva. 26 Kra raüjala kra thachüveka ahinnä kiraüta apait thahna abi akongti vemashi mishia kinong. Kra vemashihka shiavan raüta she sitüh kraveka ahamah ahialiva jahman naolah müshe mija arücongkai cang ahushe mirah."

Rükhahli Cocilam.

27 Jesuh bomka tairaüta jecak niung shirah mait phong mongmah türetah, "Omnüh cüti Omniungka jüva rüta, kra niung küma pinthum kaoraüta coci khorüh canglam sitülo!" 28 Kra niung bomka tüpatsah Jesuhrah türetah, "Shükiave tsütsa tairaüta tsanna shahvan tülümah langvan tulahti kramaka kra thahna apa coci khorüh canglam sitülo!"

Vangcang külora.

29 Apait türona mait pahia rütam tülah küma Jesuhrah congta: "Omcaü patva mait sitülah ara abit. Tsangshihrah Shükivarah atükidia nguta man heshap Ngijahva vangcang külora nguta jaütülo. Rüshatma tsangshihma manka Jonahrah tüchikuhtah krali mitüchikuh. Jonahrah tüchikuhtah kra manka tülia raüta man ahin omtükah jahman tüchikuhmak mirah. 30 Jonahka Nineva mungna Shükiave man heshap kra mungna kitah kükha Maitse nguta kai kra man omcaüpatva mait sitülah arama Shükiave maan heshap mijah. 31 Khapho Akhing Ranait, hihjinüvaka mung maitse manna cap raüta omcaüpatva mait sitülah ara hihmai tüsubna siti hokham niung kra cap raüta omcaü patva mait ara mishra. Jamningkhanva ngukala, apaitka Solomon jahva phaci kranva nguta ratho komah Solomon phana vatah. Rüshatmah omcaü arajah namshih thona Solomon namma man ajong veshih sitülah. 32 Kümah müren hali Nineva mungna siti mung maitserah man omcaü patva sitülah aratima kükah ranati mishara. Jamingkhanva ngukah jala Jona bom congma Ninevana siti mung maitse vütarürah ngrai lamka baithü raüta Shükiave lamphan vantah. Rüshatmah omcaü arajah Jona namma ajong veshih sitülo."

Khum Mütu Vanü.

33 "Lempka tülü raüta jurahman vanüka van-khümahka pangmak. Kümah lempka chichü phumah man tangmak lemplüka. Lempka tebul thana mito, kümah lempli krarah jamka pura michai. 34 Namshih mak rümtülanka namshih khum krama lemp khan thek tülo. Namshih mak kra pura ahia, khang rürü müla siräüla namshih khum küman valüline misi.

35 Kūmah namshih makka abi, amū rūki raūjala, namshih khumak raniah mongna mirah. 36 Kra ningkhan tsanna tūtsang shatmah sironglah, namshih khumna lemplū litaūlahka nūtamabait rongkih. Namshih khumka pura valūlina thū ronglah. Bashiman raniahna nahthū rongkihma pura valūlina thūhan jala ali lishat mirah. Lemplū li omkho litūla kūkha pura namshih khumk valūli khan mili."

Jesuhrah Phorisinok Nai Thungtri Tūlangketinok Shūratah.

37 Jesuhrah bom congke lotjaishe Phoritive veshirah Jesuhka apait jamna dung tūsiava nguta hiavantah. Jesuhka apait rai vadam raūta tsangshih jamna dungsia ngutashe ngatah. 38 Phoritiveka Jesuhrah ajah hehūmah dungsiaaka chiraūta avang rai rūtah. 39 Kra chiraūta Tativerah she Phoritiveka sonfah: "Phorisinok namshihrahka khu akhap, kok alahka akū thunka sūrai hetūlan. Rūshatmah namshih mongjūnaka niadok akhih abi maitma tsū aniah thū tūlan. 40 Namshih ara ngamphan jammna sapman.' Shūkiaverahka rakhūtsirili shia kūlo kuhtah, amongvaka kūlo kuhmak dia shia rūta? 41 Namshih tak apinna omcuva sitūlahka camcao maitse kūma phiakuh rongla. Raūla tūlotli phanrap angu thunka asū sūrai she mirah namshihma.

42 "Phorisinok namshihrah abi thahna man bitūlū phanrap lamna kūlo tūlan. Kra ningkhan namshihma phūbtsicang sitūlo! Namshihrah jūrai lūrai juca jah kūvaka pura arohkhuva lam thūtūlan. Rūshatmah mung maitsema pattub lamka omkha kūlo van cangvaka sapman. Shūkiavema manto manmah sitūlan. Shūkiavema shūreng van tsū ahū namshih

rümman. Kra rüveka akhek pinthum rüshatmah rengma shütaiman rütülan.

43 “Phorisinok namshihma phubtsi cang sitülo! Namshihka Senagog küjah aki aküm ngacang sü rid tülän. Kümah bojat tangtüläh küjah maitrah vütarüräh shüreng räjjala nguta ridtülän. 44 Namshihma phübtsi cang sitülo! Namshih mait phati phusu ekha mait asangmah phalicang kha suram tülän kra ningkhan,”

45 Jesuh bomka tairaüta Thungtri tülängketive veshirah Jesuh bom türetah, “Shülangve omcaü omnürüh nguta laüka naishima man shümmü bom bomtüläü!” 46 Kra ngukata Jesuhrah she türetah “Thungtri tülängketibi! Namshihma phübtsi cang sitülo! Namshihrah mung maitse jamsap makti krama tanglot makcang, langvan lotmak cang thungtrimah tüpat tülän Rüsahatmah maitmürähka hodam man mung maitse rai. Namshihrahka langdamman. 47 Namshihma phubtsi cang sitülo. ‘Namshihrahka namti namvirah atsatbait Shükiaverah ataki shammibi thun makhou kra thahna tsangshih räükhu thun hai tülän. 48 Namti namvirah kra mait tsat tükah namshihrah omcaü maitmüräh chitülän nai shamtülän. Tsangshihrah shammibi thunka tsatbaitah, kümah namshihrah tsangshih makhou thahna tsangshih räükhu thunka haitülän. 49 Kra ningkhan Shükiave phaci lakna congütüläh, ‘Ngirah shammibi nai tsütsa congti mitükiha; Tsangshihrah vüjamka atsia mirabait kümah vüjamka kai mitücamcao.’ 50 Kra ningkhan omcaü patva mait sitülähbi ara Shükiaverah kai mitücamcao, shammibi thun omsühmah, ranai hih dongphamah rüta omcaüna säüli tsattah kra ningkhan. 51 Abel nai Jekeriaka Shükiave jamna sü tsatbaitah. Kra ningkhan

Ngi congpha ara omcaü patva mait thun vüta camcao michi kra tülötlí shammibi atsatbait kra khaka ningkhan!

52 “Thungtri tülángketibi! Namshihma phubtsi cang sitülo! Namshihrah phaci sapvan cang lam kilü dicang sapi namshihrah apaü rütülan. Namshih maitmü vaman nguta nanok ahinti valai nguta vatülahtika man namshihrah vüta shang bait tulan!”

53 Jesuhrah kra conglot raütashe ahinna she tüzín hojaishe Thungtari tüláng ketibi nai Phorisinokrah Apaitma akhih arih bom atai cangman rümmak waitah. 54 Tsangshihrah angan atu wie raüta Apaitka tashut raüta alapma nguta she Apait tashut lam she itah.

Rakhü Tsirimah Hia.

12 Mait pahia pahia hokmah rani rani, rütsap rai wanka chiraüta Jesuhrah Askuseytümma tsülam shat ronglah nguta congkutah, “Phorisinok küma tahai shatmah, honlam shatmah sironglah. Namshih nüta lao rongkih. Tsangshih rakhü tsirina tsü thütalahka abi. 2 Maitrah chimak makna akülo apang rabait talah küman atalin miraki. Phanrap ahukmah akülo thonka pura nammakinah michihan. 3 Raniah mongmah jamiawa racongütánka ranaitna wütarürah chishat taishatna midongki. Mait nikina ahukmah tamongmah, kilümah tüşshah lanta recong talanka vukhu pongmah capraüta rüm raütashe micong.”

Juma Haicangwa?

4 Jesuhrah congta, “Ephu Enottüm, Ngi bom samhia tütsang taironglah! Han ngam tsiati kümaka nahai rongkih. Han ngam tsiabait jaika jamkhüla man

rülotmakshe. 5 Ngi congpha juma haicangva. Namshihka han ngam tsia baotjaiva mungtanna tüdia baitli cang ningkun rümtive Shükiave küma hai ronglah. Apaitma hai cangli sitülo!

6 “Poisa anaimah vuraicahsetüm bangi laptalan rümak shia? Rüshatmah Shükiaverahka kra jamtaicang rümak vushisetüm küdia man lüshat lütalo. 7 Kümah kükha hali namshih khuva khulo loshi küman vüta Shükiaverah viaje sitalo. Kra ningkhan nahai rongkih. Namshihka voraicahsetüm kra thahna kau raüta ara sitülan!”

Jesuh Kristo Salohti Nai Atarotti.

8 Jesuhrah nguta, “Ngi congpha: Jurava mung maitse manna apaitka Ngi jai phanvanti nguta tantanmah Ngi jai phanvantalah, kratika Mait Serah man rasetüm manna ara Ngi jai phantive nguta micongkuh. 9 Kümah kükha hali, jurava mung maitse manna Mait Se nguta ngutalahka ngi sapmang nguta ngutalah, kratika Mait Serah man rasetüm manna apait juva Ngi sapmang nguta minggu.

10 “Jurava Mait Se küma abi ati bombi kistü kuhtüla, kratimaka mra dükelam nguta asi mirah. Rüshatmah jurava Sütülah Vinji küma bombi bomtula, kratimaka mra düke thungka ahüshe. 11 Namshihka maitrah omtükah ranaitva Senagog phovebi manna, kümah lat sahüb nai ajong ala ngutülah kra manna rapho e nguta hitvan raüjah man jamkho ngi khumka mitüchüha nguta nacapa rongkih. 12 Küta kah Sütülah Vinjarah namshihma mait bom jamkha türe cangva kütakah atülang mirahkuh.”

Angi Chütheve Manphan.

13 Mait phong mong küva veshirah Jesuhma

congtaħ' "shūlangve, enomah congkuhlah naiverah tsū aniam nai nai rū abaithū kūva ngi rū miphia kuhlah." 14 Kra ngukata Jesuhrah türetah, "Maitve Ngima amingka juro sengkuhta nam nai siphu lüpanna ajih nai alam khaka phoke matu?" nguta Jesuhra türetah. 15 Ara thah küjah tapatsah she hali vütarü nikina she cong nongtah, "Phanrapma tsüh aniamna, sükha tsū nai ransu tsū nahrüm rongkih. Maitse rilunk nguta sitūlahka apait jahna tsüh aniam omcuva thütūlah kūma thapcangka rümak. Omtin khan cūthe maitse jaman tsüh manu kraka maitmü müsah khanka rümak. 16 Kra bom jaishe Apaitrah ara manphan ra tsangshihma congkuhtah, "Cūtheve veshirah avakva tsam pahia pahia laptah. 17 Kraveka apait tsan mongna tsam laptah kūma cocima tūmatah, "Etsam mana tūbna man binmakshe! Jamkhüva miraha nia? 18 Ai! Ngirah phanshi phaci mipphoha; tūbcūka asüh mirah baitha. Lata tūbnieshe mihaiha. Kra tūbnie küjahtih tsam nai tsüh-aniam ahinka mithü damha. 19 Kra lotlata küla khukna jathammah atatap lammah minguha, 'Ai lakü manhiave! Omnahma ratūlahphan, phanrap ahia ava süsah pahiashe laplaü. Kra müli ravü pahia mikham haü. Jasham hūmah misih haü. Nahcam caokih jasham! Ngashatmah camtrah, ceniang dungsia she peo silah!' 20 Kra tai raütashe Shūkiaverah apaitma ngutah, "Angive! athi raveli ommasahka mithom ngoka sap phah maü kūmah. Ommüsahka thom kaijai ara tsam nai tsüh aniam thon, omnah tüpong pūma nguta thūlaūka jurashele milap?' 21 Ara congtaħang akhüli tūna mokitalah cūthe nguta tsüh aniam maitmü tapong pūma rümtalahtika. Tsangshihka cūthe nguraü

Shükiave makiünaka cüthe rümak," nguta Jesuhra congkuhtah.

Shükiavema Kamronglah.

22 Kra congjaishe Jesuhrah Askusetüm küma congtañ : " Ara ningkhan tüna Ngirah namshih nangnga tsitsü tracümcang vokpo raviaka nahcap rongkih. Kümah namshih düna samcang khu akhia matu man nahtüma rongkih. 23 Müsahka dungjada kra namma atsin ara. Kümah maitmü khumka khu akhia kra namma ara. 24 Rumna sitülah khalaka lümanta. Tsangshih jahmah petsi vihtsam jamlai phan man chijangmak. Tsamjut tsamhan nguta mün ahü. Tsangshih tsamtüb mün ahü. Rüshatmah Shükiaverah tüphah sihtülah. Namshihka khala kra namma ara Shükiavema! Namtsam phongva omrütiva congütükangtümka müiu ranap raji tüma shatmah omcuvava misihan? 26 Akhanok ralangse mütu küman sap phahlotman cangsheka laihin mütuka jamtüma phahsiava? 27 Rumna pepü thunka ümkho camtüla kra lümanta : Tsangshihrahka jahman shammak. Maitmürah sam mütu khuakhia man tahmak. Rüshatmah Ngi congpha! Solomonka wütarü thahna cüthe pinthum nguta sitah rüshatmah akhuakhia apait mürü thunka ara rumna camtulah pepü ashi tsom tülah khanka tsomak rütah. Krai thicang rümak. Rumva pepüka apait khia namma ahia. 28 Rumna sangphüka Shükiaverah tacamtalah rümakshia? Rumva sangphü rüka omcaü asi anapka ahüshe, atsai kai vishe mirah. Shinkitulah krai müren sanghphü thunka vana micahbait. Apaitrah kütinkhan külo tülahka namshih mütu tihshia khia kuhmak mirah? Poimakmah mikuh rümakshia? Namkam namshamka ranhiase shia? 29 Kra

ningkhan vok mütuka vüranait nahcapa rongkih. 30 (Raniah maitse nguta sitülah krati thun kilitüna congukai thunka mütu ranait rava capatülah.) Namverah kra thun ara namshihma ratülo nguta man sapshat. 31 Kra ningkhan Apait Mungtan mütuli tüma ronglah. Kra rühanjala Apaitrah ara thunka namshihma pura mikuh."

Ramungtanna Cüthe

32 "Nahai rongkih namshih atsapse jaman! Namveka namshihrah Apait Mungtanka namshihma kema nguta lüshat. 33 Namshih huk asam thunka vuta shalanta krari kamphoka camcao maitsetüm küma kran kuhronglah. Namshih maitmü mütuka tsüh aniam thenkimakcang kumah tüpao ronglah. Namshih tsüh aniamka ramungtanna thüronglah. Küjah thütülan kükvaka akhoikai ngutaka ahushe. Ahuk arot ngutaman ahü! Ahuk arotirahma hukva lotmak mirah. Chürah man phahmak mirah. 34 Namshih tsan tsüka man namshih tsüh ombano thütülan küjah misi "

Atijongveva Kheshati

35-36 "Mürü samshatmah lemp tülülanta kheshat ronglah. Namtijongve ceniang tsamsia rünia akiho saüva jashibirah khetalah ikha. Atijongve saüva raüta kilü dironglah nguta bomvan küjah tsanshihka kiraüta kilüka midikuhkih. 37 Atijongverah asam lovantülahtitüm küma khorüh canglam sitülo! Atijongve krarah tsangshihka atünga raütashe tsangshihka mishüli. 38 Atijongveka rava thungna nai ravukunashe saüva raüja man Apaitva kheshat ngatalah krati krama kai ongto ngocang sitülo. 39 Tsanna tatsang ronglah! Ahuk aroti saüva akhing asap gnuraüka ajam küjah ahuk arotika niapva lotmak mira. 40 Namshih man

kheshat tüje jemah sironglah. Jamningkhanva ngukajala Mait Seka namshihrah akhing misaüshah nguta sitülan kralüpanna misaüki."

Maitshah Nai Maitkhü Jashibi

41 Petrusrah Jesuh bomka türetah, "Tative, ara manphan conglaü ara naishih mütu shia vütarü mütuva congüläü," 42 Tativerah türetah, "Juva maitsha, maitbom tüliamakmah sitüla, kümah phaci pinja asap nguta sitülah krati küma atijongverah apait tatimu, maithihna kihotülahshon krave küma apait jamka mitakhethü. Kümah ajashih abithunka apitjah takihna mithüthü. Phah asia pura phanrap mraka apait jahna mikhuthü. 43 Kraveka atijongverah maithihmah jangvatülah kütükah apaitrah congthütah kra phanrap jahsham kaiva pura chiva räüjahka atijongve apaitma kai mikhuhrüh. 44 Atijonverah apitka apait (atijonve) tsüh aniam thun tülotlika apait jahtakinashé mitürüm. 45 Rashatmah kraveka atinjonve kaija, 'Hai! itijonve mait hihna pahia sikai kihoto' nguta tüma räüta apaitjah takihna ajashi abitithun sitülah krabika avung atia rüho. Kümah apait ceniang dungsia camtramah. 46 Cerala phe jashibi nai jecak nose thunka avung atia ngulit sitülah lüpan atijongveka alo saümak angu lüpan saüva räüjah atijongverah apaitka jamah bunlak chumräüta mitüjobait, apait bom taimak jashih ahinti rai adammah. 47 Atijonverah jamlai shamlah nguta acongthüva, maitmü jahsham lamka sapshat taümah jashammakmah hai sitülahtika atijonverah sintsangmah ninta mitsat. 48 Rüşatmah omrativevah atijonverah apaitma jamlai atashamthüvaka sapmak ningkhan haisih räüjahla, krativeka phanshih akomlinli mo miho. Omratimava phanrap apa kuhthütah kratirahka moman

apa miho. Kümah jumava apa pinthum kuhthütah krativerahka pinthum mo ajong mih."

Jesuhka Mait Tükhuti.

49 "Ngi ara mung kang hih arajahva cahkai kikang. Omcaü lüjamshe nguraüjah ahia nguta tümatakang! 50 Ngirah Baptistma lamcang dia asi. Kra baptistma lakshih lam akhingga miliavanshah vüvü, Ngi kai camcao, tümashatli sitükang. 51 Namshihka Nginang mung kang hihna mung kang tatsing kai kito ngutashia tümatülan? Taironglah! Ngi mung kang tatsing kai rammak, mung kang traphiakai kikang. 52 Omcaü amahphat sinah jamshina mait bangi sitülah küva anaika atsam küma vesangma mija. 53 Asetümka asetüm rai vesangma mija. Asetümka avetüm rai vesangma miraja. Aniungka kükhahali ase jecaksetum omcuva sitülah kra rai rammak mirah. Asetümka aniung rai rammak mirah. Aniechitümka tsangnam niungtüm krai maklümah rüshushat mirah."

Akhing Sapvancang.

54 Kramahali Jesuhrah mait phong tütülah kününa lüraüta nguta, " Namshihra sheniap nüna rana phum cihan jalah, 'Ramijun'ngutülan rümakshia? Kra ngutülan küma maren nguhiadia rajuntülah. 55 Kümah kükhahali, 'Hihmai nüma rahai varaüjala namshihrah, 'Ramilam' ngutlan küma müren nguha dia ralamtalah. 56 Nmashih agninok! phanrap tahonja tsintülan küli! Namshihrah ranai hihka lülanta rajun ramai tho taklottülan rüshatmah, omcaü namshihpat akihng ara ahia shia abiva, ara akhingrah namshiha jamlaiva congkuhtüla kra saplotmanka jamkho rüto?"

Tsan Rübishat Sitülanti Rai Aram Ronglah.

57 "Maitmüma ahia lam külovan lampa heshap

amnka jamkha rüto? 58 Maitrah namshihma thuntari lamna rükhali tengtulah khakuh raüjala krave krai jalomah ram ronglah, Apaitrai kongkhu rammanla rühan jala, kraverah namshihka rungna mishiaho. Raüta phovebi jahna mikuhbait. Phovebirah she policema mikuh. Pulisrah namshihka phatekna she mishah. 59 Khatagnlanka pura poisa ashi baki tücong-mamah pura tülotli jangkuh hanjatih pulosrah namshihka phatekva mitüdong nong."

Tsü Külaironglah, Tsü Külaiman Jüla Atsai Mirahan.

13 Küta küsü mait vüjamtirah Jesuhma Pailotrah Galili hihti nok nokucongna Shükiavema alükekai aki tsatbaito nguta congta. 2 Kra congküta Jesuhrah türetah: "Gelili hihtivetümka anak ahintinamma ngrai apa külo raüta Pailotrah tatsato nguta shia tümatülan? 3 Ngrai acanka homak tsanghirah! Ahinti küman tsangshih kükhasü! Ngi congpha taironglah, 'Nam tsüka külai man wüwü namshih wütarüka tsangshih jaina süli mikihohan. 4 Kuma silom hih-nüva jamrah patraüta mait roshihri vetücat tsaitah kraha? Tsangshihka Jerusalemna mait omcuva situlah kra thun kra namma ngrai acan horaüta tsaito nguta shia tümatülan? 5 Kükhaka rümmak. Namshih man namshih ngrai tsüka külai van manmah sihan jüla kra titüm jaina süsah mikihohan."

Tsihüma Phummubcong Manphan.

6 Kra conglot raütüshe Jesuhrah ara manphanka tsangshihma congkuhtah: "Maitve veshihrah apait Vain nguta petsi 'phanshi kra, tsiro mongna phummubcong ashi lithütah. Petsiro congtimeka jangshih petsiro küjah phummubtsi asi shia ahüva nguta lükai kitah. Rüşatmah phummub congna atsi poshiman

ahü. 7 Atsi ahürükattishey petstiro khetive küma congta, 'Lülah ngi omcaü wütsamshe ara phummub congtsi pankai nguta kittükang rüshatmah wüshihman ara congtsi cimang. Ara tsihü congka jamhih tühammo! Adahlishe rübaitlah. 8 Rüshatmah petsi khetiverah ngutah, 'Omcaü rawü wüshi ningkhanna nahtadah baitkih. Apait sisi misilah. Ngirah acongji türoküjah khamkaicang hihtih mithukang. Lata küjah hihtü püchang tsihtih miphongkang. 9 Kükha shüli lüjai, tsikuh raüjaka ahia. Kumah ravüman tsikuhmak jüka omkhususimashe tüdiabaitlah."

Jesuhra Aküniung Sabbathna Tühiatah.

10 Ranaitshi Sabath ranait Jesuhka Senagog kujah nokvema trakhoukeria. 11 Kütakah jecak niungshihka atsirah araiman akutkaivishe. Kra niung dünaka thabi shangva raüta achümah akong araki. Kra niungka atsi würoshiri wütücatshe camcaotah. 12 Kra niungka chiraüta Jesuhrah apait nangnga ngutah, "Maitniung! omthatsika omcaü amah sinha ahiashe mirahki!" 13 Anümah abom lammah Apaitrah kra niung hanna shamta. Rükata kra niungka tülüsahii raüta captah. Kra atsi hiaki küta apaitrah Shükiave kai tashomratah. 14 Senagogka lüti sahüveka Jesuhrah Sabath ranait tahiato nguta akhia arih. Atsan khihtsima she apaitka capraüta mait anguthun küma congta, "Cepatshiva ratürok lüpan küjah kironglah jahsham kaiva külo ronglah. Küma müren ratürok lüpan küjah kironglah ajah maitmü thub atha atsi asih tühiakai jaman. Sabath ranaitka atsi tühiaman maimak!" 15 Krave bomka tairaüta Tativerahshe türetah, "Nmashih joksau lüse! Tahonmüja tsintülan küli! Namshihrah manshia maitmü jamva niamseka

Sabath ranaitna khuakham omnianglah nguta aban arah han athüchang küva dübaitman rütülan? Adü raholanta khamcumva kham tüniang kitülan rümmakshia? 16 Omcaü arajah capraü Abrahamse maitniung tharah würoshihri wütücat kharümah akha arahthüka nangtihshia Sabath raniat nahdübait rongkih nguta ngutülan? 17 Apait bom küma Apait ngentinok thunka kai küjahtah. Kümah mait ahinti thunka tarürah Jesuhrah wangcang khan tha tühiatah küma cocl kai khurütah.

Jucalai Manphan.

18 Kümahali Jesuhrah tsangshihma waitah, "Shükiave Mungtanka jamkhüva sitülaka jamlaimo mithi? 19 Jucalaimah thicangli dongtülo. Jucalaika maitrah vakjamna vanraüla acam mirah. Acamka jongkihraüla aküako küjah vushirüman acü miahai."

Pi Manphan.

20 Kümahali Apaitrah ara pi manphan ara cong-tah: "Shükiave Mungtanka jamlaimo mithi nam? 21 Ramungtan ngutakangka jecakrerah pida ralangse tabunraüta vongvin krai trashotüla ikha. Pi cuvon-setüm karah vongvinka tüja raüta tüvütülah ikhamah shütonvan cangli sitülo!"

Kilü Atsase.

22 Jesuhrah Jerusalamana kailammah khumsha khumah maithih hijong hiran vüta maithihshong anguthun küjah vütana vühvatahr 23 Apaitma mait ashirah waitah, "Shükiave asak tsitsüka atsap korali-shia milapvan?" 24 Kra tairäta Jesuhrah türetah: "Kilü atsase kümah jammongna vahaijala nguta kai shücahvan ronglah. Kra lam kümah valai nguta mait

pahiarah mimanhü. Rüşatmah apako valotmak mirah. Jammongna saüli valotmak mirah.

25 “Jamningkhanva valotmak mirah ngükajala jamcongtiverah tadoki raüta kilüka ashahshe mirabaitkih. Kra shaait raüla namshihka kinphaina caplanta kilüküjah mibukhan, ‘Tative naishihma kilü dikuhkihl’ nguta misühan. Kütakah jammongmah jamcongtiverah namshih bom mitüre, ‘Namshih ombava avahanva ngi sapmang’ nguta mingu! 26 Apait bom türe namshihrahka ‘Nashih adamna phashi siashiti ahata sapmaushia? Omnürah nashih hihnamah trakhokuh laü ihata!’ 27 Apaitrah namshih bomka mitürenong, ‘Namshih omrabative Ngi sapmang.’ Kironglah ahinna! Ngi thona navarong! Namshih abaiti küloti! 28 Namshihka kinphaina ajobaitratva, kinphai kümah Abraham, Aisak, Jakub nai shammibika Shükiave Mungtanna ngarahka cilanta kinphaima namrong namvika tucakcotvalah aho asü, vügi vüsüshe misihan! Micamcaohan; 29 Shedong sheniap, küma hihkhu hihmaiva mait miva; varaüta Shükiave Mungtanna Apait capngacang thona misi ngavandam. 30 Kütakah omcaü juva kongkhuna angotika jaina mirah. Kümah jaina angotika kongkhuna mijavan.”

Jerusalamma Jesuh Rorütsü

31 Kütakahsü Phorisinok kiraüta Jesuhma congkitah, “Omnüh ahinna tüjin tülolah. Herod Rajajrah Omnah atsiama nguta tantülo.” 32 Tsangshih bom türeshe Jesuhrah ngutah, “Varonglah! namshih kra mükakoi kaü küma congva rongkih: ‘Ngirah thubbi thati thun, tsak amü vüta jobaitvantükang! Atsi asiti vüta tühiakevan Ijahshamka jalolishe milotvanha. 33 Ijahshamka athumvan sheli jaman jamlai külovan cangvaka omcaü jaman anapnai shinap

jaman vavantükang nü küna varuh miraha! Shammi maitsheshe nguta sitükaika hih ahinna tsaika sapmak, Jerusalem küjahtih tsai thuktülo.

34 "O Jerusalem! O Jerusalem! Omnarah Shükiaverah ataki shammibithun vüta tsatbailaü. Shükiave tsütsa congkaitithun vüta longmah tübaitlaü! Ngirah omtinkhanva Jerusalemna mait omcuva sitülahka Ijahkhon mongna vukaürah asetüm arakongmah pangtulah ikha pangma nguta capatükang! Rüshatmah omnarah Ijah tsangshih khuthanan tüthümaü ralaü!

35 Omcauka omjam omvak küman vütashe mitasüki! Vüta athen mirahki! Akhing Ranaitka saühomak vüvü omnarah Ngiman cilumatüshe mirahaü. Kütaka Ranait omnarah, "Tati Shükiave mangma kitülahti küma Shükiaverah mishüman kuhlöh nguta minguhan."

Jesuhrah Atsitive Tühiatah

14 Ranaitshi, Sabath ranait Jesuhka Phoriseve shülangve veshih jam küjah dungsjava nguta vatah. Tsangshihrahka Jesuh tümeshika shürira tütsang lüshat rütah. **2** Kütakah mativive veshihka atsi, ahok ajah acang, ajongveka Jesuh phanan kitah. **3** Kraveka chirütashe Jesuhrah Thungtari tülangketinok nai Phorisinok küma vaitah, "Nathung türimah Sabath ranait atsi asiti tühia maitulah shia maimakva?" **4** Rüshatmah tsangshihka Jesuh bom türecang hummak rüta kaishaklishe ngakitah. Tsangshih bommak rükatüshe Apaitrah atsitiveka tahiakuh raütashe tüvabaitah. **5** Krave tsika tühialot raütüshe Apaitrah vaitah, "Namshih saü ase shia namshih chechi minsäüva Sabath ranaitna khappong mongna diava raüjah, khappong mongva dokiman shai mirahhan?" **6** Kra ngukütaman Apait bomka juraman türelotmak rütah.

Mait Shülilü Nai Tüsaitshat Tsü

7 Phorisive jamna dugsiava vata krabi küva vüjamrah ngacang ahia hiaka tisa raüta ngaka chiraüta Jesuhrah ara man phan tsangshih vütarü nikina phankuhtah, 8 "Maittrah namshihka matlam ceyniang ngamphah ranait tühiakaphan jalah ngacang ahiahia kajaka nahanga rongkih. Namshih namma shülang ajong alahma ngata athü cajüh. 9 Shülang ajongka saükiraüjanla namshih hiati jamcongtime krarah namshih nangnga, 'Ahinna ngalah, ara shülangbi ngacang nguta mingu. Kra raüjalah mung phongna küjah mingaühan; ngacang ahinan, nokve ahintirai ngakaia-cang midong. 10 Kra küjah lamnamma khoti vepuh vesebi ngacang küjah ngaronglah. Küva atative varaütatih, 'Iphunove ajah nahngakih ana jammongna ngacang ahia ana ngalah,' nguta shülangbi ngacang küjah vütarü makkina mitanga. Kra raüjatih nokve manna mang asi mirah. 11 Ara jamningkhanva congtekang ngukala juva ajong nguta shükong mülong sitülah kratika aranma mijah. Kümah mait tüsait samshatmah sitülah timaka nanokrah ashüreng mirah. Kümah ajong mija."

12 Kümahali Jesuhrah Phorisive jamcongtime kümashe congta, "Omnarah maitma dung tüsü tulaü, party külo tulaüna omphu omno, mang asapti nai cüthe maitseka nahiakih. Jamningkhanva ngukala tsangshihrahman tsangshih jamna omnahka hiaraüta dung mitüsü nong. Omnarah tüphah sihlaüka tsangshihrah atham mirahkuhnong. 13 Rüşatmah omnarah acukakü, mütsan müjanbika hialaüta tüphahsih haüjahka tsangshihrah omnamah jankuhlotmak mirah. 14 Kra ningkhan omnahmaka jaima mait shütithun

atsai araki amava jangvan tüläh ranat akhingna Shükia-verah mijükhuh küma acuman jonghia milaphaü."

Poi Phasia Ajong Külo.

15 Dungsia ngatah phongmong küva maitve veshihrah Jesuh bomka türetah, "Congtalaü Shükiave kra peo Mungtanna Apait rai adammah dungsihvan damtulahtima pinthnm peo canglam sitülo!" 16 Krave bomka tairaüta Jesuhrah türetah: "Manna maitve veshihrah phasia poi külotah. Kra phasia poi küjah lomdam mütu kra ranatka vütarü jamna haironglah nguta vütarüma tüluna ajashise tümma cütithunka vütarü tücongkitah. 17 Phasia poi külo akhing ranaitshe phanrap purashe aja nashe apaitrah ajahshiseka tükiraüta cütithun kongkhuma congjebithunka, 'Varongrah phanrap phah asia ajеше, phasih rong i she' nguta tühiakitah. 18 Rüşatmah tsangshih thunka vütarürah valapmai nguta apait bom tüliatisüsah, vütaru tühai hükita. Veshira jashive küma, 'Ngirah vakrikang. Kra luaicang. Kra ningkhan ngi valapang. Tsan nütabikih nguta congvanlah omtijongvemah,' nguta congta. 19 Küma veshihrah hali, 'Ngi minsapang bangi rikang. Kra shürin kaicang. Ngi vamak nguta tsan nütabikih' nguta nguto nguta congvanlah apaitma,' nguta congta. 20 Kükhahali veshihrah ngutah, 'Ngi maitlam nie! Kra ningkhan vülapmang' nguta türetah. 21 Ajashiveka maitcong kai rüma janvan raütashe hiakitahtibirah jamkho nguta thunka pura atijonvema congvantah. Kra congvan küta jamcongteveka pinthum khita. Atsankhih tsi mushe ajashihveka thaütah, "Kilah jalo! Cüsanmüjan nai lamna ahia siatithun maitakü ashü, makcuk jahmü nai mütsan müjan maitse thunka rücom

hiakitkih.' 22 Kra ngukata küma müren ajashiveka kiraüta congta thunka rücom haikitah. Kra hiakitlot raütashe ajashiverah atijongve künang ngutah, 'Conglaüthunka pura hia kikangshe, rüshatmah omcaüman vanve cap angacang binhiadia asi ahatah.' 23 Kra ngukatah atijongverah ajahshiveka thaü nongtah, 'Kinonglah jangshihri cüphai türona manti lühi, acan aja anguthunka vüta ana rücom hiakitkih ara jam ara tümali mirahlah. 24 Kongkhu lakna omcuva tücongkang thun kra jumaman ara phahsia tülom dam rammak!' nguta ngutah.

Askusema Javan Münu.

25 Jesuhrai vadamti matkongka pahia pahia. Jesuhrah maitphong nüna lüraüta tsangshihma congta, "Ijai phanvanti anguthunka tülotlirah phanlotmak. Jurava aniung ave, acak ase, kümah apfu ano vüta, atüsubna maitmü khumkraman reng gnumakmah vutangpe pivantalah tirahli Ngi sakusema mijavan. 28 Namtsam phongküva veshihrah jamhai nguta tanhan manshia kongkhuna tülumah pha asia, tü atsam, khoro khosha omcuva rajüh kra thunka kongkhuna heshapman rütülan? Pe avü, thun aje ahaka pura khumkhum heshap lotlantatih jam tangli mihailohta nguta kamto natih jamrü cantülan rümakshia? 29 Phanrap besat hümah jamrücan raüta hailotmak tsahkiraüjahla jamrü tücan raüka ciraüta vütarürah anai akuti süsah mirah. 30 Vütarürah, 'Ara verah jamhaila nguta jamrü cantah rüshatmah, jamtanglotmak tsah kito!' nguta maitrah miracongshih rümakshia. 31 Raja veshirah apait sapahi hingroshih krama raja veshih ahinti, sapahih hingronai thütülah raika rakhat-tsahka rükhatmak. Kongkhumah apait ninkunka

samhia tüma, shürira lüraütatih mirakhat. 32 Apaitrah rekhat tanglotmak cangla jüla apit khatva nguta vütalah krava ajatika ahihna misaüvan shah kajah aram vanlam kongphih keti mait mitaki, vehia rüjalam tsa tüsokaishe. 33 Küma müren, namshih phongva man, juva phanrap mümthü lotman tirahka Ngi saküsetümma javanlotman mirah han."

Kammah Taimakcang Shum.

34 "Shumka vütarürahlangtulah. Rüshatmah shum sum küshe mokiraüjaka jasheva mirah. Kraka jamlai müsheva mitasumki? 35 Jamkam taicangman rümakshe mirah. Hih tüpüma vak jamna phongkai-cangman rümak; kraka araübait canglishe! Namni asitirah ara congükangka samhiavimah tütsang tairo-nlah!"

Amü Araki Sakuse.

15 Jangshih phanrap racomtinok nai raniahna siti ngrai maitsethunka pahia pahia Jesuh bom taikai nguta Apait phana kitah. 2 Jesuhka Tsangshihrai phahsia khamniang man adamna ahiavimah rübom rünailammah haisia damka chiraüta Phorisinok nai Thungtri tülangketinokka bottrangtah, "Arave ara jamkhüva maitvaara ngürai maitsetüm rai adamna phahsihtüla!" 3 Kra ngukata Jesuhrah manphan bomshon congkuhtah tsangshihma :

4 "Bomshton, namtsamva veshirah sakü shishi mirümhan. Shishi khuva ashika rumna mimoki. Kra moki raüjala atative krarah jamlaiva mirah? Apaitka rotakaüri tükaüka sangphürüna tühaithü raüta moki-tahti sakuka hommak vüvü, khumna rumna konshkon-ma mireed rümak shia 5 Kra mükintah sakuka humvan raüjala kai micoci apatka. 6 Sakuseka jamna midovan.

Jamna saühaüjala cütithunka adamna hia raüta, 'Notsamloi-ara sakuse ara amo arakiva homkang. Kra ningkhan namshiman khurüh damrongla ngi rai!' Nguta mingü rümakshia? 7 Küma müren, ramung-tanan man amü araki maitserah atsü külaivan raüjala ramungtana siti thunka pinthum cocitülo. Rotakaüri tükaü, tsangshih tsü akülaivantishe, mittingti sitülah ravü achi vishe kra namaka, kra raniah mongva ngürai maitse ahumvanka arama jatülo."

Atümo Arah Kamphosü.

8 "Kramah bomshon, jecak niungshirah ajahna kampho süroshihva süshi atümo mirah. Kampho süshi kra ridmah nguta lempka tülü raüta kra hummak vüvüka shok chum nochum mirid. 9 Kampho sükala humraüla kai micoci rümmakshia? Akongti chüti niungreka haiki raüta atümo arah kampho süka akongtibima mitüchi. Akongtibib chüti niungreman micocidam apait rai. Kampho süka jahna shamraüta akongtibi küma mitüchi, 'Lüman ara atümo arahava rüshatmah humnognkang,'" nguta maitma (akongtibima) micong. 10 Küma müren, ngrai maitse ashi rüla atsü külaiva küjala, ramungtanna rasetüm kai cocitülah."

Arnü Araki Se.

11 Kümah kükhahali, Jesuhrah nguta, "Maitve veshih se ka siphu venai. Anotiverah ave jahva apaitman rü hukcong samcong sitülahka jatü küta, averah sinah tsangnai siphuma tsangnairü manramchah phiakohtah. 13 Tsü rüphiajaimah, jalomüli anotiveka, apaitrü aphiakuh hukcongsamcong thunka maitma kamphopha shatah. Huksam sha kamphoka horaüta

apitka pongmungna türehotah. 14 Kra mung kujah camtrah, pili pülü kamphoka shaphatah.

Pati külo küma sethoh sepülamna kamphoka shaphatah. Akampho thumri, kra mungküjah ramdongsah rütah. Apait kongti anguthun krarah man apaitka lümakshe. Aramtsivan; amangmah camcao-van. Kam ridküman hummak. 15 Omkhüla iasimak-she rüta, maitve veshi phana sivatah. Kra verah sinha, vahrüm kikih nguta vatübna jobaittah. 16 Apaitrah tümaka cerongtsi vamah vakjamna athü küva camtra miphah siha nguta tümatah. Rüşatmah cerong tsiman hummak, aramrahli camcongta. 17 Omkhüla jaishmak, aramrah tsaivan raütashe atsü chitah. Camcao tumraütashe atsanna tümatah, 'Ive rai siti jahshibi sintüla camtrah phasihtülah, nginang mait mungna amangmah atinkhan camcao nia! 18 Ai ngi jamna ive phanali mijangvanha, Ivema bom atüjangtih mirüha. Ive nang akhatih minguha, 'Ive ngi ngrai tangphah-käng. Shükiave manna man abi külokang. 19 Ombom taimangmah omnürah ngirü aphiakuhhaü hukcong samcong kampho pha shalatah, kra kampho vüta atuna tüthum baikang. Omcaü sinha ngi omse ngo thekmakshe. Omjashi malishe thülah, nguta micongha,' nguta tümatah. 20 Kra tümatah kürai müren, jamna janvantsh.

"Apait vaka aluna chiraütali ave tsanmongna asema mancan tsikitah. Kra ningkhan, aveka juraüta amangan tasma, aseka akhukna pomsah rütah. 21 Aserah ave nangnga nguta, 'Ive! ngirah omanna nai Shükiave manna ngrai ajong külokang. Ngika omse ngo thekmakshe! 22 Rüşatmah averah ajashibika hiaräuta thaütah: 'Jalo, ahia pinthumti thongkhun khü nai kampho jatophi ira lamva lanta isema tüvikuh

ronglah! Kümah jatop ahiati iri tüpakuhronglah. 23 Kuah minsaüse ajong pinthumti ira lapki lanta tarongla! Nashih vütarü apait hansangmah jamna saüvatah kra ningkhan poi külo rong i! Peo rongla vütarü. 24 Ara ise atsai arakiva rüshatmah, ajang rüva nongto. Amü arahkiva homnongkai, 'Apaitrah congta h küma müren, tsangshih vütarü poi küloshe polohotah.

25 'Poi küloja küja, aphutika vakmashe saüvatah, Jamkiamah, tsangshih jamna maitshi maitnge nai maitvünüm trangka tairaüta, 26 jashi veshima waitah, 'Jamna jamlai poiva külo tüla?' nguta. 27 Kra ngukatah, jashiverah türetah, 'Oh! omno pongmungna atüreho ira jangvato. Apait jamman ngusimak, hansangmah jamna jangva küta, omverah omnoma cocima poi külo tülo. Küma poi küloma nguta minsaüse ajong pinthumti ira tato.' 28 Kra nguka tairaüta sinha, akhih nguta aphotiveka tapmongna man vammak she jamphainali ngakitah. Kra ningkhan-she, ave kiraüta tülin hiakitah. 29 Aphotiverah ave gonang. 'Lülah! ngi ombom poshiman tülia mangmah omdise ikha omnah rai silata omnah mütu ningkhan jasham nütakang. Rüshatmah jamna niamse omcuva rümtakai küva omnarah ngima janshiman kuhmaü rülaü. Omnarah ngima jamlai phanva kuhlaü? Ngi ikongtibirai phasia poi küloma chechise ashi dongdü man kuhmaü rülaü! 30 Rushatmah, omserah ombom taimakmah, jamva kampho lamho raüta randimahma, kampho tüthum kitah, Kampho tüthum raütashe jamna jangva phaüta khoti apait küma omarah minsaüse ajong pinthumti takuhlaü!' 31 Ase kükha bomka tairaüta sinha averah türetah, 'Ise! omnaka ngirai adam jamna sitülaü Ijahna jamlaiphanva sitülahka

omhuk omsam süsah. 32 Rüşatmah, omnoka atsai kaiviva ajang arah vakhanka chimaüşhia. Küma amü arakiva homnongkai, kra ningkhan poi külo tükai. Tüdolah, ammonгна vapha, omnorai rübomvakih!"

Laopha Cereve.

16 Jesuhrah Askusetüma contah; "Laopanve veshirah cereve veshi thütah. Rüşatmah anok ahintirah laopanve küma congvatrah cereverah apait kamphoka lam ahüna vanvüh tülo nguta. 2 Cütirah kükha congkata, laopanverah sinha cereveka hia raüta vaitah, 'Cütirah ngima omnüh ommit kungmak nguta congta. Omcaüman jalo ngima pura heshap ketap kera tülo. Omnühma kam tüşham mangshe. Omkam sham thumtoshe.' 3 Kra nguka tairaütashe atsan mongna tümatah, 'Itijongverah manna ngi ara ajoshe khana mirahbait. Ngi kam ara bombait raüjahmana, kam ahin ahüşhe ngima! Jamlai sheva miküloha? Iningkun mana akom. Kamthait kamha ahinman shamlotmang. Nithe kamsham küman lotmang! Maitjahva hiphahsia maka küjah küthashe. 4 Omcaü phaci anie she külo ratülo! 5 Kam bon bait jai numnang humruh canglam külo ratülo! Kra tümatah kürai müren, apait sinha atijongve kampho nai tüatsam namtithunka vütarü rücom hiatah. Rücom hialot raütashe ashima vaitah, 'Omnarah itijongvema omcu kecangva thütham asi?' Kra verah türetah, 6 'Ting shishi tel tham hü asi.' Cereverahshe kravebomka türetah, 'Ara omthü tham cü heshap. Küjah ngalaütah ting robangi thütham asi nguta vaitlah.' 7 Kümahali veshimashe vainongtah, Kraverah türetah, 'Tsam tü hingshi thamhü asi.' 'Tü shitacat nguta vaitlah,' nguta cereverah türetah. 8 Cereverah, küti-

nkhan calak küloka ciraüta atijongverah man acereve tsübika tüşhom rali she rütah. Jamningkhanva tüşhomrata ngukala raniah maitse anguthun vütarüka mungkanng hanngam tüpaovan mütu tsüh aniam külaola raüta mait lao phasiaka tsinhia. Ravü maitserahka kütinkhanka külo lotmak."

9 "Kra ningkhan congükangka taironglah: Mungkanng hanngam tüpaovancang tsüh külaola lanta raniah mongna siti rai ahiamihma sironglah. Ngrai tsüka baithülanta vavan hanjala, ramungtanna pattüb jamna man namshima cap ngacang asimirah. 10 Ralangse, mungkanng hanngam tüpaocang tsühka ravia, laopha külotika ramungtanva tsühka lapvan lotmak. 11 Mungkanng hihva tsüma ransu külotülan kratimaka tsüh aniam asol kra juro mitarüm? 12 Maittsüh türüm küphaüta sintüla rümstüman, omtsühshah sheka jura sheva mitürüm?"

13 "Jashi veshirahka tijongvenaika rümlotmak. Jashihve krarahka veshika aro mirah kümah veshika romak mirah, ashu alü mirah. Küma müren, namshih rüman Shükiave nai tsühka maitmü tativema rümlotman."

Tative Türirai.

14 Phorisinokrah Jesuh bomcongka tairaüta, Apait bomka shummu lapüli rütah. Jamningkhanva ngukala tsangshika tsüh aniamma ranphan hiati ningkhan. 15 Phorisinokrah Apait shümmüka chiraüta Jesuhrah tsangshih nang ngutah, "Namshihka mung maitse makkina, ajong ala, ngrai ahü, kecu maitse nguta tüşhomra tulan. Rüşatmah Shükiave ma-klünaka namshihrah jamlaiva külo tülanka thukmak süsah."

16 "Mosheh nai shammibirah Thungtri Lam, acongkuhthüka Johan Baptistrah kam milang shahna saüli langvantah. Kramüphat she Ngirah Shükiave Mungtan lapvan mütu Tsütsa Ahia congkuhkang namshihma. Kra congvan tü kang krai müren vütarürah kra lapvan hajala nguta rüshü rüshü vütülo. 17 Rüshatmah namshihrah omsüva manphancüka thomkitoshe nguta nütamarongkih. Thungtrika tri raüshih küman vakhangmah mokimak. Ranai hihka athen man mirakih, rüshatmah Shükiave Thungtrika omtükah jüman thenmakphan.

18 "Jurava maitmü niung ase mümbaitraüta niung nai lamtüla, kra tirah ngrai ajongmilap. Kümah kükhahali jurava veshihra amüm arabait niungka lammvanjüh. kra verah man ngrai ajong milap."

Cütheve Nai Lajaras

19 "Maitve veshihka cüthe pinthum. Apaitka vüranaitshe araphan, thütsinphan mürümah tümü raüta sitülah. 20 Kümah kükhahali pinthum mütsanve veshih sitah. Mütsanve kra mangka Lajaras. Kraveka ahanna ami atsi tamtili. 21 Kraveka anokrah cütheve kilamcong thona dothüvantülah cütheve siaphan, hiana adiaki kra miracomphah sihlah nguta. Lajaras hanva ami atsi thunka kukurah man mesih vatülah. 22 Ranaitshih Lajaraska tsaikitah. Apait tsaiki küta, amaka rava rasetüm kiraüta ramungtanna phasia poi külotülah küjah shiavantah. Apaitka rasetümrah Abraham thona tüngavantah, Kümah kra cütheve kraman ranaitshi tsaikitah. Apaitmaka hih mongna lapbaitah. 23 Cütheveka kai camcao vamungtanna. Vamungtanna apaitrah rana lükata Abrahamka luhiana. Lajaraska Abraham thona chitah. 24 Apaitrah vamungtamah Abrahamma rümtah, 'Ive

Abraham! Ngima phanshi mangcanlah! Ngi ara vamungtanna ajah, vamongna kham niangtsirah pitvankang! Lajaraska ana tükilah, apaitrah ajashihka khamna tsamraüta itiliajah phansih khammah mita-pümkiilah, atakatmah.' 25 Abraham rüshe apait bomka türetah: 'Tsanna tütsangtüläü khatah ise cütheve! Manna omnaka omrinlungna camtrah phanrap ahia phan süsah phasihläü. Kümah camtramah silaü. Rüşatmah Lajaraska phanrap ashe ashi, abiati süsahli phasih räüta camcaotah. Kra ningkhan omcaü apaitka camtrah sitalah, kümah omnaka kai camcao rüvia chitülaö. 26 Omcaü nashih lüpanna hihvü tsäühia jinlotmaicangrah nashih shangshat. Omphanüvaman anürena valotmak, küma, naishihpha nüvaman, omp-hanüna juman kilotmak.' 27-28 Kra ngukata cütheve-rah türetah, 'Ive, ikhajala, ngima mangcanma Lajaraska mung kang hihna tükilaüta naijamna iphu inotüm atra vebangi dia asi, tsangshihma bom micongkiilah. Tsangshihman ara vamungtanna sü diavajü. 29 Kra ngukata Abrahamrah türetah, 'Kakha ngomaka omp hu omnotümrah Mosheh nai shammi bomcong sapmakri rümak. Mosheh nai shammibi bomcongri taishat. Tsangshihrah jamlaiva cong tula kra mitaitlahna.' 30 Cütheverah türetah, 'Kralika hongmak. Atsai arakiva janva räüta tsangshihma congki räüjahtih tsangshihrah tsangshih tsüka mikülaivan.' 31 Rüşatmah Abraham-rah türetah, 'Tsangshihrah Mosheh nai shammabi bomcongma lammakshe jüka, mait amava jangva räüta congkih räü jaman tsangshihra tsangshih tsüka külaivanmakti dongdü.' "

Ngrai

17 Jesuhrah Apait Sakusetumma cong tah, "Maitse angümüka shutphat lamka thummak. Mait anguka

omtuka ranaitjaman mishut. Rüşatmah jamsapmak, jehin noreti lamjina shiahoti krarah ngrai ajong miho. 2 Jehin nore lamjihna shiahotika atra tüsinamma, adangna longkaü pahkuhraüta, jücumna tüdiabaitcang! Kükhanoktika atra sinamma atsaikiratü khoti ahia. 3 Namshih maitmü khum tükheshatmah sironglah! Tsangshihma tülaojü.

“Omnorala shutlam külo phaüjala ason rülah. ‘shutkang dia,’ nguraüla apit mraka adükuhla. 4 Omnorah ranaitshihna omnahma jangmüshi kishut raüta, ashuttekk omnah nangnga, ‘lphu ngi shutkang,’ nguraüla apait mraka adü rükolah.

Kamtsan Tsü

5 ‘Apostolos’ ngutakai kratümrah Tative jahva jaüta, “Naishihma kam asham maicang shüman kuhla,” nguta jaütah. 6 Kra ngukata Tativerah türetah, “Namtsanna kamtsan tsü jucaraitinla asi jüla ara majongcong ara nang, ‘O Mrangmah tüphai kikihi, laüta sammok tra jüthana camkikihi!’ nguta thaüla. Kra rkangjla manjongcongrah man ombomka mitai.”

Jashihve Kam

7 “Bomshton namtsam phonva veshirah maitmü jashi mithühan. Apaitka Apaitka ngirüm rümah shia nitherümahva jamna misaüva, Aapitka jamna saüva raüjala, ‘Ramtsi rümakshia? Tü atsam phasi tülolah’ nguta shia minguha? 8 Nguman rümakshia! Namshihrah khoti, “Tashong tülolah kotsi! Laüta ngima dung lamholah. Ngima khu akham tsümkuh vanpha. Idung sihlot hatih omnarah omdungka silah’ nguta apaika mithaühan rümakshia. 9 Jashi nguta situlah kraka atijonvema jasham kuhtulah kra mütu, apaitrah jamlai phan lapcang man ahü. 10 Küma müren namshihrah man namshihma maitrah (Ngirah) acongkuh kra

jahsham hanjala, Naishika hihtili, mait jashi tüna; naishihrah shamkaika naishi kam' ngutali ngurongla."

Jesuhrah Thabittsi Veroshih Tühiatah.

11 Jesuhka Jerusalem nüna kai nguta kitah. Tsangshika Samaria nai Gelili hih lüpanmah kitah. 12 Apaitka lamna mait hih shong ashi nüna avarai. Apait avaraina thabi tsiti veroshi lamna rahomtah. 13 Tsangshihka Apait thona ajenali capkiraüta sütürangtah, "Tati Jesuh! naishihma mangcankuhla!" 14 Jesuhrah tsangshihka chiraüta türetah, "Varonglah, tsangvebi küma namshih khumka tüchi varongkih. Apait bommah tsangshihka tsangvebi phana vavantah. Rüşatmah tsangshih thatsika tsangvebi phana omsaushanali lammahli hiakitah. 15 Kra veroshiküva veshirah lammah atha tsi ahiakaivika chiraüta, anümah Shükiave tütsamkam asüla, Jesuh phana jangkitah. 16 Apaitrah Jesuhka pinthum tüshomratah. Apaitka pongmungti. Samaria ngutalah kra mung küjah sitive. 17 Jesuhrah krave küma vaitah; "Veroshih pura atsi hiakitah rümakshia? Vetükaü ombano kihota? 18 Tsangshihka jaina jangkiraüta Shükiave tüshora kitsümakshia? Ara pongmungve angoralishia jaina jangkai saptüla?" 19 Kra bombraütashe Jesuhrah apaitrai bomdamtah, 'Tüdolah, laüta namhina 'vala; Omkam tsantsü asi ningkhan omtha tsiman hiakito."

Shükiave Mungtan Saiüho

20 Phorisinokva veshirah Jesuhma Shükiave Mungtanka omtincüva misaüho nguta vaitah. Apaitrah tsangshih bomka akah nguta türetah: "Shükiave Mungtanka tüchira shiaramahka saühomak. 21 'Lülah arajah ara,' nguta nai 'Lülah krajahkra!' nguta juraman ngumak. Jamningkhanva ngukala Shükiave Mungtanka namshih mongjünali sitülo."

22 Kratkah Askusetüm nikina Apaitrah congta: "Ranaitshi akhing misaüvan. Kütakah namshihrah Mait Se patna ravü akhing omkho sita, kra liavanta ravü akhing kra chiahaija, nguta mitümahan. Rüşatmah liavantah ravü akhingka namshi chilotmashe. 23 Kütakah, 'Lülah krajah! Lülah arajah!' nguta congti mait asi mirah. Rüşatmah kra congtülah küjah nalükirongkih. 24 Rana, konümah rüta konüna satüli, rachai litülah ikha müren, Maitse küman Apaitma akhing ranait mili. 25 Rüşatmah, Apaitma kra akhing mishahna kongkhuna, omcaü patva mait sitülah kratijahna Apait pinthum micamcao. Tsangshihrah Apaitka ashüle mirabait. 26 Novah patna mung kang omkho jata, Maitsema akhing atenna man kükhasüli mirah. 27 Novah patna, apait laina düva akhing ranait hütah, mung maitse vütarü, camtrah ceniangti ceniang, dungsiati dugsia; mait lamti maitlam, jecak maitve camtrah sitah. Mung kang maitse camtrah polo sholi, hihna khammava raüta, mung kang maitse thentah kükhasü, Maitsema akhing ranait man mung kang maitse mijüm. 28 Kümah Lot patna okhüva kükhasüli mirah. Vütarürah ceniang dunsia camtrah omtum omai sitah. Ariti ari, kümah ashati asha sitah. Kümah jamhaiti jamhai rütah. 29 Lotrah Sadom mung ka baithüri, ravava dia raüta kra mung na siti mung kang maitse jümtah kükhasü mirah. 30 Maitserah asham tüchikitülah ranait akhingna man kükhasü mung kang maitse mijüm.

31 "Kütukah ranait, juva vukhupongna ngaraü rajüh, kratika ajam mongna ahuk asamka lamkai nguta jammongnava ramak. Kükhahali, juva kütakah vakna cajüh, kratika jamna jangva ramak. 32 Lot taniung omkho jakita, kra tsanna tütsangshat ronglah!

33 Jurava maitmü müsah tüchüh, kratirah amüsah mitümo. Kümah jurava maitmü müsah tümotüla, kratirah amüsah milapvan. 34 Ngicongpha taironglah! Kra rava maitve venai cangshina akonva, veshika ashia miravan. Küma veshika küjah mibaithü. 35 Jecak niungnai tsamthaüria mirah. Krava niungshika ashia miravan, küma ashika küjah mibaithü. (36 Maitve venai vakjamnava, veshihka ashia miravan, kümah ashika küjah mibaithü)“ 37 Apaitma Askusetümrah vaitah, “Tative, kra ombano mihong thavan?” nguta vaitah. “Lairapma ombano sitüla, krajah langtang miratam,” nguta Jesuhrah tsangshih bom türetah.

Mantiniung Nai Türitantive Manphan.

18 Ranaitshi Jesuhrah tsangshima vüranaitek acujäünah nungpah rongkih nguta tsangshihma tsü congke heshap lamna sengraüta ara manphan congkuhtah. 2 Maphanka akha nguta congta: “Maithih ashina phanrap khüakha phoketive veshi sitah. Kra veka Shükiavema man haimak. Ajong ala maitsema man haimak. 3 Krave pha küjahka mantiniung ashi jangki jangki kiraüta apaitma akhaka phokuhla nguta congkitülah, ‘Shülangve ara ikha ara phokuhlah!’ 4 Apha balaka kra phoverahka mantiniung tümangcanka tailiman taimak ikhali apit phana man lümak. Rüşatmah pahia sijaishe mantiniungka apait phana kiruj kiruh kirai hokütta sinha atsütsa sitsimashe atsan mongna tümatah, ‘Ngka Shükiave nai mait ajong alaj maitsema man haimang. 5 Rüşatmah ara mantiniungrah ara ngi palah ruhruh palah dantülah ara java. Ngi atinkhan palah tülah küha akharum dia ramang shia. Apait tücam caotiveka juva ngitih milüha! Kra ramang jajala apaitrah ngi ara palaj ruhruh palaj

dantülo!" 6 Kratha küjah tracesah Tativerah congkuhtah, "Maitsetüm le taironglah! Kra laopha maitse phoverah sintüla mantiniung khürum kuhtah, 7 Shükiave nguta situlah kra ratisha Apait saüse nguta mait sitalah krama Apait jahva ranait rava acu jaütulah kratibi kha phokuhma mirah? Apaitka tsangshih khürum kema adam mirah nguta shia tümatülan? 8 Ngi congpha taironglah, Apaitrah tsangshi khathunka tsangshihrah tangvan canglamna jaomahli miphokuh. Rüshatmah Maitseka saükai ranait ara mung kang hih ajah kamtsan tsü ama rümti mait asi shia michiki?

Phorisve Nai Akhen Racomjaütive Manphan:

9 Jesuhrah ara manphan arari mait wüjamti mitting maitshah sitakai nguta tüsho mramah nanok ahinti shummu tülahtibi küma teingraüta congkuhtah. 10 "Maitve naika venai. Tsangnai venaika nokucongna acu jaükai nguta kitah. Veshika Phorisive. Küma veshika akheng jaütive. 11 Phorisiveka Nokucong mongna capva raüta acu jaütah, "Phanthe Shükiave! ngi Omnah kai lungvü tsan tsü ajong rümtükang. Jam ningkhanva ngukala, ngika sükhaveve rümang, laopha man külomang, kümah nanok ahintibi kükha sethüh sepü man jamang; Ngi ara akheng jaütive kükha ngrai maitse rümang kra ningkhan Omnahmah kai tüshom ratakang. 12 Lüpan shina ranaitnai amangmah sitlatah acu jaütakang. Kümah hali ngirah omcuva laptakang krava arokhuva pura kuhtakang Omnahma. 13 Rüshatmah akheng jaütiveka nokucong jammongna kilütho küjah capraüta ranüna man lümakman hina kushatmah tümang tücan shatmah acu jaüta, "O Shükiave, ngika ngrai

maitseli rükang jüman ngima mangcanlah!' 14 "Taironglah" nguta Jesuhrah tsangshihma contah, "Ara jainava veti kra Shükiave makluna ahiamüshe jamna jangvantah kongkhuva vetika rümak. Jamningkhanva nugkala omrativa ngi ara ajong ala nguta maitmü nai maitmü tüşhomratulah kratika atüran mirabait. Kümah kükhahaliomrativa ngi jamsapmang nguta tüsait shatmah situlah, kratika ajongma mitüja."

Jesuhrah Noserema Shümacecu kuhtah

15 Mait vajamtirah tsangse noshüsetümka Jesuh phana Apaitrah tsangsetüm küma shüman cecü mikuhlah nguta shiavantah. Kra ciraüta Askusetümrah tsangshih sontah kükha nahrah rongkih nguta. 16 Rüşhatmah Jesuhrah noseretüm thonka Apait phana hiatah. Kümah tsangshih hialamma nguta, "Nahsob rongkih. Nosereka ana Ngi phana omvalah. Shükiave Mungtannaka ara nosere akha situlah krati mütu sitülo. 17 Tsanna tütsang ronglah! jurava Shükiave Mungtanka ara noserarah kam tsantsü rümtulah akha rümvanmak kratika Shükiave Mungtan kajah valotmak."

Cütheve

18 Ihudinok phongva shülangve veshirah Jesuhma vaitah, "Mitting pinthum shülangve, ngirah jamkhü-lato asak tsitsüka milapvanlotha?" 19 Nginang tingting shülangve nguta java ngutalaü? Tingting maitse ngutaka juman ahu. Shükiavekali tingting sitülo. 20 Omnarari Shükiave Thungtri asaphaü, 'Mait niung maitserai nahsrahkih; mait nahtsatkih; ahuk arot najakah; arot nahcongkih; maitmü niungve shürenglah.' nguta Shükiave bom congri omnarah sapshat."

21 Kra ngukata cütheverah turetah; “Ngi nosemaphü kra conglaüthun Thungtrika pura langvankang.”

22 Apait bomka tairaütashe Jesuhrah türetah, “Rüshatmah omnarah omcaü nütah phanshi külo maüdia. Omjahna jamlaiphanva sitülah kra thunka vüta shalaüta krari kamphothunka mütsanmüjan, camcao maitse sitülah krabi küma p hiakouhlah. Kra rahaüjala omnarah ramungtanna mah cüthema mija haü. Krakülolaüta Ijai phanlah.” 23 Kra tairaüta kraveka atsan biva tüchishat rütah. Jamningknanva ngukajal apaitka cüthe maitse ningkhan atsüma atsan tsima atsan bitah.

24 Jesuhrah krave tsanbivaka chiraüta bomtah, “Cüthe maitsemaka Shükiave Mungtanna vaka hahia jatülo! 25 Cüthe maitsema Shükiave Mungtanna valmaka Kemel ngutakai niamse ajonviphan sitülah krarah maichikü khuthamah khumlot haujaman cüthe maitseka Mungtanna saülotmak.” 26 Apaitrah kra ngukata mait vüjamtirah Apaitma vaitah, “Cüthe maitsetirah asak tsitsü lapvan lotmak jaka omkha maitsetirahava milapvanlot?” 27 Jesuhrah tsangshih bomka türetah, “Maitsemah haihaka Shükiavemaka ahavih ngutaka jamman ahü.” 28 Kra jashe Petrusrah türetah, “Lulah Tative! Naishih maitmü jam avak vüta baithülaita Omjai phanvan mütu.” 29 “Ahia” nguta Jesuhrah Petrus bomka türetah, “Ngi congpha tsanna tütsang ronglah. Jurava maitmü jam kümah-xzaniung ave, asaü ase, küma apfu ano vüta Shükiave Mungtan mütu baithutülaka 30 omcau ara mungkang hihma nai ramungtanamah jüman kratirah apa milapvan.”

Jesuhrah Apait Tsaikai Akhing Laktsamshe Congtah

31 Jesuhrah Askusetüm roshiri venaika maitphong mongva pongna shiaho raüta tsamgshima congta, "Tütsang tai ronglah ahiavihmah. Nashih omcaü Jerusalem namshe kitakai. Nashi Jerusalemna saühaila omsahmah shammibirah lakna Ngi mütu jamkho vaithüta tsangshih bom cong thunka purashe mikuva. 32 Maitse ngutakaika Raniah maitserah kai mitücamcao. Tsangshirah Apaitka kai mishummü. 33 Apaitka tsangshihrah sintsangmah mitsat. Atüsubnaka tütsailahshe mitsatbait. Rüşatmah raniattsam ngo ranait Maitseka amava ajang miravalong. 34 Jesuhrah kra thunka pura hiahia congkutah rüşatmah Askusetümrahka Apait bomtsika poshiman taklotmak rütah.

Jesuhrah Porakive Mak Tühiatah.

35 Jesuhka lamna maithih ashi Jeriko nguta hih thona asaühoshe. Kra hihtho küjah lamküna porakive, amakman acukveka angaraü maitjava phanrap hihphasiah ngatülah. 36 Lamna mait pahia vütarangka tairaüta porakive krarah lamna khumti küma vaitah, "Jamlaiva ratah?" nguta vaitah. 37 "Jesuh, Najareth hihna sitive vütalo," nguta anokrashe türetah. 38 Kra ngukata sinha porakiveka tajong raüta she sühotah, "Jesuh! Devidse! Ngimah phanshi magcanlah!" 39 Apait süraika tairaüta mait vüjamtirah porakiveka nastükih nguta sontah. Anokrah tüvinküta khoti jonghiamasüho nongta, "Devidse! ngi mangcanlah!" 40 Porakiveka süraika tairaütashe Jesuhka lam küjah capki raüta anak maithiatibi kanang acukveka Apait phana shiva rongkih nguta thaüta. Porakiveka Apait phanashe saükikata Jesuhrah apaitmah vaitah, 41 "Omna mütu jamlaiva miküloha?" Kra ngukata

apaitrah türetah, "Tative imak ara tühiakuhla." 42 Jesuhrah apait bomka türetah, "Lülah! Ommak ahia she mirah. Ommak tsan tsü krarah ommakma tühiatoshe" nguta türetah. 43 Jesuhrah kra ngutah krai müren makcukve makka haikisah haikitah. Amak hiaki ktütashe apaitrah man Jesuh rai rakong valtülüshe rütah. Kümah Shükiavema tütsam kamlashe cocitah. Maitphong krarah krave mak hiakaika chiraüta tsangshih vütarürah Shükiave tüshomratah.

Jesuh Nai Jekias.

19 Jesuhka Jeriko hih küjahshe saükitalah. Apaitka Jeriko hih mong kümah aliavan ava lamna. 2 Kra hih küjah siti veshi, akhen racomtive mangka Jekias. Jekiaska akheng racomtinok omcuva sitülah krabi thahna apaitka ajong cütthe pinthum. 3 Jekiaska Jesuhka jamkhava chihahjah nguta maitphong jaina litkotraitah. Apait maittohti ningkhan sinha, anokrah tangho raüta Jesuhka apitrah mait phong mongva chimakratah. 4 Mait jaimah chimmak raütashe, apaitka kongkhuna tüvin joraütashe, lamküna phummub cong küjah düva raüta Jesuh vaka khevatah. 5 Jesuhrah she Jekiaska kra pecongna ngaraü chiraüta hihna haitah, "Satkikih jalo. Omcaü ranait Ngi omjamna minga vanha." 6 Kra ngoka tairaüta Jekiaska kai khorühtah. Apaitka khorh shishühmashe Jesuhka apait jamna she shiavantah. 7 Jesuh Jekias jamna vavanka chitithunka tsangshih nai tsangshih lüpannalishe bot nian trang vantah, "Ih! Arave ara jamkhünok maitveva? Ngrai maitse jamna man adüvah nguli." 8 Jekiaska capsah raüta Tative nang nguta, "Tative, tailah! Itsüh Iniam omcuva sitalah, küva khokoka müstan müjan camcao

tülahtima miphiakehah. Küma kükhahali ngirahla mait laokang jala, laokangti thun küma, tsangshih jahva omcuva laokang, kra thah küjah jangblia atcan mikuhha." 9 Kra ngukata Jesuhrah türetah, "Ara jam ajah omcaü ranait Chüvantine saütoshe. Arave araman Abraham saüse sü. 10 Jamningkhanva ngukala, Maitse ngutalahka amü arakihti kra ridkai nai atacukai nguta kito."

Cah Kamphosü thun Manphan

11 Kütakah Apait bomtaitibi thun küma ara manphan ara congkuh nongtah. Apaitka Jerusalem thonashe kümah tsangshihrah tümaka Shükiave Mungtanka saühotüloshe nguta tümatah. 12 Kra ningkhan Jesuhrah ara manphan ara congkuhtah tsangshihma, "Lüva veshihka pongmungna, aluvihna hokham kam lapkiraüta jamna jangva nongma nguta kihotah. 13 Apait mait hihna kiahona ajahshisetüm veroshika hiaräüta cah kampho süchüh chüh tsangshihma kelammah akha nguta congkuhtah, 'Ara kuhthü takang aramah ngi tatimüshon apakü ronglajo! nguta conthütah. 14 Rüşatmah tsangshih hitirah apaitka romak ashü angeng rütah. Kra ningkhan tsangshihrah apit jaina mait tükiraüta tücongkitah, 'Naishihrah arave ara naishih thahna hokham kam tülängmai,' nguta tücongkihtah.

15 "Kra lüvaveka hokhamka lapvan raütashe jangvatah. Saüva räüta apaitrah apakü ronglah nguta kampho kuhthütah thunka apait phana varaüta pükü omcuva lapta omtachivala nguta tracom hiatah. 16 Apaitrah hiatah krai müren, veshih varaüta apaitma congta, 'Tijongve! Omnarah cah kampho süshi kuhthülaü iramah ara süroshi alüp tüdongkang, 'nguta

apaitma kuhvatah. 17 'Ahia rükhali külöläü! Omna ara maitshah dia khana. Omnürah kam ralngse küman ahiavi tsapkap shamlaü kra ningkhan omnühha omcaü mait mung cela ajong roshi tha küjah kam mishamhaü.' 18 Kra jaina veshika varaütahali congta, 'Tijongvel Omnürah cah kampho süshi kuhthülaü iramah ara cah sübangi alüb tüdongkang,' nguta khuvatah. 19 Kra vebomka atijonverah türetah, 'Omnüka mait cela bangina sitithana ajong kamshe mishamhaü,' nguta türetah. 20 Kra jaina ajahive veshika varaütashe congta, 'Tijongvel ara Omcah kamphösü ira. Ngirah ara phacet mongna thoblata paüthükang amorükijüh nguta tümalatah. 21 Ngirah Omnühma hiama paüthükang. Jamningkhanva ngukajala Omnüka omjah man vanhiave. Omnürahka Omnürah lapcang lam rümakvaman alapcang nguta jaütülaü. Kümah Omnürahka minhohütsam jütülaü tijongve,' nguta atijongvema ngutah kra kamphoka jangkelammah. 22 Kra nguka tairaütashe hokhamverah apait bomka türetah, 'Nojü nahsrakih! Omnürah ngima jamkho ngualü ombomtsi kümali omngamka tüsha phattülaü. Omnürah ngijah vanhiave nguta man asaphaü. Kümah Minhohü tsam jutkükang ngutüman asaphaü! 23 Ahiana! kra sapshat taümah omnürah Itsühka bengna thümaü javarülaü? Ngirah bengva amakthana alüp laphacang,' nguta türetah. 24 Kra ngojasihe, hokhamve krarah apait thona capti ajashibi kra thaütah, 'Apatjahva kamphosüka nialanta süroshi tülüptive küma kuhronglah! nguta thaütah. 25 Kra ngukata ajshibirah türetah, 'Hokhamve, apit jahnaka süroshi asi küta! 26 'Ngi congpha taironglah: Pükü laptülahtimaka laptah thah küjahman apa mikuhha. Rüshatmah pakü tsinmaktijahvaka tsangshih jahna omcuva sitülah küman ania

mirahhoha. 27 Kūma kükhahali, ara mung ajah siti Nigma vesang ralüti thun, jurava ngi tsangshih thun hokham kam tūsham rommakti thunka vūtarū ajah racomshiaki rongkih. Lanta ngimakkina tsangshi thun vūtarū tūsūrai tsatbait ronglah!' nguta Hokhamve krarah ajashivetümka türetah."

Jerusalemna Saühotah.

28 Kra congkuhlot raütashe Jesuhka Jerusalem nūna tsangshih khakina lia lia she kihotah. 29 Jerusalemna saühona Mong Olips nguta hihlam ashi kra jina Betphege nai Bethani nguta maithih hihnai asi. Kūjah saühoräta sinha Askusenai anai kongkhuna tükita. 30 "Ina kūjah Nashih vata kai lamna maithih ashi asi. Kra hih kūjah varonglah. Kūjah saühanla gadhose ashi rümna túbanshat capraü michivanhan. Kra gadhoseka rai khūna mait ngammak sha. Kra gadoseka dülantah ana Ngiphana hitvan rongla," nguta Askusenai venaika thaütah. 31 "Maitrah jaramva dütülan ngutala vairaüjala 'Tativema ratülo' nguta congonglah, "nguta congkuhtah. 32 Tsangnai kra hihshong kūjah saüho räta lükata sinha ngohidia Jesuhrah tsangnaima omkho congkuhtah kükha pura rükhal homvata. 33 Tsangnairah gadhoseka düriana atativeka tsangnaima vaitah, "Gadhose jaramva düratülan?" nguta vaitah. 34 "Tativema ratülo" nguta tsangnairah atative bomka türetah. 35 Atativerai rübomlot raütashe gadhoseka Jesuh phana hitvantah Jesuh phana saüraüta she tsangshirah gadhose raikhü kūjah khia damküh räta Jesuhka apit raikhü kūjahshe tüngata. 36 Jesuh gadho thona ngshatma Apait vacanglam kūjah tsangshihrah tsangshih khia damkuhvantah. 37 Apaitka

Jerusalem thona, Mong Olips nguta hihlam lamshih jicongna saühoma lamhong phaho küjah she saühotah. Apait küjah saürishe, Apaitrah Shükiave mangmah phanrap vangcang külölütah thun kra ningkhan Askusetüm thun vütarürah Shükiaveka tüshomra, tütsamkam, arü arühlashe kitah. 38 "Shükiaverah Tati Hokhamvema jaraüta kitühhlah krama cecü pahia mikuhlah! Ramungtanna man hansang mirala. Küma Shükiave mang man mijonglah."

39 Askusetümrah Shükiave tüshomra sütrang küta Phorisinok phongva vüjamrah Jesuh nangnga, "Shülangve Omsengika nasürongkih nguta tüvinlah," nguta ngutah. 40 Kra ngukatashey Jesuhrah türetah, "Ngi congpha taironglah! tsangshika kaishak shakmala kaitki raüjala longkaüthun ekrarashe mitüshomraho," uta bomdamtah.

Jesuh Jerusalem Mütu Hohtah.

41 Apaitka Jerusalem cela thonashe saüho raüta Jerusalem cela kra lüraüta aho rütah. 42 Aholammah Jesuhrah akha ngutah, "O Jerusalem celana siti mung maitse! Mung maitse khu asang simütu nguta jamlai gnova ngutülan; 'Khu asangmah' ngutülan bompo lucumka saptülanshia? Khusangmah simütu jamphan külocangvaka omcaü ranait saphatüjah ahia rüchang! Rüshatmah omcaü omnürah chimatü! 43 Omnama camcao akhing ranait saükinam namshe. Kra akhing ranait omjatirah omnahka türotammah komrahüta aruk küman omjatirah vüta mitathenabit. Longpo poshiman tüme hümah lahmak mirah. 44 Cela mongna siti mait omcuva sitülahka man vüta omjatirah mitsatbait. Omnüma kütinkhan camcao cang akhing saühotüloshe. Jamningkhan micamcaohaü

ngukala omnürah Shükiaverah omnü tüchüke kai nguta kiphaüta omnürah kra akhing sappahmaü rülaü!"

Jesuh Nokucongna Kitah.

45 Jesuh Jerusalemna saüraüta sinha nokucongna vatah. Küjah varaüta jamongna nagraüta tukan külotithunka vata jobaittah. 46 Tsangshih jobait lammah tsangshihma akha nguta ngutah, "Shükiave lakdamna akha nguta Shükiaverah ngutah, 'Ijamka acüjaüchang jam nguta mimanghan.' Rüşatma namshihrah ara Shükiave jam ara ahuk arot tübocangma khoti shütailan!"

47 Kra jaimah, Jesuhrah varanaittek Shükiave jam küjah kiraüta Shükiave manphan congkuh kitulah. Kra chiraüta sinha tsangvejongbi küma Thuntri tülanketibi thunka riraüta Jesuhka atsiabait nguta shüphotah. 48 Rüşatmah tsangshirah sinha Apait tsatbaitlicang lam kha ahü hommak kra ningkhan mat tanlotmak rütah. Küma maitthunka pahia pahia Apait bomcong kra taitisüsa, poshiman tükhiamakmah taiti pahia rütah.

Jesuhma Aming Juro Kuhta.

20 Ranaitshi Jesuhka Nokucongna mungmaitse küma Shükiave Tsütsa Ahiaka congke nai kra tülankeria maitma. 2 Krajah tsangve ajong labi nai Thuntri tülanketibi küma hihshong velabika Jesuh phana nokucong küjah kiraüta Apaitma vaikitah, "Naishima congla jujavava aming laplaüto arathun külotülaüka? Omüma ara ningkun juro kuhtah ara thun külolah nguta?" 3 Jesuhrahtih, "Namshihmave Ngi kongkhu bomvaipha. Ngi bom namshirah kongkhu türe ronglashah. 4 Johan Baptistma baptistmaka Külovan mütu

amingka jujavo laptah? Maitrah shia kuhta shia Shükiaverahva kuhta? nguta vaitah, 5 Jesuhrah kra vaikata sinah tsangshih nai tsangshih lüpannashe rücong, "Jamlaiva mingu rong i niah? Namshirah Shükiavejahva alap nguhaiman Apaitrah 'Shükiave jahva rüshatmahka namshirah Johan Baptistve bom congma jamto lamman rütülan nguta mingu. 6 Küma hali nashirah, 'Mait jahva' nguhai jala arajah mait omcuva sitülah vütarurah nashi thunka longmahli tüna mitübait, jamlai ningkhanva ngukala, vütarurah, mung maitserah Johan Baptistka Shükiaverah rama atüki shammi! nguta sapashat!" 7 Kra ningkhan maitmü khutücü phahma nguta, "Naishiha sapmai ombavava lapta" ngutashe türetah. 8 "Kükha jaka ara phanrap maitvangcang thun külo lütükang kra ningkunka jura akuva Ngiraman namshihma cong-mang," ngutseh türetah.

Vain Petsiro Khetinok Manphan.

9 Kümahali Jesuhrah ara manphan ara Apait trakhou taitibi küma congkuhta: "Maitve veshihrah apait Vin petsiroka apait pongmungna pahai sikai kaihoma mait ahintima akhengna tükhe thütah. 10 Petsi pancu nüshe apitrah adive veshi tüva raüta akheng thahtinok jahva petsiro kra kheng tüjaüvatah. Rüshatmah akheng thahtinokrah adiveka ninta tsat-raüta shamüma tüjangbaitah. 11 Kra jaina adivesihali tüvanongtah. Krave kuan tsangshirah nintah tsat, küma phanrapmah ngu ngüraüta shamüma tüjang baitnongtah. 12 Kra jainahali adi veshihali tüvanongtah. Krave küman kongkhuva venai kükhasü tsat raüta tüjangbaitah. 13 Kra rükahtashe petsirocongtiverah atsan mongna tümatah, 'Jamkhaseva miraha ara vatüm

ara? Ngoma Esesahshe kala tsangshirah mishüren ahi!' nguta tümatah. 14 Rushatman asesha she saüvakatah akheng lamtinokka tsangtsam nai tsangtsam lüpanna rücongta, 'Oh, ara 'ative seshah she saüvato! Tüshe rong i ara! Apait arashe tüninbiat jaijakala apait tsu aniam thunka nashirahse mialap rong i! 15 Kra rücongta küma müren tsangshirah apaitka petsiro mongküva rumna hito raüta tsatbait kitah.

"Kra jainaka petsiro congativerahka jamliashele mikuh kra akheng thahtinok küma?" nguta Jesuhrah vaitah. 16 "Apaitka varaüta akheng thahtinokka vüta mijüb baitva. Rauta petsiroka mait ahintimashe akhengna mikuhnong," nguta Jesuhrah congta. Jesuh bomcongka tairaüta tsangshirah she türetah, "Shükiaverah kükhaka nah omrükih!" 17 Tsangshi phanüna lüraütashe Jesuhrah tsangshihma vaitah, "Rüta ara Shükiave lakna, 'Jam haitinokra abi nguta abaitrat longkäüja akhek ara pinthumma jakito' nguta avaihtüka jamlaina sengraüto ngutüla nguta vaitah. 18 Kra longkau küjah tathap tulahtithunka kra longkau krarah bunlak bunca mihanbait. Kumah kra longkauka omrati thahanava 'diajüh kratika botkhulai ikha vüta hihut mitüvuntühbait," nguta congta.

Gormentma Akhengke Thuktülah Shia?

19 Thungtri tülanketinok nai tsangve ajong pinthumbika ara manphanka tsangshih shütahmah congkuhto nguta takraütashe tsangshirah Jesuhka kra jahli alaphotülü dantah. Rüşatmah mungmaitse küma haima lapmakshe tsahkitah. 20 Tsangshihma akhing ahia saü kalishe khesat rütah. Jesuhka tüşhut raüta

lapraüta Gormentma kebaitma nguta shüpho raüta, tsangshirah Apait tulaova mütuna mait vüjamti amah kuhraüta, maithia mittingti ikha tülao raüta Apait phana tුවatah. 21 Apait phana tුවatah sivebi krarah akha nguta Apaitma vaitah, “Shülangve, naishih Omnürah manphan bomcong trakhou kuhtülaüka, tengman tülodia nguta kam takai. Küma Omnürahka mait ajong aran nguta tsimaümah vütarüma Shükiaverah maitse mütorü tsü rümtitülah tengman tülah bomtsi kali congülaü. 22 Rüter omcaü naishima congkuhla, nashihrah Roman Hokhamvema akheng khutakaika nashih Thungtrima rükhalishia, shia ajiva kuhtakai?” 23 Rüşatmah tsangshirah Apait laotülo nguta shapshat rüter tsangshih jahva kampho süshika jaülammah nguta, 24 “Omjo Ngima kampho sü küva ashi ana kuhlah lü e. Ara kampho süna sula nai amang ara jumanva?” 25 “Hokhamve sumla nai apait mang,” nguta tsnashihrah türetah. “Kükhajaka Hokhamvema kecangka apaitma kuhronglah. Kumah Shükiavema kecangka Shükiavema kuhronglah,” nguta Jesuhrah türetah. 26 Kutakah tsnashihrah Apaitka mungmaitse manna jamphan naman tüşhutlotmak rüter. Kra ningkhan tsangshihka Apait bomcongka tairaüta kaitshak malishe vangtah.

Amava Jangvan

27 Sadusinokka Jesuh phana kitah. (Tsangshihka mait amava ajang miravan nguta bomcong kümaka lammak.) 28 “Shülangve, Moshehrah ara Thungtri ara namshih mütu avaithü: ‘Maitveka ase ahunalila tsaiki raüla tsangniungka kra tsaikitave küma apho anorah tushongra kra amave kra amave kra lailah mütu,’ nguta vaithutah. 29 Rüter manna jam ashiva siphu vemashi sitah. Aphuveka acaklamjai ase ahümali.

tasikitah. 30 Aphu jongve tsaikaijai krave jaithongtve krarah anika romtah, 31 Kra jaima ano veshihrah romtah. Atüsubna she ano nobungve krarashe anika romtah. Rüşhatmah tsang tsam siphu vemashivüta laihümalı süsah tsaikitah. 32 Atasubna jecakniung apaitshe tsaikitah. 33 Rüta jaimah amava jangvan akhing raniat kra jecak niungka omrative cakmo mijah?" uguta vaitah.

34 Kra ngukata Jesuhrahshe türetsh, "Omcaü patva mait, jecak maitve nguta sitülah thurahka aralam arava nguta rütalah. 35 Rüşhatmah jaimah pat ashina amava jecak maitve omcuva jangvantülah thunka krava aralam nguta man ahushe. 36 Tsangshihka rasetüm ikha atsaikai nguta man ahüshe. Tsangshihka Shükiave saüseshe, jam ningkhanva ngukala tsangshihka amavashe ajangvanong. 37 Kümah Moshehrah amava ajang miravan nguta sangphürüna valu mongna Tati Shükiave chitaka nangnag, 'Abraham, Aisak küma Jakub Shükiave' nguta congtaah. 38 Ara congtaakai bomtsi ara lacumka Shükiaveka atra sitülahti küma Shükiave, amatimaka rümak. Jmaningkhanva ngukala kra atsai kaiviseh thunka Shükiave Apaitma maklunaka atra sitalo." 39 Kra tairaüta Thungtri tülanketinokva abitirah türetah, "Shülangve! rükhalı conglaü!" nguta türetah. 40 Jam ningkhanva kükha türeta ngukala tsangshihka bomanie vaicang hommakshe rata bomtah.

Massiahka Juva?

41 Jesuhrah tsangshihma vaitah, "Messiahka Devid saüse phanva mirah ngutahka jamkhou minggu? 42 Jamningkhanva ngukala Devid apaitrahli Ashialak damna akha nguta vaithütah;

'Tati Shükiaverah Tative nangnga nguta ;

43 Ngirah omjatithunka omjiconгна omhok nicangma tüja mang vüvü omnüh ara ngima jahtsinü ajah ngashat ngalah!'

44 Rüta Devidrah sintüla Apait nangnga 'Tative' nguta ngutah, Messaiaka Devid saüse phanva mirah ngutaka jamkhou mingu?''

Jesuhrah Thungtri Tülangketibi Kuma Tühaishat Rongla Nguta Congtah.

45 Mait pahiarah Apait trakhou tairiana Jesuhrah Askusetüm küma congkuhta, "Thungtri tülanketinok küma tühaishat ronglah. Tsangshihka tsangshi mürü kümah tümü khüh räuta bojatna maitrah michilah nguta tübai münge khumtulah. Küma vütarürah tsangshihka shüreng räjah nguta tüma räuta khumtula. Tsangshihka Senagogna shülangbim ngacang pongna athü kra süli ritulah. Küma kükhahali, ceniang tsamsia nguta ngatulah küjah man capcang ngacang ahai pinthüm kra süli ritulah. 47 Küma manti niungre situlah thun phaküjah kiraüta tsangshihma tüchima acujaüman alüvi, shetang tang jaütulah. Kümah tsangshika laopha situlah. Tsangshihrah kra külotulah kra ningkhan vütarü thahna camcao ajong pinthum milapvan!''

Mantiniungrah Akuh Alu.

21 Jesuhrah cüthe mai setümka nokucong jammongna alu thüchang kamphotek monküjah alu kampho thüria chitah. 2 Küma mantiniung ashirah aluna kampho sünai thüria küman chitah. 3 Kra chiraüta Apaitrah ngutah, "Tairongla Ngi congpha! Ara mantiniungrah thütahka vütarü thuhahna apa thüma jatülo. 4 Jamningkhanva ngukajala nanok vüjamtirah

thütahka tsangshih tsüh aluna kema dongdü nguta acan pongna alüpa thütah. Rüşatma ara mantiniungrahka krali dongdü, apait tacong heshap apait phasiacangva kuhtah."

Jesuhrah Nokucongka Mithenki Nguta Congtah.

5 Mait vüjamtirah kra nokucongka lüraüta kra haicang longpen thun nai Shükiavema aluna akuh thuk asam thuka ahiavih atsomvi ngutarücong tairaüta Jesuhrah türetah, 6 "Arathun omcaü namshihrah chitülan ara akhing saüva raüja longpo poshiman tüvecücangna humman mirahan."

Mungbrak Akhing.

7 "Tative, kra congüläü akhingka omtincuva misäüvan? Kümah kra akhing säüvantoshe ngutaka bomsh-tonvancang lamka jamlai phanva midongvan?" Nguta tsangshirah Jesuhma vaitah.

8 Jesuhrah tsangshih bomka türetah, "Lüshatmah sironglah; angila angika nahsirongkih. Mait pahia ngimanlam raüta, 'Ngi ahatah Apait. Omcaü kra akhing säütoshe!' Nguta mitülaö küphan. Rüşatmah tsangshih jai nahpgan rongkih. 9 Cih are dongvanto, mungbrakvanto nguta tsütsa taihan jaman namshih nahia rongkih. Congtükang cih are nai mungbrakka hongthavanra dongdü. Rüşatmah kra cih are dongvanto ngutaka athumvan akhingshe säüto ngutaka nahtüma rongkih." 10 Mung maitse sitülah thunka mungshi rai mungshi mirakhatvan. Hokham nai hokham lüpanna man arakhat mirah. 11 Barab binrüna maitphüb maitjüb hih jongman mubiti mimu. Ramman midong. Barabsena thahman midong. Rana man phübtsi jübtsicang vüta michihan. 12 Ara cong-tükang thunka mihongvan shahna namshihka miatrah

milapho. Raüta kai mitücamcao küphan. Namshihka Senagog thun küjah phovevebi manna mitücap kahphan. Kümah phatekna mishah küphan. Namshihka Ngi mütu rajabi nai gorment jahna milapkuh kühphan. 13 Kra akhing kra namshihma ara Tsütsa Ahia ara congke akhing nguta tümara. 14 Kra akhing misäi shahna khekham kam omah silah maitmü khum tükhe mütu capah mang nguta. 15 Jamningkhanva ngukala kütakah ranait Ngirah namshihma phachi pinja bomtsi mikuhkang. Kra ningkhan namjahtibirah mam namshihrah aconghan thun küva bom poshiman ajih nguta khülotmak mirah. 16 Namshihka maimü niung ave, pho anoshah, taniang senorah nai kongtibi krarah milapluh küphan. Namtsam küva vüjamka tsangshirah atsia mirahbait küphan. Ngi mütu vütarürah namshih shulüti süsah mirah. 18 Rüşatmah namkhuva khubin losü ashi dongdüman diamak mirah. 19 Kam tahongshatmali cap ronglah. Jamningkhanva ngukala namshihka congükang kra thunka' liavan lantatih tsitsü milapvanahan."

Jesuhrah Jerusalem Mithenki Nguta Congtah.

20 "Jerusalemka sapahirah trarotammah akomvishelah chihan jala jaloishe Jerusalemka mitathenbait nugshat. 21 Kütakah Judia hihna siti thunka kuakin nü nü küna juvanra. Kümah Jerusalem celana sitithunka ahinna tüjin ratulah. Kümah hihshong maitse thunka Jerusalem cela küjah kai man maimak. 22 Jamningkhanva ngukal kra congükang thunka 'Shükiave Lakna acongthü,' 'Camcao Akhing Ranait Thunka' hongvanto gnushat she ronglah. 23 Kra akhing säüvantulahna jecakre vühan situlah nai noshü niungtüm kna phübtsi canglam sitütalo! Ara

mung arama phübsi cang, camcao capacang akhing misalvan. Shükiave tsankhika ara mung ajah siti mungmaitse thahana misi. 24 Mung maitse thun küva vüjamka reverah jasaimah misübbait; kümah vüjamka kharümah kharäuta pongmungna shumvima tujama mikhavan. Pongmung maitse thun kümah akhing mithumshah vüvüka Jerusalemna tsangshirah mungkam milang."

Maitse Saükai Akhing.

25 "Rashe nai jipi, kümah raitsait thun küjah lairap michihan. Ratakihna mungakang maitse situlah thunka thenvan tükaishe nguta maitmü mak jahmah phangrah lische mirah. Sammok tra jüka mavanka chiraüta mung maitse phübrah mitsai. 26 Mungakang maitseka kra akhing saüvanka chiraüta vütarü tsaihu jihü phübrah mitsai. Ravang vinna siti raitsait jipi vüta mithenki. 27 Kra jaimahtih Maitseka ravang vinna phum mongna mungkanghih nüna Apait hentulah ningkun nai hengtulah ngao hoshatma akairaj michihan. 28 Kütakah ara thun ara hongthavan chihan jala, namshih tüchüvan akhing saütoshe nguta caplanta ranüna lüronglah," gnuta Jesuhrah congkuhtah.

Phummubcong Shütontah

29 Kra congjaishe Jesuhrah ara phummubcong manphan ata congkuhtah, "Phummubcong nai pe ahin shürira lütülanshia? 30 Phummubjah jahnie nüm chihan jala, rajashe nguta ngutulan rümakshia. 31 Kuma müren, ara congkuhkang thunka tengvan räula mungtan saühotoshe ngushat. 32 Tsanna samhia tütsangshat ronglah ara omcau atra sitülahtika vütarü mitsaishah nali mihong thavan. 33 Ra nai hihka vüta

mitheni rüshatmah, Ngi bom tsika tsishiman vahkhangmahka mokimak pura teng teng mihongvan."

Lüshatmah Sironglah!

34 "Lüshatmah sironglah! Mung kang hanngamka tüpao van mütu phasiah, kuk kuk me me camtrah, ceniang tsamhiaka nahia sihrongkih. Kümah kükhahali, hanngam tüpao mütu phanrap jahsham kaiva, tüma lantah man nahcapa rongkih. Namshihrah sapman shon Akhing Ranaitka saüсах saükijüh. 35 Akhing Ranait saükaika mung kang maitsema lam jong mongna biatsan ikhali mirah. 36 Kra ningkhan lüshatmah sironglah. Acu jaüli shücah rongla congükang mungbrakshah tülahna man namshihka khu asangmah silünta kra hongtha vantülah ranait ahiavihmah liavan lotlicang. Küma kükhahali kra maitse manna capvanma," nguta congkuhtah.

37 Jesuhka omcaü congvan tükai coji nokucongna kiraüta trakhoukuh kitülah. Kümah raji jinaka rumna mait akaitbana kiholili rütahlah. Kümah, ravanaka Olips Hihlam küjah acü jaikai kitülah. 38 Kümah ranaitheküla mait anguthunka 'vütarü tülötli Apait trakhou taikai nguta nokucongna kitühlah.

Jesuh Tsiama Mattan Phaho

22 Paska Poihomaka rahi ajelische. 2 Tsangvebi nai Shükiave Thungtri tülängketibi ajong ala maitse thunka Jesuh tsiabaitma lam riddülah rüshatmah hummak mungmaitsema ahai ningkhan.

Judasrashe Shaphatah

3 Kütakah Soitanka Judas Iskeriot nguta Askuse roshiri anai phongva veshi kra khumnashe shangvatah. 4 Kra ningkhanka Judas Iskeriotka kihoraüta Jesuh

tülapkelamka tsangve ajong alabi nai Nokucong kheti sapahibi küma congkitah. 5 Tsangshihka kra tairaüta kai khorühtah, kümah apaitma kampho man kuhtah. 6 Judas Iscariotka kra rilotraütüshe akhing mimaimai kralishe lüta Jesuhka mungmaitsema túsapmakmah lapkema nguta.

Jesuhrah Paska Poi Phasia Tüjetah

Pimah tujashüma vinsüphah poina Paska Poi tsam rai phasiadamma sakutaphah akhing ranaitküshe saüvatüh. 8 Kra ningkhan Jesuhrah Johan nai Petrusma akha congraüta tükita: "Kironglah, lanta nashih Paska tashong rajina phasiacangka tüje horongla." 9 "Ombano omtüjeho i" nguta tsangnairah vaitah. 10 Apaitrah tsangnai bomka akha nguta türetah; "Taironglah! Namnai kra cela mongna saüvantülan kraja maitve veshi kham tsabum horaü mihumhan. Apait jaika namnairah aphanvan nguli rongla, apaitka omra jamnü :vajü. 11 Lanta kra jamcongtime küma vaironglah: 'Tativerah omnühma tüvaihotah, I sakuse-tüm rai Ngirah Paska Poi dung cungsiacang khok ngulaü ira ombanu?'. 12 Kra nguhanjala apaitrah khokjong kaü ahiavi phanrab tüjeshe rakhokna michivahan." 13 Kra congkuhtah krai müren rakhoknana chvatah. Kümahkrajasha tsangnairah Paska poi rajin dungka küjah cungtüjetah.

Tative Dung.

14 Dungja kütashe Jesuhrah 'apostolos' tüm kra tebul küjah ngaraüta, 15 tsangshihma congta: "Ngirah ara Paska dungsia ara Ngi micamcaoshana Namshihrai phasitülo hajah nguta rahiviashat sikang! 16 Jamningkhanva ngukala Ngirah ara phasitükai ara lücumka Shükiave Mungtanna pura hongvanmaksha

vüvüka namshihrai lomlotmang she." 17 Kra conglot raütashe Jesuhrah cekhapka ajahna doraüta acu jaütah kümashé, "Ara jaüla, lanta namtsam vütarürah rüphianiangronglah. 18 Taironglah, nitütsu shatmah. Ngima mung kang hihmah namshihrai ceniangdamka omcaü niangdam tükang alishe mithum. Shükiave Mungtan mung kang hihna saühoraütih miniang nongkan." 19 Krajahali Apaitrah vinsü pinka ajahna shamraüta acu jaütah. Acujaülot raütashe Askuse-tüma, "Ara Ihan ngam namshih mütu akuh. Ara pha ronglah. Namshihrah akha küloruh ronglah Ngisham chiruna." 20 Küma, kükhahali vunsü phahlotjaishe tsangshihma cekhapka kuhnongtah, "Ara khapkuh tükang ara, Shükiaverah namshih mütu akuh. Ara cekhap ara Ngitajaimah shotje Thungtri Anie lam phanvan tükuna namshih nai Shükiave lüpanna jashakamvan lamrüshe kuhtakang. Ara tüjaika namshih mütu araükuhki.

21 Rüshatmah lüshat ronglah! Ngi shaphativeka ajah nashihrai pahsia dam asi. 22 Maitse lapketive kümaka phübtsi cang sitülo! Maitse ngutülaka Shük-iaverah tühongkuhtah kra phan mitsai. Rüshatmah Apait lapketive kümaka phübtsi cang sitülo!" 23 Apaitrah kra ngukata sinah tsangshih tsangshih lüpanna kra ngrai külotiveka juva mirah nguta rüvaitah.

Juva Ajong.

24 Tsangshih phongna ajong pinthum juva nguta Askusetümka tsangshih nai tsangshih lüpanna tsan-trangtah. 25 Tsangshih rükhüka tairaütashe Jesuhrah tsangshihma cong tah, "Ara mung kang hihna siti honiung hokham nguta sitülahka, miatmü jatakihna

mait omcuva sitüla kratithahna, ajong alah nguta sitülo. 26 Rüshatmah namshihka tsangshih rai rüngia cangka rümak. Namshih phongna juva ajong maitla nguta tümang tulahtirahka vütarü thahna aran, anoma jara. Kam kra veka vütarü jashima jara. 27 Bomshton, veshika caukina nganshatmah dungsiarai mirah. Kumah veshika krave küma dung túsia mirah. Rüta tebulna ngashatmah dungsia riativeka shia ajong, apaitma dung túsih tulahvekava ajong? Dungsia ngatalahiveka ajong rümakshia? Rüshatmah, omcaü Ngi namshih shüli tükang!

28 "Namshih Ngi rai kongshimah phanrap camcao vüta liavan damlan. Ngi rai rükong shatmah roja camcao vüta liavanlan. 29 Ker ningkhan Iverah Nigma mungkang langlah nguta ningkun kuhtah. Küma müren, Ngirah man namshihma mungkam mit-tüshamkang Ngi rai adammah. 30 Namshika ramung-tanna Ngi rai tebul ashina miphasih vanhan. Kümah Ngirah mungtan anie langvan tükang ranait, namshihma Ihudi phanroshiri phannai sitülahka thahna tungalata phovebima mithükang."

Pestrusrah Arot Micong

31 "Saimon! Saimon! Ana Ngibomtailah! Thahrah namshih vütarü maitaima nguta tüje jemah khetülah. Tharah namshih vütarü kam asham apa shia atsapva nguta maitai, tsamshamtirah tsamsha nai tsamchü vankhumah cüpbait tula ikha mitsia tsüh 32 Rüshatmah omkam omsham jomjü nguta Ngi acujäü shücahkang. Kamasham jomraüjah, tharah laohjüh nguta, Ngi omnüh mütu acu ajaüvishe. Omnüh tha jakhon mongva dongvan laüta Ngi düna rüvühvan tulaü küma müren, omkongtitüm küman omnürah rücom

shiavanlah." 33 Kra ngukata Petrusrah türetah, Tative, Omnüh ombanava kitülaü küjah ngi mikidamha Omjaina phansha phanmah. Phateknna jaman Omnürai kongshi mikidamha. Tsaicang jahman kümah cuncang jahman, Omürai adammha misha." 34 "Tailah Petrus," ngtua Jesuhrah türetah, "Omnürah athi ravali vu mivashana Apait juva ngi sapmang nguta jangtsam minguhaü.

Kampho Khüh, Thongkhu Nai Jasai

35 Petrus rai bomjaishe Jesuhrah Askusetümma vaitah, "Kongkhuh jimah namshih thun vütarü khühü khiahü, jahü pihhü kümah kamphoman ahümah Tsütsa congkai tükikang rümashia mait hih. Kütakah namshih mait hihmah, jamlaima man camcaoman rümakshi?" "Camcao mai" nguta tsangshirah türetah. 36 "Rüshatmah omcaü namshih vüyarüah maitmü jahna kampho lakshü, ja apih kümah khu akhia sitülahka maitmü rai napshatshe ronglah. Jujah navá ja sai pihca ahü, kratirah maitmü samhongka sha lanta ja rirongla. 37 Ngi mütu sütüla lakna Ngi mütu, 'Apaitka thamia daku rai khushiana thübaito,' nguta acongthü bomcongka pura she mihongvan" 38 "Lüla Tative! Naishih jahna jasai anai asi." nguta türetah. "Hongjüh" nguta Jesuhrah tsangshih bomka türenongtah.

Jesuhrah Acü Jaüto.

39 Ratilina omkho kitüla, kükha Askusetümmah bomcong lotraütashe, Apaitka tsangshi rai nongsha nongmah, Olips hihlam nüna acü jaükai nguta kihotah. 40 Apait acü jaüchang thina saüho raüta sinah Askusetüm nang nguta, "Acujaüronglah kama-sham jomjü." 41 Kra ngojai Apaitka tsangshih

ngatulah kümah long thonongrah thinlicang khanna alakü thahna ngarauta acujaüta, 42 “Phanthe Shükia Ivel Omnüma angtüla jalah ara Ijahva kok ara Omnürah jangvanlah. Phanrapka Ngirah tüma tü kang khuka rümak, Omnürah tüma tüläü khuna mihong tha vanlah.” 43 Apaitrah kükha acu jaüriana rava rase ashi Apait phana kiraüta Apaitma ningkun atsam thükuh kinongtah. 44 Apaitka kai camcaotah. Camcao capaka ma Apaitrah ninlotmakcang khanshe. Rüşhatmah lahmah shücah rai ningkhan ahanma ralam khamka tüjai satahla ikha dongtah. 45 Acu jaülotri she, tüdo raüta Askusetüm phana kiraüta lükikata tsangshihka capa tsirah anürai she raüta vütarü arülah akon rükitalah. 46 Kra chiraüta Jesuhrah tsangshihka tüsam lammah nguta, “Namshih jamkon siava? Tüdo ronglah! Tüdo lanta acu jaü ronglah. Kumlao namshih düna tüshangjü.”

Jesuh Lap Akhing.

47 Jesuhka Askusetüm rai kra rübom mithumshanali, Apait lapvati matikongka tsangshih phana rüthutli saüvatah. Apait lapvati maitkongkra shiavantika Askuse Judasrah shiavantah. Judaska tsangshih phah küjah saüva sah raüta Jesuh thona capsah raüta Jesuh thiaphina suma khaivatah anokma tüchike nguta. 48 Kra rükata Jesuhrah Judas nang nguta, “Judas suma lakshimah Maitseka Apait jatima dokuh tüläü nia?” nguta bomtah. 49 Mait kongka pahia pahika chiraütah sinha Askusetümrah man Jesuh lapva vato nguta sapsahse rütah. Jesuh maitrah milapshe nguta thohé raüta she Askusetümrah Jesuhma vaitah, “Tative jasai lamhokai amah jübphai jo?” nguta aming jaütah. 50 Kra rabom jahia

Askuse ashirah tsangve jongve kra dive nilokka jasaimah tüdiarok hanbaitrattah. 51 Kra chiraütashe Jesuhrah atüvin lammah ngutah, "Honjü! kütinkhan lishe, thülah jasaika ahina!" Anümah abom Iammah, maitve nika hihva tsun raüta ani küjah tükop nongtahi Ami küman kütakah tühia sahli rütah.

52 Kra lot raütashe, Jeshhrah tsangve jongbi na. Nokucong kheti sapahi sahübbi nai ajong alabi, Apait lapva nguta vütati thunka ninkinashe nguta, "Vüpih vüja küma kla dorah rahmah shia namshih Ngi lapva nguta valan? Ngika thümiah dakutektive shia? Ngili namshih rai adammah vüranaitshe Nokucongna haisia tüku. Küva sintüla lapman. 53 Rüşatmah omcaü ara namshihma akhing rava. Ningkungka omcaü rava Ngi lap mütu namshih jahnan soitanra ake vishe."

Petrusrah Arot Congtah.

54 Maitnok krarah Jesuhka lapraüta tsangve ajong pinthum jam küjah shia hotah. Petruska jailumah maitnok jaika türü phanhotah. 55 Jamkia küjah vacah raüta maitnokka vaküvo sia anga. Petrus man rasong tsiaman vathona ngakitah. 56 Petrus vathona ngaraüka chiraüta apait phantüna lüraüta jashih niungshirah Petrus nangnga nguta, "Arave ara man Apait kongtive! Jashi niung bomka tairaüta Petrusrah türetah, "Mait niung ngi Apait juva asap man sapmang!" 58 Küma hiashi siraüta hali maitve veshihrah Petrus chiraüta ngutah, "Omnüh man tsangshih kongti rümak shia?" Kra ngukata Petrusrah türetah, "Maitve ngi tsangshih kongti rümak!" 59 Kramah konta shitin siraüta, maitve veshihrah hali Petrus nanga, "Omnühka jamkhürüto Apait kongti

rümak nguta ngutülatü. Omnüh Apait kongti dongdü. Jamningkhanva ngukala omnü man Gelili hina siti sü!" 60 Apait bomka Petrusrahse türetah, "Maitve ngi asapman sapmang, omnurah jamngova ngurat tülau!" bomka anüva man mithumshanali, vuvatah. 61 Vuvaka tairaütashe Tativerah Petrus maklümah she lütah. Tativerah apait phana lüka chiraüta sinah Apaitrah acongkuh bomtsi, "Athi rava vu miva shana omnürah Jesuh juva sapmang nguta jang tsam arot miconghaü," nguta acongkuhaka atsanna tüdosahe rütah. 62 Maitmü kihshut ningkhan Petruska atsanbi tsima, jamphaina aluna juhoraütashe, shetang shetan she hokitah.

Jesuhka Ashummü Nai Atia Rütah.

63 Jesuh kheti sapahibi krarah, Jesuhka kai slai lütah. Atia man rütah. 64 Amakka khiamah jobbait raüta veshirah Apait rüsüh tset raüta vaitah, "Omnüh tsiati juva conglüta?" nguta Apaitma abi ati ngumak cang thun man vüta ngutah. 65 Pinthum nina vammakcang atai lotcang rümak slai lütah.

Jesuh Phovebi Manna.

66 Anapmah ravüri sinah Ihudinok ajong ala maitse angu thun kümah- tsangvebi thun kra nai Thungtri tüläng ketinok, ajong ala thunka thung raüta khaphocang jam küjah Jesuhka tüşhiavata. 67 Ajong alabi krarah Jesuhma vaitah, "Naishima congla, Omnühka Messiah dia shai?" nguta vatah. Kra ngukata Apaitrah türetah: "Ngirah rükhali conghaman namshirha Ebom congma lamman. 68 Küma kükhahali Ngirah namshihma bomvai haija man, namshihrah Ibom türeman mirahan. 69 Rüşhatmah omcalü ranait amaphat, Maitseka Shükiave thona ngashat she

mirah." 70 Kra tai raüta tsangshih thunka vütarürah adamna sütrangta, "Rüta Omnühka Shükiavese dia shia?" "Namshihrah ngutülan küta Ngi ara Shükiavese nguta," nguta Jesuhrah tsangshih bomka türetah. 71 Kra tairaütashe, "Nashima hakhi hana man ramakshe! Apait nubokmah adong bomtis nashih nima vütarürah taikaishe ahata," nguta tsangshih rücongta.

Jesuh Pailot Manna.

23 Vütarü thun tüdongrang raüta Apaitka Pailot phana shiahotah. 2 Kujahse tsangshirah Apaitka türot türotkihota kuma kha ahuthun kamna vuta Apaitma niantah: "Naishihrah Arave ara naishinok thunka tühon ja tüla gorment makkina sapmakcang abi külotülo. Apaitrah nanok nangnga Roman Gormentma phanrap akheng (khacana) nakuhrongkih ngüta tüvin-tülah. Kumah Apaitka Raja, Kristo nguta tücongülah. 3 "Omnühka Ihudinokma Raja dia shia?" nguta vaitah, Pailotrah. "Omnürah ngutülaü kata" nguta Jesuhrah türetah. 4 Kra tairaütashe Pailotrah tsangve ajong alabi nai mung maitse küma congta," Arave ara tüşhutcanglam ahü ngi chimang." 5 Rüşatmah tsangshihra apit bomka taimakma ajong shücah raüta khoti, "Apait lule küloti. Nokve lüpanna tatsu mitadong apait phaci congkuhtüla kra ningkhan! Apaitrah Gelili hihmah phaho raüta Judia mungna phoitah. Kra phoilot raütashe omcaü ana she saühotah ara," nguta shücahtah.

Jesuhka Herod Manna.

6 Pailotrah kra tairaütashe vaitah, "Apaitka Gelili hihti dia shia?" 7 Jesuhka Herodrah langülah mungva nguta tairaütashe Jesuhka Herod phana tüşhiavantah. Kütakah bala Herodka Jerusalemna

catah. 8 Herodka Jesuh chiraüta kai khorühtah jamningkhanva ngukala apaitka Jesuh tsaka kongkhumaphü ataivishe, küma Jesuhrai rahum rauja nguta apaitka kongkhimaphü kheshat dongdü ratah. Herodra tümaka apait makmkina avancang külo raüjah nguta tüma raüta 9-10-11 kütakah Jesuhma bom pahia pahia vaitah. Rüshatmah Jesuhrahtih apait bomka poshiman türemak ratah. Herod nao asapahinokrah Jesuhka hi avama shütairaüta pinthum shummu lapümah shünümatah. Tsangshirah Apaitka rau ahiavi ashika tülak kuhraütashe Pailot phana tujangho nongtah. 12 Kütakah ranait süli Herod nai Pailot küman siluma rajakitah. Kongkhujimahka tsangnaika vesang ikha asiva.

Jesuh Tsatbaittah.

13 Pailotrah Tsangve ajong alabi, mung shülangbi kümah mung maitse thunka adamna rücom hiatah, 14 raüta congta: "Namshira arave ara ningphana mungmaitse tükücamtulo nguta shüralan. Rata omcaü ngirah namshih vütarü makkina namshirah Apait shüralanthun tri bomka vüta shri rakng. Rüshatma Apait düna kra conglan thunka kha ahü. 15 Kümah Herodrahman Adüna kha hommak ningkhan ana ngiphana tujangvan nongtah. Apait tsalicang kha Apaitrah hommak. 16 Ngirah Apaitka sintsangmah tütsatlatüli mitadongbaitha," gnutah congta. 17 (Paska Poi ranait akhing aviana Pailotraka mait veshi veshi phatek mongna ashava tsangshima tüdong kuh-tulah). 18 Kra tairaüta mung maitseka adammah sütrangta, "Tüjobaitlah Apaitka! Barabaska tüdonglah" nguta sütrangta. 19 (Barabaska kra cela küja mungbrak kha nai maitsia kha ashabait) 20 Pailotrahka

Jesuhka tūdong baitma nguta tsangshihma jangshihali vaikinongtah, 21 Rūshatmah, “Vutangna tūbaitla Apaitka! Vutangna!” nguta sūtrangtah, 22 Kra rakataman, Pailotrah laktsam ngunashe congongtah: “Rūta Apaitka jamlai phan matkhava tangtah? Ngirah mana Apait phasina tūkilicang Adūna jamkhaman hommang? Apaitka ninta sintsangma tūtsatlatali mitadūbaitha.” 23 Rūshatmah mungmaitse thunka jūshacahvan van sūtrangtah Apaitka vutangna tubaitra donḡdū ngutah. Atūsubnashe sinah tsangshih bomnashlishe dia honvatah. 24 Pailotrah Apaitka atsia mirabaitlah ngutashe tsiabait kha she tanktah. 25 Kūmah tsangshihrah jaūtave, maitsia kha nai mungbrak khana phatekna asha kraveka tūdong-baitrau, Jesuhka tsangshih iahna she kuhbaitah.

Jesuhka Vutangna Tubaittah.

26 Tsangshihrah Jesuhka khapho cang jama kūmashe, vutang thahna atūbaitkai nguta shiahotah. Tsangshih lamna akairaina Sairini nguta mait hih ashi kra hihva Jerusalemna kai nguta kai maitve veshi rahomtah. Krave mangka Saimon. Tsangshirah Saimon kra laoraūta ningkunmah Jesuh tsiabaitacang vutang peka Jesuh jaina tūpihotah.

27 Jesuh vutangna tūbait kra lūkaitibi maitkongka pahia Apitjaina kitah. Apait jai phanhotini phong kūjah vajamka jecakre Jesuhma tsang tsanbitsima aho ani kitah. 28 Apait mūtu jecakre aho trangka chirāūta Jesuhrah jecalre phanūna lūrata, “Jerusalem miungre! Ngi mūtu namshih nahoh rongkih, maitmū mūtu mai namsaū namse mūtu hohrongla. 29 Taironglajecakrele! Namshima akhing misaūvan. Kūtakah maiteah, ‘Saūhu sehutitūm kūma

khusi canglam sittulo' nguta mingu. 30 Kra akhing küjah suli mait angu thun krara ku akin kanang, 'Omnüh naishih panglah,' nguta mingu. 31 Pecong asan ajah aji vaicat krama sintulah atinkhan külovan tülaha peshin cong she chiraujahka jamkhasheva mirah?"

32 Tsangshihra dakuvenaika Jesuhrai kongshihmah vutangna tübaitma nguta shia hodamtah. 33 Golgotha (khurü) nguta ngutulah hihba küjah saüki raüta sinha, tsangshirah Jesuhka vutangna thaitah kümah Apait thona dakuvenaika jahtsina ashi jahphana ashi vutangna hali tübaitdamtah. 34 Jesuhrah vutang thahmashe acu jaütah, "Phanthe Shükia Ive! Tsangshih mra tsanna nüatsankih. Tsangshirah ahai shia abiva külotüla, jamnan sapmak! Kümahali tsangshihrah Apait khiaka lamraüta jujuro milap nguta langlü tütsabahtah. 35 Mait omcuva kitah thunka krajah capshatmah, Jesuh camcaoka lusihtah. Kümah Ihudinok ajong ala maitse angu-thunrahka Jesuhka slai lüsiah; "Apait nanok pahia camcao maitse tühiatah; amavaman atüjang ratah. Lüronglah omcaü Apait chuketi juva. Apait nai Apait lische omtüchülah! Apaitka Messaia, Shükiaverah atüki nguriri!" 36 Sapahinok krarah man Jesuhka kai slai, shümmütah. Tsangshih shummu tsima sapahinok krarah, Jesuh pha küjah kiraüta cekuhtah. 37 Ceke lammah "Omnüka Ihudinok thahna Raja (Kristo) diala jala Omkhumka omünai omnühli tüchüla! 38 Kümahali vutang kothahanka, "Ara Ihudinok Rajave!" nguta vaitthütah.

39 Dakuve, veshi vutangna atübaitve kraraman Jesuh slailü ngutah, "Omnüka Messaia rammak shia?

Omnkhumka Omnürah tüchü phalana? Kümah nai nai ari chükuhlah!" 40 Kra nguka tai raütashe daku veshive krarah akongtiveka sontah, "Shükiavema haimaüshia? Nashih vüta adam camcao tükai ara chimaüshia. Nanaika nanai mra asi ningkha camcao tükai. Apaitka jamlai shut aphit man ahü rüshatmah camcao tülah." 42 Kumahali, kra verah Jesuh nangnga ngutah, "Tative, Akhing Ranait Omnüh Raja Mangmah säkitüläü ranait ngi nahlahkih," nguta ngutah. 43 "Ngi congpha tailah! Omnüh omcaü ranaitli Ngi rai Ramungtanna säüvan damtülü mirah haü," nguta Jesuhrah türetah.

Jesuh Langpit Akhing.

44 Ranaitna nari roshiri ania tinkjannashe kra tülötline rashe küka vüta mokitah. Ranait nari roshiri anaimah pharaüta raji nari tsamna säüli rasheka tüchimak niakitah. 45 Kümah nokucong mongna khia acanka apait kho kho, khonaimah khokitah. 46 Jesuhrah alangpit vanna, hongraüta janshi sütah, "Ive! Itsi tsü räü ara Omjah khon mongna thülah!" Kra sürishe alang pitah. 47 Sapahi sahübveka phanrap thunka vüta shrira lüraüta Shükiave süluhlammah nguta "Shukiave, Apait mitting maitse dia rüshatmah!" nguta tübottah. 48 Kükhahali küjah mait omchuva Jesuh tisbait lükai kitah thun tülötlihrah tsangshi makmah jamliava chitah, kra thunka chiräütashe tsangshih tsü humtah. Tsangshih mittum raütashe vütarürah shutkai dia nguta tüshudahvatah maitmü jamna jangvan lammahshe. 49 Jesuhmah mangsap adam haingatibi thun nai jecakre Jesuh rai Gelili hihma adam akiti thun krabirah alümah capraüta phanrap thunka pura shürirah lüta!

Jesuhmaka Laptah.

50 Ihudinok hih Arimathia nguta küjah siti maitve veshimangka Joseph nguta sitah. Josephka mitting vive! Apaitka Ramungtan anie omtin cüva saühotülah nguta the ngeshatmah sitive. Apaitka Ihudinok Kounsilna khaphotibi phongva member ashi. 51 Rüshatmah Jesuh shratah kütakha apaitka anokrai ajahmah nai anümah man lomdammak rütah. 52 Apaitka Pailot phana varaüta Jesuhmaka kuhlak nguta jaüvatah. 53 Pailot jahva amingka jaüva raütashe, Jesuhmaka vutang thahva lamva raüta ahiavima khia aniemah amaka thobvatah. Khiama ahivih thobjaishe longkhong ashi maitmah lapmak shah anie kra mong küjah Jesuhmaka thükitalah. 54 Kra ranaitka hukutbat ranait. Sabath raniatka apha hoshe.

55 Gelili hihva Jesuhrai kongshi adam akiti jecakre kra Joseph rai kongshi kiraüta Jesuhmaka jamkho sait samta kra pura lükitalah. 56 Kra lot raütashe jecakreka Ahanna niatmah mosola nai halodi thunka kuah tel thun kri tühong thavan nguta jamna jangvantah.

Sabath ranaitka Thungtri lakna congütah kürai müren tsangshihka jamna haitah.

Ajangvan

24 Cepat ranap, ranpana ranap cümah jecak niungtümka mosola tsangshi atüje kra lamhoraüta longsha küjah kitah. 2 Küjah saüraüta lükata longkaü longsha kilüka adubaitriavishe chilitah. 3 Kra chiraüta tsangshihka longkhong mong küjah niapvaraüta lüvatah. Rüshatmah tsangshirah Tati Jesuhmaka hommak rütah. 4 Kra chiraüta arang ara jamkho jakitalah nguta caprah rah küjahli maklü jahianali maitve

nai anaika khialüsamrahrak tsangshih tsangshih tho küjah capkitah. Tsangnai khu akhia küman chaihialang. 5 Kra venaika chiräüta tsangshihka ahirailammah hihna kushatlammah tsannai bomka taitah, "Atra ajanvanvitika namshirah ama phongna jaramva rittülan? 6 Apaitka ajah ahü; Apaitka ajan rüvanto. Tsanna tütsantülan shia manna Apaitrah Gelili hihma namshihma congkuhtah kra: 7 Maitse nguta sitülahka ngrai maitsema mishaphabait dongdü. Kümah tsangshirah apaitka vutangna mitubait, kümah ranaittsam ngu ranaitatra ajang miravan nong," 8 Kra bomcongka jecak niungre kra tsammongva samsahlishe ratah. 9 Kra ningkhan tsangshika longsha kramah jangvan räütashe kra chitah thunka Askusetüm veroshiri venai kümah anak askusetüm ahinthun vütama congvantah. 10 Kra jecakre thunka Merih Mekdalini, Joana, Jakobma aniung Merih ashi krari. Tsangshih rai kaidamti jecakre ahinti krari tsangshi varaüta ara phanrap chikitah thun kra 'apostolos' tüm küma congkuhvantah. 11 Rüşatmah apostolos tümrah ka kra jecakrerah jamlaiva congvantaka akam cang rümak nguta lammak rütah. 12 Rüşatmah Petruska tüdopot räüta longsha nükana jutah; apaitrah hihna bomräüta longsha mong küja lükata sinha jamman ahu apait düna esamdäm khiaküli chitah. Kra lüthü räütashe apaitka avang rai Jesuhmaka jammo jakitah nguta avang rai räütashe jamna jangvan nongtah.

Imos Hihna Kailamna.

13 Kütakah ranait nasü tsangtsam phongva (apostlosbika ramak) venaika Imaus nguta hihshong ashi krahik nüna avarai rütah. Imos hihka Jerusalem-

mah mengmashih. 14 Tsangnaika khumsha khumla
 kumah Jesuhka mung maitserah omkjo tsatbaitrah
 kra lamka rüphanan phasiah 15 tsangnai akhum
 müshamüh lamkumah. Krajali tsangnairah man hemak
 jahianali Jesuhka tsannai phana saükitalah. Tsangnai
 phana saüki raüta, Apaitka tsangnai rai kongshimamah
 tsang nai jaina avarai. 16 Tsangnairahka Jesuhka
 chitalah rüshatmah tütsangmak rütah. 17 Jesuhrah
 tsangnai vaitah, "Namnai jamlai bomva rücongrai
 tülan tüjang müshi?" Kra tairaüta tsangnaika acapa
 nai tümangcanshat lammah capkitah. 18 Kra veanai
 krava Kleopas ngutave krarah vaitah, "Omnah alisham
 jamthoman laomaü? Omnap omji, ranait nai tsam
 jalov lüpannali Jerusalemna mait kütinkhan brak
 shahtaka Omnürah taimaü shia rülaü?" 19 "Jamlai
 phanva rata?" nguta Apaitrah vaitah. Tsangnairahshe
 türetah: "Najareth hihna siti Jesuh nguta maitve
 veshi sitah, Apaitka Shükiaverah man rohiave Apaitka
 Shükiave shammiva. Phanrap maitvang cang külolütah.
 20 Tsangve jongbi nai mung rümti ajong alabirah
 Apaitka vutangna tübaittah. 21 Naishih vütarürah
 Ihudinok rumkai nai atachükai khüla kita nguta angu
 rüshatmah! Kra thun mraka donglimah omcaü ranait
 ararah ranaittsam she liavato. 22 Naishihrai kongshi
 siti jecakre vüjamrah tsangshihrah rannapna longsha
 küjah lukitalah rüshatmah 23 shamu chikitalah. Kümah
 tsangshirah rasetüm man rahüm raüta krarah tsang-
 shihma Apaitka atra nguta congtañ nguva. 24 Kra
 jaimah naishih kongti maitvere kiraüta longsha küjah
 lukiraüta man jecakrerah jamkho congtañ kükha pura
 chikinongtañ, rüshatmah Apaitka chimak dia."

25 Tsangnai bom tairaüta Jesuhrashe türetah :

“Namshih cong jaro ngikilan! Shammibirah bom acongthü küma akhusah man lammantih jamkhüva maitva namshih ara! 26 Messaia nguta sittulah ka ara thun camcaoka ninvanrah dongdü poimak. Kra camcao thunka lotjaishe Apaitka mungtanna ajong pinthum ngutashe sivancang rümakshia?” 27 Ngolot jaishe Jesuhrah Apait mütu Sütulah Lakna omsühmah Mosheh lakna pharaita shammibi lak thunna jamkho congthüta kra thunka pura ashi shimah tükham raütashe tsangnaima congkuhtah.

28 Tsang tsamka maithih tho küjah saüvan raütashe Jesuhka lia sha lia vavan ikha tümantah. 29 Kra chiraita tsangnairashe tüvintah, “Rashe acashe, raniahshe, nahvakih. Nashih arajah adamnali japrong i,” nguta tüvintah. Kra tüvintah krai müren, Apaitka tsangnai rai japvandam nguta vavandamtah. 30 Jamna saü raütashe Apaitka phasia nguta adamna tebul tho küjah ngadamtah. Raüta rotika ajahna sham raüta acü jaütah. Acü jaülot raütashe rotika tübun raüta tsangnaima phiakuhtah. 31 Kra ruti phiakejam küjahli tsangnairah Apaitka tütsangtah. Tsangnairah Apaitka tütsangri, Apaitka mosah she mokitah. 32 Apait mokai jaishe tsangnaika, “Lammah Apaitrah nanaima Sütulah Lakva bom congkuhtah etakah tsan among sanglili hiadia vakai rümakshia?” nguta rübomtah. 33 Kra rüconglot raüta jahlomali tsangnaika tüdorang raüta Jerusalemna jangki nongtah. Tsangnairah Askusetüm (apostolos) roshihiri veshika Jerusalemna kongti ahintirai adamna ngarah rah homkitah. 34 Tsangshihrah man tsangnaima congta, “Tative ajang dia rüvato! Saimonrah man Apait chitah!” 35 Kümah tsangnairah man kongtibi küma

Apaitrai lammah rühom vanraüta jammashé phasia-lammah she tsanairah jamkho tütsangta, kra bom thunka pura tsangshihma congkuhtah.

Jesuh Askusetümmah Tüchikitah.

36 Tsangnarah akongtitümka kra bomcongria küjahnali, maklü lüpanna Jesuhka tsang tsampha küjah donchah raüta, "Khu asangmah sironglah," nguta bomdamtah. 37 Kra chiraüta tsangshika maji Kla chitükai nguta pinthum akü aniü hairaitah. 38 Rüshatmah tsangshih hairaika chiraüta Jesuhrah tsangshihrai bomdamtah, "Namshih jamlaimo haitülan? Namkam tsan tsü ahü jaro? 39 Lüronglah ara Ejah phina khilimi ara, jovebiti rümak, Ngi nantsam rüntive tüna. Namshi lam manla jüla maitmü jahmah Idüna shamlanta lüronglah. Ihanna hanngam, rok arü pura asi. Jove binti, maji nguta sitüla kra hannaka arok arü nai hanngam ngutaka ahu. Idüna chütülan akhaka jahma chülicangka rümak. 40 Kra ngu raütashe Apaitrah tsangshihma Ajah nai Ahok mitümkashe pura tülütah. 41 Kra chiliman tsangshih tsannaka puraka lammak. Rüshatmah Apait chiraüta tsangshihka pinthum coci, tsangshih tsan avok küman sangli lihiamah avangrailishe rütah. Kra chiraüta Jesuhrah, "Namshih jahna pha asiacang phanshira ashsha ahüva?" nguta tsangshihma vaitah. 42 Kra jaükatshe tsangshihrah Apaitma ngihja phuseka lamkuhvatah. 43 Jesuhrah kra jaüraütashe tsangshih makkina kra ngi phuseka phatah.

44 Kre phalot raütashe Apaitrah tsangshihma congta : "Ara hongtha vantah thun ara vüta Ngirah namshihma congkuhkang rümakshia Ngi maitrah mitsat shahna namshihrai ksijina, Ngi mütu phanrap

bom Mosheh Thungtri lakna nai shammibi lakna kumah Ashi lakna vaithütah thunka pura hongvan cangva hongventüshe." 45 Kra jaimahshe Apaitrah Sütülah laknava bom thunka sapvan mütu tsangshihmakka tüpüh kuhtah. 46 Kra raütashe tsangshihma congkuhtah, "Lakna akha nguta vaithütah, Messaia ngutalaka kai camcaora. Kra camcao raütatih ranaittam ngona amava midongvan. 47 Kra ningkhan Apait mangmah mung kang maitsema asak tsitsü lapvan, shüting shüraivanlamka mung kang hihna tsütsa ahiaka gnamshihra ngrai jamonva tüdongvan nai asak tsitsü lapvan lamka vütarüma Jerusalemah pha raüta rarah aham mait hih vütana mitataikihan. 48 Namshihka ara tsütsa congükang ara hakhi heshap sittülan. 49 Kumah Ngirah Ijahmah namshih phana Iverah namshihma Sütülah Vinjika mikuhha nguta kihkhamtah kra Ngirahshe mitüsatkang. Rava ningkunka milapsha vüvü namshihka Jerusalem celana kheshat sironglah ahinna nahkirongkih."

Jesuhka Ramungtanna Shiavantah.

50 Kralot raütashe. Apaitrah tsangshihka Jerusalem cela phaina Bethani hih tho küjah saüki namnam tinkhanna shiahotah. Kra jah Apaitrah Ajahka rana doräta tsangshihma shüman cecükuhtah. 51 Apaitka tsangshihma acu shümanke ria küvali ranüna vavantah. 52 Apaitka rana vavanjaishe tsangshirah krajahli Apaitka tütsamkam anoh api tühomratak. Kumah tsangshihka kai khorüh shishüh, tsan avok sangli limah she Jerusalem nüna jangvannongtah. 53 Kra raütashe tsangshihka Nokucong küjah ranait rava ngashatmah acujati nai Shükiavema tühomrali she küjah adamna rütamshatmah sitah.